



30288



1058



1 2 3 4 5



2,040

30<sup>2</sup>88

# LES FONTAINES DE SPA

DESCRITES, 30288

Premierement en Latin sous le tiltre  
de Spadacrene, maintenant traduit  
en François avec des additions par  
HENRY DE HEER Docteur Medecin  
de Son Alteze Seren. Monsieur le Duc  
le Prince FERDINAND Electeur  
de Cologne, Liege, &c. &c.  
Duc de Baviere, Baillou, &c.

DERNIERE EDITION.

*Ipse mihi plaudo, nam statim a se ipso appellatur.*

*Hic scripssisse feret me bene, & me male.*

*Recollé*

*Paris*

*de l'anno. 1770*



13.B

A LIEGE,  
Chez JEAN MOTTET Marchand  
Libraire au Palais. 1654.

1871

1872

1873

1874



1875

1876

L'OCCASION QV'A ESMEV  
L'AVTHEVR DE FAIRE  
ce Traicté de la source des  
Fontaines en General.

CHAPITRE PREMIER.

**D**A diuersité des Fontaines ac-  
des est si grande, que peu s'en  
faut qu'il n'y aye autât de dif-  
ference, entre elles mesmes,  
qu'entres icelles, & d'autres qui  
ont la source douce. La couleur, l'odeur, le  
goust, les mineraux subterraneés, qui en vn  
endroit sont largement departies, en vn au-  
tre fort richemēt, en font vne distinction si  
grande, qu'il seroit bon, voire prés que neces-  
saire, que chasque Fontaine medicinale eusse  
son escriuain à part, qui decquurisse & mis en  
lumiere ses vertus; comme Agricola Taber-  
næmontanus, Andernacus, Stegius ont ce-  
lebré les Fontaines d'Allemagne. Car avec vn  
dommage incroyable, plusieurs tres bonnes  
Fontaines sont tellement venues en oubly,  
qu'à peine peut on trouuer le lieu où elles  
ont esté. De là vient que Mercurialis rem-  
plit le tierce Chapitre de son premier liure

#### 4 *Traité des eaux de Spa.*

*VARIARUM lectionum*, sur la question. Où ont esté les Fontaines ferrées descrites par Scribonius Largus, & Marcellus Burdigalensis, lesquelles pour ce qu'elles guarissoient les maladies de vesicles, se nommoient ordinairement, Vesicaires. Pline met aussi vne Fontaine ferrée, qu'il dist estre lez Tongre lieu de ma naissance, maintenant on doute si ceste Fôtaine est celle qui est entre les mares lez la ville, ou s'il la faut chercher dâs le Pouhon de Spa qui est à dix lieues de là. Les idiots au siecle où nous sommes se soucient peu de quelle Fontaine ils boient, pourueu qu'elle soit acide; dignes vrayemēt d'estre renuoyez à leurs premiers glands & eaux bourbeuses, iusques à ce qu'ils apprennent de ceux qui sont entendu en l'art, quelle Fontaine est preferable aux autres.

Galien au 7. liure de sa methode se tasche contre quelques Empiriques, lesquels apres l'essaye de plusieurs remedes, voire contraires, & sans aucun profit des malades qui les prenoient, comme estant arrivez au *TERMIN* de leur science; enuoient les gens aux Baings & Fontaines, si bien ils ne cognoissoient la vertu des eaux & se donnoient peu de peine, si les malades en denoient tirer de l'vtilité ou point, pourueu qu'ils en fussent de petrez.



de petrez. Il y a vingt cinq ans que chaque Esté i'ay passé quelques semaines à Spa, & la plus part conuié de quelque Seigneur ou Dame, pour leur seruir de Medecin, cependant qu'ils beuuoiēt ces eaux. En ce séjour i'ay remarqué souuentefois la faute susdite, i'en ay veu plusieurs enuoyez à Spa, par ceux qui n'auoiēt ny veu, ny gousté des acides, & qui peut estre n'auoiēt guaires leu, ou ouy parler d'icelles, & qui selon ce qu'on pouuoit apperceuoir, pour se desuelopper des facheries des malades ennuyeux, & pour les confiner loing de chez soy, afin que leur mort, ou longue langueur, ne fust si bien remarquée, au despens de leur reputation, aymoyent mieux les enuoyer à Spa que d'endurer les noises qu'ils auoiēt de leur présence. Et que pis est les ayāt enuoyé leur ont baillé vn regime & forme de boire, de laquelle les Villageois mesme se gaudissoient. I'en ay veu à qui on ne permettoit que d'en boire vne once à la fois, & à qui en parfin on n'estroyoit que dix, & pour le plus vingt onces. Certes vn viellard, ou vne bonne vieille de Spa eust mieux cōseillé ces pauures malades. Car comme l'experience a inuenté & mis en vogue ces eaux; ainsi a elle enseigné à ses manants beaucoup

des choses que des Medecins, quoy qu'en autres matieres tres-sçauants, toutefois esloignez des eaux acides ne peuuent aucunement sçauoir, & esquelles les ieunes Medecins qui viennent audit lieu sont bien aise de se faire instruire. Voila ce qui m'a induit d'escrire vn liuret des eaux de ma Patrie, œuure vtile comme i'espere, tant aux ieunes Medecins qui conseilleront les eaux de Spa à leurs patiens, qu'aux malades qui les viendront boire par aduis. Il est tiré de mon experience de vingt quatre années; de ce que i'ay appris en conferant illec avec plusieurs Medecins de toutes nations, & de ce que i'ay espluché des liurets de ceux qui en ont escrit deuant moy, car ie ne suis d'intention de m'orner des plumes d'autrui. Traictant donques des eaux de Spa apres Phillippe Gherinx mon cousin germain, & Thomas de Rye mon beau pere, que Dieu absolve, ambedeux Docteurs en Medecine au service de Monseigneur le Prince Electeur de Cologne, Liege, &c. ie rechercheray vn peu plus haut la source des Fontaines en general. Si nous croions à Seneque, Plin & autres Naturalistes, il est tres-assuré qu'il se treuve dans le creu de la terre, estangs & riuieres entieres: tellement qu'il n'est plus besoin qu'un

qu'yn Philippe Roy Macedonien, au rapport d'Asclepiodorus dans Seneque, enuoye des hommes achetez aupris d'argent dans les cachots de la terre, lesquels s'y ayant acheminez avec lanternes & fallotes, retournerent apres plusieurs iours, disants qu'il ont trouué des grands ruisseaux & des tres-profondes riuieres : Car iournalierement, les Mineurs, cherche meteaux, Tailleurs de pierres : Houilleurs, nous assurent de cela, & que bien souuent ils rencontrent tels affloghemens d'eau, qu'il ne scauent de quelle part se tourner, & que plusieurs fois ayant faict vn pertuis mal à propos ils se trouuent noyez & acablez dans ces eaux, portants la peine de leur curiosité, ou de leur auarice. Tellement que d'oresnauant chacun peut librement adiouster foy audit Asclepiodorus & autres Escriuains, qui disent auoir veu sortir de la terre tout à coup, des riuieres grandes, & des Fontaines perdurables, voire adiouster foy à Platon, qui dit estre vne Mere tartarienne au centre de la terre : & aux Poëtes ; qui y logent les riuieres de Styx, Corythe, & Phlegethon. Je ne veux parler des Fontaines que Moyse, ou autres grands personnages familiers à Dieu ont produit sur le champ par leurs prieres, des-

quels on en voit vn grand nombre au liure ou legende des Sainctz. I'obmet aussi ceux que les Payens ont veu miraculeusement sortir, comme cestuy-là duquel fait mention Tite Liue *liv. 4. dec. 3.* & le mettre au rang des choses prodigieuses, qu'en vn village d'Istrie, on a veu tout à coup couler vne Fontaine; avec l'impetuosité d'un torrent. Ambroise Perez dit que le mesme est arriué aux Indes en l'an 1555. au lieu nommé Baya Saluatoris. On dressoit vn bastiment dit-il pour les Peres Iesuites, & falloit-il deraciner vn grand arbre, à la cheute de laquelle il se leua vn grand monceau de terre, & au moins d'un rien on vid sortir vne Fontaine iettant des eaux douces & saines à boire. Or pour resoudre la question de la source des Fontaines ie presuppose vne chose, de laquelle ie croy qu'il ne faut douter. C'est que Dieu le troisieme iour de sa creatiõ du monde a fait des amas d'eaux dessous la terre, & les ayant illec enfermés les a fait s'escouler & distribuer deçà, delà, pour s'en seruir avec le temps à la generation des Metaux, Pierres, Houilles, & autres subterranees. Ie dis donc que ces amas ont esté la source des Fontaines, voire de plusieurs Fontaines, qui dès alors seruoient

uoient pour l'ornement de la terre, comme font les estoilles pour le Ciel. Bien est-il vray qu'Aristote en son liure des Meteores, tient que toutes les Fontaines & Riuieres s'engendrent de l'air enfermé dans les cachots de la terre, & par la froidure metamorphosé en eau. Le bon homme n'auoit pas leu que les quatre riuieres du Paradis terrestres sortirent par le cōmandement de Dieu, & n'attendirent que l'air se tournasse en eau, ne soit que deuant Goropius Becanus (*Indoschuticis pag. 81.*) il resuoit que ces quatre riuieres n'estoient autre chose, que la mer Oceane enuoiant des riuieres au quatre coings du monde. Vray est-il que les Fontaines creties de son temps, ou au nostre, ont la plus part le commencement par luy descrit, à sçauoir par l'air qui s'est fourré dans la terre & tourné en eau. Car de mesme que nous voyons les vapeurs esleuées à la regiō, qui tiét le milieu de l'air, se tourner illec en eaux par la froidure naturelle de ce lieu, ainsi les vapures ou exhalations venant du plus profond de la terre, rencōtrant des pierres ou roches froides, se conuertissent en eau, & deuiennent Fontaines. Tellement que si ce rencontre se fait à des pierres nettes & hautes esleuées, il s'engendre

gendre Fontaines claires: & s'il aduient, que cela arriue à des terres grasses & peu sablonneuses que les Fontaines en sont troubles. Item comme la pluye se fait par fois d'un air vaporeux froid; & autre fois d'une exhalation si chaude, que le froid en est du tout chassé, tellement qu'elle est propre de recevoir ame de reptiles, comme nous voyons aduenir lors qu'il pleut des grenouilles ou autres vermines, de mesme dans la terre se font les Fontaines chaudes en un lieu, & froides en l'autre, selon qu'ils ont leur origine d'une exhalation chaude ou froide. De là vient qu'aisement on peut respôdre à une question que iadis ont trauaillé des beaux esprit; à sçauoir pourquoy l'on voit en un endroit sortir subitemét des nouvelles Fontaines: en un autre tarir en moins d'un rien les anciennes. Car la premiere raison est la cheute de quelque coline, ou terre coupant le chemin aux eaux coulâtes par icelle, dont il est necessaire que ces eaux cherchent une autre sortie. Ce qu'arriue souuét aux tremblement de terre; telmoin Seneque *liv. 3. des quest. nat. chap. 11.* comme aussi Theophraste a remarqué à la montaigne Corycus, laquelle apres un tremblement de terre a produit un nombre de Fontaines. L'autre

raison

raison est lors qu'il s'engendre, ou se pert vn Forêt ; car les arbres qui se nourrissent sucçant l'humeur de la terre, icelle estât rayées, l'humeur qui leur seruoit de nourriture, se tourne souuent en Fontaine, cōme i'ay dit dessus au recit d'Ambroise Perez. Si quelqu'un a enuie de cognoistre des marques d'eau au Fontaine cachée, qu'il lise Plin. *liu. 31. ch. 3.* Vitruue *liu. 81. ch. 1.* Palladius & autres.

---

*. Diversité des Fontaines.*

CHAPITRE II.

**L**A nature s'est montrée autant diuerse & bigarée en ses miracles de Fontaines & Riuieres, qu'en aucune autre chose sublimaire. Je ne les conteray tous, car ils sont infinis, & ie n'oublieray ceux qui s'accordent avec les raretez des eaux de Spa ou autres acides que j'ay beu. Plin. *liu. 26. 103.* dit, y auoir des Fontaines, qui sortent d'une force si viue, qu'elle vomissent des pierres en sortant, & que entre autres il y a vne nommée Marlias en Phrygie lez le Village de Cœlenes qui fait cela. Quant à moy ie croy que ceste Fontaine ne vomissoit ces pierres, mais qu'elle changeoit les choses tōbées par cas fortuit, ou iettées de gayeté de cœur

de cœur en icelle, en pierre, & les endurecissoit. Il semble que ce soit l'opinion de Senèque *liv. 3. des quest. nat.* Il y a des Fontaines dit-il, qui tournent en pierres. J'en ay veu vne semblable au territoire de Padouë, & estoit remarquée deuant moy par le tres-docte Iean Hurnius *au liv. premier de sa Methodé*, où il dit auoir veu le tectin d'une femme du tout petrifiée, pour auoir esté apres sa mort iettée dans ceste Fontaine. J'en ay veu vne autre en Allemagne à Sivalbach à 3. lieuës de Mets, où il y a des acides tres-bonnes, cōme ie les ay experimenté il y a 34. ans. dans laquelle si on iette vn esteuf, vn gantelet, ou vn mouchoir tout se tourne en pierre en 24. heures. En outre les bois desquels ils entourent leurs iardins en forme de palissade estant arroués de pluye, se tournēt en pierre solide; de façō que l'eau engendre des vapeurs de ceste Fontaine, & tournée en pluye change les parties du bois qu'elle touche, en pierre aussi dure que cailloux; & chacun, voire le plus grossier Pay-sant y peut remarquer en vn mesme tronc ou piece de bois, vne partie estre vray bois, & l'autre pierre tres-solide. Il y a vne semblable en nostre Ardenne proche du Monastere de Malmedier à deux lieux de Spa.



Leander en remarque d'autres en Italie lez Volaterra & Forliui, esquels si on jette bois, feuilles, herbes ils se viennent à couvrir d'escorches pierreuse. Ortelius en sa description d'Irlande : Saxo Grammaticus en sa Danemarck, & Petrus Hispanus en sa Peru nous en cotissent des semblables. Paracelse le trimegiste des chymistes, comme parlent ses disciples ne treuve cecy estrange, car il dit, toutes les eaux impregnées de la vertu du sel gēmae, auoir ceste puissance sur tous bois, où il adioust que les eaux vitrioliques changent le fer en cuiure. Autres Fontaines, disent Pline & Seneque, si bien froides, jettent leurs eaux avec bouillons, comme vne marmitte qui bouille sur le feu, neantmoins ne poussent l'eau outre le borde du vase auquel elles sont renfermées, ains les rehumement tout aussi tost comme on peut voir au mesme Swalbach, en vne Fontaine entourée d'un tonneau de bois, en vn iardin du Village. Le mesme fait la Fontaine acide d'Allemagne, que Agricola appelle l'enragée, Andernacus dit qu'à quatre lieues de là tirant vers Ægra il y a vne autre qui meine vn bruit si grand, qu'elle est nommée la furieuse, ce qu'est aussi en la Fontaine Thyana en Capadoce, & moy estant il y a quelques

quelques ans en Allemagne au service de mon Prince Ferdinand Electeur de Cologne &c. ay veu des deux Fontaines peu esloignées du Tylebron lez Andernach, qui meinent vn fort grand bruit en leur source. La raison est pource qu'elles ont vne cauité grande dans terre en laquelle elles s'assemblent, & l'emboucheur par où elles sortent est basse & petite, d'où vient que necessairement elles frappent continuëllment à la sortie les bords d'une terre dure, & de là procede vn bruit semblable à celuy qui est à la marine, où l'eau frappe les rochers. Autres patissent vn flux & reflux semblable au marine, car tantost il sont enfléz, & tost apres rassis, comme en Lombardie aupres de Come, la Fontaine nommée Pliniaia, ou pour mieux dire Pluuiana, comme Benedictus Iouius Nouocomensis rapporte par ce distique.

*Inscie cur fontem docti de nomine Plini.*

*Duci, ab indigenis quæ pluuiana vocor.*

*Pourquoy surnomme tu ignorant la Fontaine*

*De nom de Pline, quand ie suis la Pluuiane.*

Ceste Fontaine croist & decroist souuent le mesme iour, voire la mesme heure comme ie l'ay remarqué il a 29. ans, mettant vne bague d'or sur le borde d'icelle, laquelle en

p eu

peu de temps estoit dans & hors l'eau. Plin second décrit ceste Fontaine *au liv. 4. de ses Epistres*, Epistre dernière escrivant à Licinius Surra, & amaine plusieurs causes de ce changement, lesquelles toutes se peuvent reduire à vn regorgement; lequel s'il eust esté bien entendu du Sage Seneque *l. 3. chap. 16. des nat. quest.* il n'eusse escrit, que c'est vn miracle caché de la nature, qu'il y a des Fontaines qui sont six heures pleines, & six heures vuides. Saxo Grammaticus en l'avant-propos de sa Danneimarck, ayant fait recit de semblables Fontaines en Norwegie, nous crayonne vn peu ce regorgement, disant qu'il se fait de cette façon: Il y a plusieurs pertuis dans la terre, esquels par fois il y a des eaux, les autres fois beaucoup de l'air; & lors que l'air cherche sortie, les eaux se viennét à couler, qui paravant se tenoient coyes, & pource que les eaux sont en petite quantité, estant retirée comme par vn regorgement, il semble qu'elles viennent à manquer. Or si cecy se fait ou à toutes, ou à certaines heures comme par vn flux & reflux, il faut penser que cela ne se fait, que pource que l'air se tient tantost coy, tantost il se bouge, & retire à soy les eaux lesquelles se remuent à son mouuement. Les Allemans en ont

en ont vne du toute semblable , au Pays de Thuringen, nommée Crater. Vitruue qui a escrit au temps d'Auguste *lin. 8. chap. 3.* dit qu'il y a des Fontaines meslée avec le vin comme il y a vne en Paphlagonie, laquelle beuë pure & sans meslange de vin enyure fort. Pline *lin. 31. chap. 3.* dict Eudoxas & Theopompus anciens Autheurs , ont décrit les Fontaines qui enyuroient. Sotio ancien escriuain , escrit qu'en Arabie il y a vne Fontaine , laquelle meslée avec pareille quantité de vin, se tourne toute en vin, & fait vn vin fort temperé & tres-plaisant à boire. La plus part des acides d'Allemagne & les nostres temperent le vin de mesme, voire quâd la meslange se fait, aucunes font bouillir le vin & iettent vne fumée tres-agreable aux yeux & nez des beuiants. Ouide vray epitome de tous beaux esprits, dit que l'eau de Lincestius en Arcadie, enyure autant que le vin. Toutes les Fontaines de Spa font le mesme, & sur tout Geronster, ce que i'ay veu mille fois en moy & autres qui en beuuoient. Mais afin que personne ne s'abuse, & qu'on n'atté de de ceste yurognerie les felicitez que Horace promet aux biberons, elle ne dure gaire plus qu'un quart d'heure, & est semblable à celle qui aduient à ceux

à ceux qui cōmencent à peluer, ou prendre du Tabac des lodes. Au Pays de Berne en Suisse coule vne Fontaine hors d'un rocher, seulement trois mois par An, en Iuin, Iuliet, Aoust, & ce seulement deux fois le iours, au matin & au soir, & pas plus long temps que les bestes sont abreuées. Que si quelqu'un iette des ordures dans le bassin, l'eau cesse de couler, iusqu'à ce qu'on aye osté les ordures. Stumpfius escrit que tout le pays de Suisse tesmoignera cecy. Nos Fontaines n'ont aucunes heures limitées, mais toutes les ordures qui tombent, ou qu'on iette dedans, voire le sucre mesme en est repoussé en peu de temps. J'ay remarqué le mesme à la Fontaine Tilleborne lez Andernach, y estant au service de Monseigneur le Prince Electeur de Cologne, Liege, &c. lors que par curiosité ie iettois vne poignée d'anys sucrées, & ne restoit vn seul grain que la Fontaine ne iettast hors de soy. Je laisse à part les autres Fontaines pour estre bref, à fin qu'on ne die que i'ay volé les coffres de Plin. Si quelqu'un toutefois en desire sçauoir, tout ce qui suffit pour contenter vn esprit des plus curieux, qu'il lise le colloque XIII. de Simon Maiolus Euesque de Vulturaria, en son tome qu'il a intitulé *dies Can-*  
*nicularis,*

*nulaires*, ie crois qu'il confessera auoir trouué vn vray Plin de nostre siecle. Venons aux Fontaines acides ou medicinales.

---

*La Difference des Fontaines medicinales.*

CHAPITRE III.

**S**I bien les acides, tant celles d'une mesme, que de diuerses Contrées, sont differêtes en goust, les vnes tenantes plus de sel, autres de vitriol, ou fer, ou souphre, neantmoins en generale elles ont toutes le nom d'acides. Car les eaux medicinales faïssantes plusieurs & diuers tours deffoubz terre, rencontrent aussi diuersitez des mineraux, desquelles ils trainent quant & soy, ou la substance, ou la vertu, ou tous deux ensemble. Comme donc la pureté & simplicité, donne prix, & bonne mise au puits & eaux vulgaires, ainsi vne mellange de choses diuerses, voire contraires recommande les eaux medicinales, lesquelles s'appellent minerales, pource qu'elles trainent quelque minere quant & soy. Minere est matiere subterrannée de laquelle se peut engendrer du metal, ou pierre, ochre, ou autre chose fossile. Mais comme nous voyons en choses sur la terre, qu'aucunes ne font part de leur vertu à l'eau, qu'apres vne longue coction, à d'autres il faut

faut meller du vin, voire son esprit, autres doivent outre cela tremper quelque temps. Ainsi dans le creu de la terre se fait la meslange tantost avec grande chaleur, tantost avec petite, les vnes se fondent aysement, selon la diuersité de la chaleur, la variété de la matiere, pesanteur, viscosité, &c. De nos Fontaines, les vnes ont leur vertu des terre par lesquelles elles passent, comme où il y a du bolus, ou terra lemnia, ochre, croye, terre rouge. Autres ont leur force de quelque liqueur ou suc congelé, comme d'alun, souphre, bitumen, nitre, vitriol, lequel Dios. repartie en quatre especes les nommant Sory, Misi, Chalcitis & Melanteria, du vis argent, &c. Les autres de quelque metaux, comme d'or, d'argent, du cuiure, plomb, antimoine. Les autres de pierres, comme du cristall, du marbre, mar-chasite, pierre de sang, ou hæmatite. Les autres des racines de quelques plantes, ce qu'arriue rarement; tant pource que leurs racines ne penetrent si auant en terre, que pource qu'où il y a des Fontaines medicinales, la terre voisine est pour la plus part sterile & pierreuse: comme au contraire, où les champs sont fertiles, il y a faute d'eaux medicamenteuses. Ce qui sera ayse à voir à

ceux qui feront comparaison de nostre Hasbaigne avec l'Ardeane. Si bien depuis vn vingt ans ençà, l'Ardenne domptée par le fartage des manants, produit maintenant des bleds, qui ne cedēt guaires aux Hasbignons. Les Fontaines acides tirantes leurs vertus de toutes ces subterranees, qui ont tantost les mesmes vertus, tantost du tout contraires, de là vient que noz eaux guerissent des maladies & celles qui se ressemblent, & d'autres qui sont du tout cōtraires, comme il se voira cy apres. Pour faire donc vn bon iugement de la difference des Fontaines, il faut voir la nature des mineraux qu'elles reçoient, s'ils sont de mesme, ou de contraire vertu. Il est notoire que le souphre, chaux, cuiure, sel, ambres sont chaudes, & pourtāt ont ils vertu d'inciser, digerer, desleicher, dissiper. Andernacus, qui a mis le nitre au rang des chaudes, s'il a parlé du nitre des anciens, duquel fait mention Hipocrates *lib. de locis aere & aquis*. Dioscoride *lib. 5. cap. 89*. Pline *lib. 31. cap. 10*. Galien *lib. 9. de simp. med. fac.* il a bien dit, mais ie croy qu'il ne l'a iamais veu, car dēs le temps de Dioscoride il commençoit à manquer au monde; toutesfois Matthiole en son commentaire sur Dioscoride, & en ses Epistres, dit que Quacelbenus Medecin



Medecin Flamend luy en a enuoyé de Constantinople; & moy i'en ay veu quelque peu il y a 29. ans entre les cappres d'Alexandrie, qui en estoient salées, lequel Santorius Santorij à présent Professeur en Medecine à Padouë, me monstra. Mais nostre nitre est du tout different de cestuy-la, car qui ne comprend la froidure de nostre nitre, au poudre des harqueboulés, ou s'il s'oppose diametralement à la chaleur du souphre, qu'il parle aux Chymistes qui font vn sel *Prunellæ*, qui n'est autre chose que du nitre raffiné, ou nettoyé de ses ordures par les fleurs du souphre. Or ce nitre ou sel prunel est si froid, qu'il agace les dents, & avec ce remede il ostent la noirceur de la langue & l'extreme ardeur des fieures. Toutefois vn tres-sçauant Medecin qui a esté à Spa il y a 12. ans pour sa santé, comme il en disputoit avec moy en allant à la Fontaine, sustenoit que nostre nitre estoit aussi chaud que le Leuantin, & comme ie luy demandois, comment donc peut-il oster la noirceur & les creuasses ou fentes de la langue, & rendre la bouche si humide & si fraîche: il me respondit que cela se faisoit, pource que le nitre ouure les portes de la langue, & que par ce moyen il attire les humiditez ca-

chées en icelle. Ce que ie ne puis cōprendre: car si l'ardeur de la fièvre n'a sceu ainsi noircir & fendre la langue, si toute son humidité n'estoit auparauant consommée; comment se peut-il faire, qu'une nouvelle chaleur surchargeant la chaleur fievreuse n'augmentera la noircisseur & les creuasses. En outre comment est-il possible que si la langue a en elle vne humidité si abondante, qu'elle deuienne si noire, si seiche, si brulée qu'elle ne peut former vne parole: laquelle toutesfois, n'y mettant de nostre nitre que la grosseur d'un petit poix ou d'une teste d'esplinge, reuient à l'instant, & la bouche se remplist tellement d'eau, que toute la langue nage en icelle, & ne se vient à seicher que long temps apres. Enfin la Fontaine de Spa nommée Tonnelet, qui est plus nitreuse que les autres, refroidit tellement la bouche & l'estomach, de qui la boient, que la plus part s'en sentent offensez, hormis quelques ieunes gens, qui ayants le foy trop chaud & l'estomach assez bon s'en treuent bien, car elle lasche suffisamment le ventre, & fait sortir des excremens demy noirs; demy verdes & de plusieurs couleurs: *Vitruue liv. 8. chap. 3.* confirme l'un & l'autre de ce que ie vient de dire, disant: *Il y a*

des eaux froides, nitreuses, lesquelles estât venues las-  
chent le ventre, ainsi par grandes vacuations gua-  
rissent des escrouelles: Entre les simples froides  
se contiennent l'or, l'argent, le fer, le plomb.  
Pourtant seruent ils à adstriktion, & pour  
arrester des fluxions. Si est-ce qu'il y a  
grands altercats entre les autheurs, touchant  
les qualitez du fer. Ceux qui maintien-  
nent la froidure, tirent Aristote de leur co-  
sté au 4. des Meteor. chap. 5. où il dit, que  
le fer se coagule par le froid, avec vne eua-  
poration totale de la chaleur, dont ils ti-  
rent ceste conséquence, où la chaleur est du  
tout euaporée, le demourant est froid.  
Galien semble aussi leur favoriser liure. 9.  
Meth. chap. 17. où il tient que le fer & tous  
autres metaux se font solides par la froi-  
dure: le mesme prérent-ils par l'adstriktion  
du fer laquelle le void és flux des femmes,  
en la corrence & ailleurs, or est-il que Ga-  
lien 4. de Fac. simp. tient toute chose ad-  
stringente estre froide. Enfin disent-ils vn  
verre d'eau ferrée estâche mieux la soif, que  
six d'autre eau; si est ce que cela est vn signe  
euident de sa froidure. La partie contraire  
cottisé de son costé, Hippocrates au liure de  
de aere, locis, qui dit que les eaux sortantes  
des lieux où il y a fer, or, cuiure, estre bouil-

lantes & nuire au corps en les trop eschauffant. *Æginera lib. 1. chap. 52.* recitant les eaux chaudes, y adiouste celles qui tiennent du fer. *Rasis lib. vlt. cont. dist.* le fer estre chaud & sec au 3. degré, s'appuyant sur l'autorité de mesue Halyabbas *in quinto Theorice c. 14.* dit que l'eau ferrée dessèche, & rechauffe la ratte, & cela à cause du fer. Finalement tous les Medecins apres Dioscoride, Galien, *Ætius*, Paulus, voire l'escole des Arabes, ouurent les obstructions de la ratte & du foy avec le fer. Or est-il que ceste ouverture se fait par la chaleur, & ne se peut faire sans icelle.

Montagnana Medecin excellentissime, dit qu'il n'y a pareille remede pour la suffocation de la matrice causée d'un flegme visqueux, que l'eau ferrée; Item pour un estomach refroidy. Fallopius faisant grande estime des argumens des premiers, confesse ne s'en pouoir depetier, enfin il dit, que le fer en lieu d'une partie de chaleur, qu'il tient: qu'il en a vingt des froides; & qui pourtant le fer refroidist toujours: Pour moy ie me range avec les derniers, veu la foiblesse des argumens des premiers, auxquelles ie ne sçay comme Fallopius a peu succomber. Car quant aux authoritez d'Aristote

rifstote & Galien, elles se cassent elles mesmes, quand ils disent que tous les metaux se coagulent par le froid, veu que tout le monde confesse que nonobstant cela qu'il y a plusieurs metaux chauds. L'argument qu'ils tirent de l'adstriction des flux, est incertain, car ie suis aiseuré qu'un quidam s'est serui vn mois entier d'un tres-parfait crocus martis, pour arrester vne gonorrhoeë, sans profit quelconque: lequel par mon aduis se seruant d'autres remedes fut tost guarì. Si quelqu'un s'en est bien trouué en la corrence, cela n'est aduënu que le fer aye espessy les humeurs, ce que les choses froides font, ains que le fer par sa chaleur a emporté la cause peccante, comme feroit vn rhubarde & ainsi consecutiuelement, & fortuitement, il a arresté ce flux soit de ventre, ou de la matrice. Car dans les playes mesmes i'ay veu que des poignées entieres de ce crocus n'ont peu estancer le sang. Ce qu'un peu de poudré de colcotar preparé avec des petits champignons, fait en vn moment, comme plusieurs m'en ont veu faire l'experience, à ceux mesme qui estoient à l'extreme.

De ceste diuersité des mineraux vient que on appelle des Fontaines souphreuses vitrio-

liques, alumineuses, ferrées, selon qu'elles tiennent plus de l'un que de l'autre. Voire il est souvent difficile de cognoistre quel minéral tient le premier rang dans vne Fontaine. Ainsi feu mon Prince ERNEST de bonne & très-louable memoire, fort versé en distillations & parfait Alchemist si iamais il y en eut un, ne sçauoit s'il nommeroit les eaux d'Emps qu'il frequentoit, alumineuses ou nitreuses; en Sueuie ceux d'Vberlingen doutent si leur Fontaine a plus de plomb ou de cuiure. Et les Medecins Italiens nomment les eaux de Luca tantost ferrées: tantost alumineuses. La plus part des Fontaines medicinales sont farcies de plusieurs mineraux: cōme nous dirons tantost des nostres.

---

*D'autres Mineraux qui se treuuent en ces Fontaines.*

#### CHAPITRE IV.

**L**Es Medecins desireux de sçauoir quelle sorte de mineraux il y a dans les Fontaines medicinales, ou ils la font euaporer par le baing marie, ou la distillant. L'exhalation n'est pas si assurée, à cause des poussieres & atomes qu'elle reçoit: La distillation a plus de certitude, car la lie ou fæces qui restent tousiours apres elle, donne beaucoup de cognoissance au Medecin. Cela se fait

fait en cinq façons par la couleur, goust, odeur, attouchement, & energie ou vertu d'operation. La couleur du sel & nitre est blanche : du vitriol verd, de l'arpiment iaune : du souphre iaune verdoyant, l'ochre rougit. Le goust du nitre est salé & amer, du vitriolacre avec quelque corrosiuité &c. Pour mieux cognoistre chacun mineral ; on les iette sur vne platine rouge de feu ; là ce qui se fond blanc côme lait, est estimé alun. La chaux & le marbe, ne se fondant, mais se blanchissent d'auantage, le souphre se fond & se donne à cognoistre par son odeur. Le sel fait du bruit. Le nitre coule sans bruit quelconque. Le plomb & le litarg deuiennent rouge. Si vous faites bouillir le vitriol dans eau commune en vn vase de fer & meslez ceste autre dans laquelle ay bouilly galla : aussi tost les deux eaux deuièdront noires. Dont l'on peut cognoistre qu'au dernier chapitre de ce liuret i'ay bien iugé, que les excremens des Bobelins à Spa se noircissent à l'occasion du fer & non du vitriol. L'alun se montre assez par son adstriction ; toutesfois si est meslez avec eau dans lequel auez bouilly du bois de bresil : le bresil redouble sa rougeur. Le fer, cuiure & autres metaux le cognoissent mal-aysement, si  
vous

vous le jettez dans fort vinaigre, ou quelque eau corrosive; car lors que les liqueurs sont mises au sel, ou consommées, la superficie vous declarera le metal. Mais rien ne declare si clairement la presence de quelque minerale en vne fontaine, que la vertu ou energie de l'operation qu'on y trouue. Et pourtant si bien en la precedente edition j'auois obmis d'escrire en particulier les vertus des mineraux contenus en nos Fontaines, ie les descriray icy briefuement, à fin qu'il ne manque rien en la cognoissance & vsage des Fontaines acides.

Commençons du vitriol duquel ces Fontaines tirent leur acidité, comme ie preue au chapitre 7. cy apres: Dioscorides *lib. 4. ch. 74.* dit que le vitriol astringent, eschauffe, qu'il tue les vers si on en prend vne dragme; fait vomir, sert de contrepoisons à ceux qui ont mangé de champignons, qu'il purge la teste detrempé avec eau, & mis au nez avec cotton. Sans faute Dioscoride parle du vitriol cru & qui n'a senti les mains des Chymistes. Car comme i'enseigne plus bas, que l'argent vif cru, se prend plus asseurement des plus petits enfans estant seulement passé par du cuir blanc, ou le sublimé ou précipité, precipitent les hommes les plus robustes



robustus aux enfers. Ainsi le vitriol mal préparé par les Chymistes, ils l'appellent Gilla, cause vomissemens cruels, voire la mort. La larme me vient à l'œil quand il me souvient, qu'un mien grand amis, bon Chymist, Mathématicien, & sur tout mineur des Fontaines, creua & mourut miserablement, ayant pris de la Gilla par luy mesme préparé, lors qu'il se vouloit faire vomir. Le iour du Vendredy saint ie fis anatomie de son corps en la Ville de Maestrech, où il estoit Chanoine de S. Seruais, & trouua son estomach percé en trois endroit, la largeur d'un patakon, il n'y restoit qu'une tres-tendre pellicule chargée de Gilla, laquelle sans faute fust aussi esté mangée, si l'ame eusse fait tant soit-peu plus de sejour dans le corps; Tout le rest de l'estomach estoit brulé & de couleur pourprin; cōme plusieurs ont veu avec extreme detestation de Gilla & sembles pestes. Cecy est arrivé l'an 1608. au mois d'Auril. Retournons au vitriol, lequel au dire de Mathiolo, se prend asseurement contre les vers & poisons de champignons. Je m'en suis servi heureusement, comme aussi d'alunés fieures contagieuses & autres, l'ayant seulement souvent laué, en donnant deux ou trois scrupules, comme

comme fait Dioscoride. Galien dit que le vitriol a vne notable adstriktion, & qu'il eschauffe. De là vient que les eaux purement vitriolées eschauffent, desseichent & constipent. Et celles qui sont moyennement vitriolicques, valent autant que les alumineuses; mais sont de plus prompte operation & nettoient fort bien la vescie, & le ventre: & font tout ce qui se dit des Fontaines acides. Que le bitume ou l'ambre liquide soit en ces Fontaines se prouuera au 7. ch. car ils s'y voit clairement en couleur d'Iris; & s'enflamment plus vistemment & clairement que le souphre. Je n'ay enuie d'expliquer les diuersitez des ambres en ce lieu, encore moins de disputer, si nos houilles de Liege, que les anciens nommoient *terram ampelitim*, sont espeece d'ambre. Il me suffira dire en briefuete que le bitume amollit, guarit des inflammations, & la procidence & suffocation de la matrice, que sa fumée decouure le mal caducque, quil fait venir les mois aux femmes, qu'il sert à la toux, aux morsures des serpens, au mal des cuisses & du costé; qu'il dissout le sang coagulé beu avec vinaigre; qu'il duist és clisteres des dissenterieilles, que sa fumée guaris des cathares; qu'il ayde au mal des dents, aux lethargiques,

ques, aux goutteux appliqué avec farine d'orge, nitre & cire. *Galien liu. 10. des simples*, dit qu'il eschauffe & desseiche au 2. degré. Les Allemans s'en seruent fort aux taches des yeux. *Tabernaemontanus chap. 4. part. 2.* adiousté beaucoup de chose, les curieux les voironnt s'ils leur plaist. Personne ne doute qu'il n'y aye du sel dâs nos Fontaines. Or au 5. liu. de *Dioscoride chap. 85.* le sel astraint, nettoye, disside, guarantit de la pourriture, retranche les excrescences aux yeux & fait escartes; consomme l'ongle & toutes les excrescences à la chair. On met du sel aux clisteres, il resout les lassitudes si l'on s'en frotte avec de l'huile. Il est bon aux enflures des hydropiques, mis en sachets, & s'en fomentant appaise les douleurs. Si on s'en frotte aupres du feu avec huyle & vinaigre iusques à ce qu'on sue, appaise les demangeaisons: Item les darts, grattes & rogne menuë. Avec miel, huyle, soulage la squinance. Bruslez avec miel est bon aux amygdalez, & de la luette; & brusle avec griotte seiche, aux vlcères de la bouche, aux genciues trephamides, & vlcères corrosifs. Avec semence de lin il sert contre les piqueurs des scorpions; avec origan, mielet, hyssop contre la morsure des serpens, avec poix.

poix ou resine de cedre ou miel contre les Ceraistes, avec graisse de veau, contre les pointures des mouches ghespes, & des vers qui s'engendrent aux bois contre les pustules blanches de la teste, contre les eminences enflées, rides & rougeastres au fondement nommé Thymi & toutes petites thumeurs. Avec raisin passerile, ou graisse de pourceau, ou miel resout les fronces. Avec origan & miel, il meurit les enflures des genitoires. Il est bon contre les morsures des bestes; & avec miel cõtre les meurissement du visage. Beu avec vinaigre miellé, est bon à ceux qui ont mangé du opium & champignons venimeux. On en met avec farine & miel sur les douleurs sur les brulures du feu avec huyle & les garde de s'eslever en vessies. On en applique sur les gouttes des pieds, & sur douleur des oreilles avec vinaigre, avec vinaigre il arreste les erysipels ou herpes. Plusieurs Escriuains modernes ont transcrit tout cecy de Dioscoride, sans changer ny transposer les parolles, & ont voulu qu'on l'estimasse de leur cru. *Fallopins chap. 9. lib. de Thernis*, dit brièvement & veritablement. L'eau qui a en soy le suc du sel, beüe, deterge & renforce fort l'estomach, vuide l'abondance du flegme, & n'en domage aucune

cune partie du corps. Et au chap. 11. entre les eaux medicinales propres à boire, sont principalement les nitreuses & salées, car outre ce qu'elle eschauffent, elles dessiechent, nettoient & renforcent. Les anciens aussi les ont eu en grande estime. Car *Antyllus* & *Aetius* s'en seruoient és maladies intérieures, voire ils disent qu'appliquées extérieurement elles guarissent les maladies extérieures.

Le souphre tesmoin le même *Dioscoride* lib. 5. ch. 83. & la plus part des modernes sont de son opinion, eschauffe, resoult & meurit fort soudainement, Prins en vn œuf ou en parfum est bon à la toux, à ceux qui ont difficulté d'aleine, à ceux qui en toussant crachent pourry : la fumée du souphre brulé fait sortir l'enfant hors du ventre de la Mere. Mellé avec terebenthine esleue la gratelle, les dartres, & les ongles raboteux : Mais appliqué avec vinaigre il est de grande efficace contre la ladrerie, guerit les vitiliginés. Avec resine est propre aux picures des scorpions, avec vinaigre guerit playes faites par scorpions marins. Il appaise les demangeaisons de tout le corps, si on s'en frotte avec du nitre. Son poudre sur le front de la mesure d'une cuilliere, ou humé dans vn œuf mollet guerit la jaunisse. Il est bon aux

C

distilla-

distillations du cerueau dans le nez & aux catharres. Sapourdré sur le corps engarde de suer, appliqué avec eau & nître sert aux podagres : La fumée d'iceluy tirée par vn tuyau dans l'oreille, guerrit l'ouye dure. Le parfum guerit les lethargiques : restraint le flux de sang, de quelque part qu'il vienne, appliqué avec vin & miel guerit les contusions des oreilles, il de seiche toutes les froides defluxions du corps, il guérit la palpitation du cœur causée d'humeur grosse. *Item* l'arcachexie, conforte la veuë ; il est vtile aux douleurs des ioinctures causées de la verolle. Il seiche l'hydropisie froide, dissout les grosses & flegmatiques ventositez. Il amende la sterilité des femmes. Il remédie à la matrice dure & enflée.

L'alun qui se treuve clairement en nos Fontaines, selon l'opinion des mesmes auteurs, a vertu d'eschauffer, retraindre & nettoyer toutes choses qui offusquent la prunelle des yeux, il diminue la carnosité des paupiers, & toute autre excrescence. Il reprime les vlcères pourris, arreste le flux de sang, reserres les gensiues pleines d'humidité, avec miel & vinaigre, il raffermie les dents qui branslent. Ils sont bons avec miel aux vlcères de la bouche, aux bubes  
qui

qui sortent par le corps, & aux defluxions des oreilles, avec du suc de la renonce cuir avec fueilles de choux ou miel seruent contre l'espreté du cuir avec demangeaison & consommation du corps. *Item* contre la demangeaison, l'aspreté des oncles, aux apostumes qui viennent aux bouts des ongles, & aux mulles des talons appliqué avec eau ou lye de vinaigre & pareil poids de noix galle brulée sont profitables contre les vlcères mangeants tout à l'entour superficiellement, & avec deux fois autât de sel contre les vlcères corrosifs. Appliqué avec poix, & farine d'Iris nettoiyét les surfures, qui tombét de la teste, avec eau profitent aux brulleurs, & font mourir les lendes & les poux. Ils seruent contre les thumeurs & la puanteur des aisselles & des eînes. L'eau alumineuse corrige les mois qui coulent sans reigle, *Item* les fleurs blanches, arreste le vomissement, oste l'enuie de vomir, ayde à l'incontinence d'vrine, amaigrit les gras, emporte les douleurs des os, des verolliques; est propre aux varices ou veines dilatées, guerit les vlcères des parties honteuses, la rongne, la demâgeaison intolérable, & sur tout ayde les scorbutiques.

Il te semblera Lecteur, que Dioscoride se contredit au commencement; disant que

l'alun eschauffe & astraint. Car tous les commentateurs d'Aristote sur le 2.<sup>e</sup> chap. liu. 2. de *generatione* ; disent que la rarefaction est ceuvre de chaleur, & l'adstriction ceuvre de froidure, ce qu'il repete souvent au quatriesme des *Metheores*. Comment donc ce grand Medecin attribue des vertus si contraires à vne mesme chose. Il respond que l'alun & les eaux alumineuses, ont qualitez diuerses, mais qu'il s'endurent en vn mesme subiect, à cause que l'vne est en qualité intense ou forte, & l'autre à sa vertu foible ou remisse. L'alun donc contient des parties chaudes moyennement, & fort seiches en outre des parties fort froides & puissamment adstringentes, & pourtant les eaux alumineuses ont vn goust au commencement tres-doux, picquant vn peu la langue; & par apres à cause des qualitez seiches & froides ils finissent en vn goust peu amere & fort adstringent. Mais i'ay traicté cecy amplement ailleurs.

Le bolus ou rubrique qui se trouve presque en toutes Fontaines acides, selon l'opinion cōmune desseiche, adstraint, & pourtant ferme le passage aux venins qui s'en iroient au cœur, & pourtant le messent-ils en toutes antidotes ou contrepoisons, & contre dysenterie. On s'en sert fort és em-



plastres qui desleient & restreignent. Il arreste le flux de ventre prins par la bouche & par clystères. Il est vtile à ceux qui ont maladie de foy. C'est ce que dit Galien *liv. 5. des simples* fort amplement, comme chacun le pourra voir. Je m'en suis heureusement serui és vlcères pourris de la bouche. *Vn* en ceux qui auoient vn catbare tombant de la teste, sur les poulmons, tellement que j'ay veu guerir ceux qui commençoient à estre ethiques, puis qu'il guerit aussi des fistules très-difficiles à seicher. C'est vn antidote contre tout poison, philtre, contre la peste mesme, en preservant les sains & guerissant les infectez. Il conforte le cœur, le cerueau, & toutes les parties principales du corps. Il ayde au mal de teste, du cœur, palpitation, inflammation des yeux, est propre à tout flux de sang quand mesme il couleroit des arteres; autant que nul autre médicament. Il arreste fort les purges trop vehementes. Il guerit les brulles, ou par eau bouillante, ou par feu, ou par metal fondu, tellement qu'il ne laisse croistre les clochettes. C'est vn bon remede contre toute playe vieille & nouvelle. A la squinancie & toute autre inflammation interne c'est vn remede souverain, comme aussi à la rogne difficile à guerir.

*Des Fontaines de Spa en particulier.*

CHAPITRE V.

Columella *liv. 1. chap. 3.* dit, que personne ne peut viure longuement, soit en santé, ou maladie, sans le moyen de l'eau, pourtant, est-il de ceste opinion que les Latins ont appellé l'eau *Aqua*, comme *A quâ fiunt omnia*, de laquelle se faiçt toute chose. Certes *Aristote au liure 1. de sa Physique chap. 2.* dit que Thales vn des sept sages de la Grece, soustenoit, l'eau estre principe de toutes choses; ce que *Senèque liv. 3. des quest. natur.* dit est vraye, *Empedocles* au dire de *Laertius* a eu la mesme opinion, lors qu'il a enseigné, que de l'eau se faisoit toute chose. Voire vn certain *Hippon* dans *Aristote; liv. 1. de Ani. chap. 2.* dit que l'ame humaine n'est qu'eau; ou toutefois il semble qu'il ay entendu la sēence, ou source de la generation par le nom d'eau. *Hippocrates* mesme venant à determiner les principes de la vie de toutes choses, il met en auant l'eau & le feu. Et le bon *Pindare* nous chante harmonieusement que l'eau est la meilleure de toutes les creatures: Quoy qu'il en soit nous voyons que la plus part des animaux peuuent viure sans feu, mais ie n'en sçait

ſçait nulle qui puiſſe viure longuement, & à l'aiſe ſans eau. Je ne veux icy diſputer de la verité de ces opinions anciennes, bien veux ie dire que leur dictum ſe treuve plus veritable és eaux de Spa, ou acides, qu'és autres, car vous ne trouuerez pas ayſement en noſtre climat des gens plus ſains, & plus aagez que ceux de Spa. Pourtant, ſi ſelon le dire de Palladius; le iugement que l'on fait de la ſanté des manants; eſt l'indice le plus aſſeuré qu'on peut tirer de la bôté des eaux du lieu, veu que les bourgeois de Spa cónoiſſent peu ou point de maladies, que celles qu'ils voyét aux Bobelins, ainſi nomment ils les Eſtrangers, & que quant à eux ils ſont ſains du tout, il faut neceſſairement conclure, que leurs eaux, & autres ſemblables acides en Allemagne, France, & ailleurs, ſont les meilleures entre toutes les eaux. Or ſi bien noſtre Ardenne eſt plaine de Fontaines acides, touteſois ceux qui parlent deuant moy n'ont eſcrit que de deux, du Sauenier & du Pouhō. Et ſi bien ces deux noms, ſemblent barbares, touteſois puis qu'ils ſont connus à tous Européens, nous les retiendrons. On tient que le Sauenier ou Sabiniris a prins ſon nom du Tribun qui ſont noz Colonce Sabinus, qui fut là defait par les Liegeois. Le Pouhō

vient de la langue du Village, auquel Pouhon signifie puiser en France, duquel deut estre en Latin les puits se nomment *Putei* & en Flamend *Putten*. La Sauenier est esloignée du Village l'espace d'une heurette vers l'Orient, sortant hors des fentes & creuasses d'une roche peu pâchante, au reste tres dure. Le vase qui la reçoit est du tout naturel sans artifice quelconque, & ne tient guaires plus de deux pots. Le Pouhon est au milieu du Village, environné d'un beau marbre, qui tient plus de quatre tonnes, & suffit pour estancer la soif de tous ceux qui sont à Spa, voire aux iours caniculaires. Si bien il n'est iour, qu'on n'emplisse une infinité de bouteilles pour les envoyer aux Pays circôvoisins de Liege, Angleterre, Hollâde, en France, en Allemagne, en Italie mesme. Elles sont toutes deux doüées d'une tres plaisante douce aigreur, & ont fait plusieurs miracles, tels que Celsus dit se faire en la medecine. De là est venu que plusieurs Medecins & Philosophes de toutes parts de l'Europe, pour les contempler sont venus en nos espineux forests, pour comprendre, d'où leur venoit telle vertu. Les Docteurs Gherinx, & de Rye, disent que Philippe de Besançon, Medecin Parisien leurs a assisté à la distillation

lation de ces eaux, & qu'en les sublimant, ils ont trouué le Sauenier tenir de la terre rouge, de laquelle on tife fer, de l'ochre, du cuiure, du souphre, du salpêtre, du vitriol. Et qu'au Poubô il y a du fer, du cuiure, plomb, vitriol, souphre, alun, salpêtre, ceruse. De Rye remarque, que le Seigneur de Besançon pensoit; ce que M<sup>o</sup>sieur de la Framboisiere recite aussi selon l'opinion des autres que la Fontaine de la Sauenier tenoit aussi de l'or, mais que quant à luy venant à penser que le terroir de Spa, n'estoit propre à la generation de l'or, il s'est mis à la distiller derechef lors que Besançon estoit party, & a trouué que le souphre leur auoit baillé occasion de ceste erreur, pour ce que lors que l'on cuisoit ou distilloit l'eau, elle laissoit des tasches qui contrefaisoient l'or. Le croyaysement l'opinion de M<sup>o</sup>sieur de Rye estre veritable, veu que l'Ardenne à peine a trois mois entieres la chaleur grande du Soleil, de laquelle toutefois depend la production de l'or. En outre les Ardennois ont percé iusques aux entrailles de leur terroir, cherchant les mineraux coustumieres à leurs môtagnes, & iamais n'ont recouuert vn seul grain d'or. Oultre ces deux Fontaines pieça descrites de Messieurs Lemborch, Gherinx

& de Rye, depuis 14. ans ença, on a cōmencé à mettre en vogue deux autres. Geronster de laquelle on parloit desia au temps de Rye il y a trente ans, & le Tonnelet, auquel on a donné ce nom pour estre comprise dans vn vase de bois que nommons vne tonne. Il y a grande difference entre ces deux Fontaines, Geronster tirant vers le midy de Spa, entre des buissons en vn lieu mal accessible, en est esloigné d'une bonne heure, ayant tous les metaux susdits, mais sur tout est pleine de fer, lequel y pouuez flairer & saüorer, car en le beuuant l'acier vous prend par le nez, & vous farcist la teste d'une odeur d'acier fondu, dont ceux qui ont la teste d'une chopine, & foible pour porter boisson vaporeuse, s'enyurent tout aussi tost, & ceste yurognerie plaisante, & peu facheuse, leur dure vn quart ou la moitié d'une heure. Ceste eau trouble les boyaux, dont plusieurs les ayant beu, les reuomissent & lachent leur ventre, & néanmoins ne laissent d'vriner & suer à force. Le Tonnelet qui est enuiron le demy chemin de la Sauenier & du Pouhon, tirant vers la main gauche en vne belle plaine, mais en vn lieu mareschageux, à la misericorde de toute pluye & de tous vents; où que la Sauenier & Geronster

ronster sont entourées des beaux arbres & des rochers propres pour s'asseoir & boire ses eaux à l'ombre. Le Pouhon est gentiment environné d'un marbre, tout alentour accommodé de beaux sieges de pierre, pour boire assis à l'aise. Ce Tonnelet a plus de salpêtre que les autres, d'où vient qu'il est plus froid que les autres & qu'il n'a des vertus vitrioliques & souphreuses comme les autres, mais i'en parleray tantost plus amplement. Puis que i'ay mentionné de la distillation faite par autres medecins, & que c'est l'unique remede d'auoir pleine connoissance de ces eaux, i'ay aussi prins la peine il y a 14. ans de distiller, & euaporer ces quatre Fontaines, accompagné du tres-sçauant & illustre Guillaume Paddy Cheualier & Medecin du Roy de la grande Bretagne; & de Richard Androes aussi Medecin Anglois tres-expert, & grand Philosophe. Ce qui en sortoit du commencement estoit vne eau douce ou flegme malplaisâte, ayant vn goust & couleur d'une eau, dans laquelle on eust esteint de la chaux, & au fond de nostre alambique n'auons trouué autre chose, que la terre rouge mere du fer, de l'ochre, & du vitriol en petite quantité. Toutefois distillant Geronster auons trouué  
au fond

#### 44 *Traité des eaux de Spa.*

au fond de nostre alambic des taches aussi large qu'une oncle, que chacun iugeoit estre du souphre, mais quand les iectrions sur un fer rouge, ce souphre ne se venoit à enflamber; ou à se fondre, ce que toutefois faisoit le souphre demeurant apres la distillation des eaux des bains d'Aix; car nous en fisme venir une douzaine de bouteilles, & les distillâmes comme celles de Spa. Je diray au chap. 7. comment ces mineraux qui ne se montrent en la distillation, sont en ces Fontaines. Si quelqu'un s'esmerveille que Gherinx & de Rye distillant le Sauequier y ont trouué du souphre, & nous point, qu'il lise la dernière page des Epistres chymiques du tres-sçauant, & chef de tous distillateurs modernes Libavius, lequel rapporte ces mots, parlant de la Fontaine de Beroheim en Allemagne. *Il y a qui la distillant, y ont trouué du souphre, ce qui ne m'est arrivé, mais c'est chose ordinaire qu'en diuers temps, l'on apperçoit diuers mineraux en une mesme Fontaine.* C'est opinion de Libavius se peut verifier par une experience journaliere de ceux qui viennent montrer leur vrine au Medecin, qui est chose la plus suiette à tromperie, que toute autre en son art. L'en cognois plusieurs, qui pour auoir douleur aux roignons & pour  
la façon



la façon de viure qu'ils tenoient, ie iugeois  
asseurement graueleux, si est-ce qu'en leurs  
vrine on ne voyoit le moindre sable du  
monde, dont quand ils me vouloient croire,  
ie leur faisois cinq ou six iours routier  
vriner en vn vase ample, & alors que l'vrine  
estoit si long temps rassise, la vuidant par  
declination, ou la faisant euaporer; ils trou-  
uoient la grâuelle, & la matiere propre pour  
s'endurcir en pierre au fond du vase. Si l'v-  
rine qui est la matiere serueuse de tout le  
sang, laquelle s'amasse & se separe dans les  
roignons, n'ameine pas tousiours quant &  
soy, ce de quoy il y a bonne foison en la  
source qui sont les roignons, pourquoy les  
Fontaines acides ne ietteront par fois vne  
eau plus simple, ou moins metallique, ca-  
chant vn peu de temps, vn ou plusieurs de  
leur mineraux? Car il est assuré que les  
Fontaines ne suivent vne certaine & inua-  
riable façon de sortir de leur source, la for-  
tune ou hazard ayant grand pouuoir sur  
elles, veu que selon que fortuitement la mes-  
lange des mineraux se change en elles, ainsi  
changent elles en vertus & operations, &  
font des effects du tout diuers és corps qui  
s'enseruent pour medecine, ou boisson ordi-  
naire. Il faut donc souuent distiller la mesme  
eaux

■ eau pour comprendre tous ses mineraux, ce qu'avec l'ayde de Dieu, ie feray avec meilleure commodité, comme i'ay desia souuent fait.

---

*La difference des quatre Fontaines.*

CHAPITRE VI.

**L**Es idiots & gens qui n'ont estudié ne sçauent mettre autre difference entre les eaux que celle qu'ils trouvent au goust, pensant que toutes les Fontaines qui sont acides, pour estre d'un mesme goust, auoir aussi les mesmes vertus & qualitez, se souciant peu si ceste acidité leur vient d'un ou plusieurs mineraux, & si elles trainent quant & elles la substance de la minere, ou seulement les esprits qui en sortent, ou les vapeurs qui s'y amassent. Les Philosophes & Medecins en font tout autre iugement; lesquels s'accordent que toutes les Fontaines susdites sont pleines des mesmes especes de mineraux, mais que l'une en a plus grande quantité que l'autre, tellement qu'il y a beaucoup de difference entre la proportion de ces choses subterranees, desquelles elles tirent leur vertu, & tiennent le premier rang, & sur toutes autres sortes d'eau: & mesmes entre les acides, les vnes deuant les

les autres pour mesme subiect. Voions donc laquelle des quatre emportera le loz sur les autres. La Savenier a vne eau pleine d'exhalations & des plus subtils esprits, & pourtant est-elle plus legere que toute autre eau, voire que les eaux distillées par les alambiques: Car elle n'a guairès de la substance des mineraux, ains seulement leur vertu, pourtant est-elle plus penetratiue, & passe plus viste-ment, par les conduits du corps que les autres. De là vient aussi, que on ne la peut guairès loing transporter arriere de la source sans perdre ses forces, tellement que si elle vient à estre portée dâs le village de Spa même, ce qu'un Laquay fait en vn bon quart d'heure, elle perd beaucoup de sa legereté & s'apefanty, car les esprits qui la rendoient legere s'envolent, lesquels s'estant retirez, il leur arrive le mesme que voyons es corps morts, lesquels, l'ame estant sortie, & les esprits quant & elle esvanouis, deviennent sans comparaison plus pesants, que lors qu'ils vivoient; au moins si l'opinion commune est veritable. Comme en effect ie l'ay trouvé vray, faisant l'experience en des pigeons, pouilles, & autres volailles. Item en cochons & quelques poissons, lesquels estant estouffés, pesoient plus que de leur vivant, que deux, que

que trois, que quatre dragmes. La quantité de ceste eaux s'amoindrist aussi, tellement que la bouteille estant fort bien bouchée, qu'il ne s'en escoule vne seule goutte; si est ce que lors qu'on la transporte, elle vient à se diminuer, pource que toute chose pleine d'esprit, tient plus de lieu, que lors qu'elle en est vuyde. Le Seigneur de la Framboisiere tres-sçauant Medecin du Roy Tres-Chretien, dit, qu'estant esloigné de Spa le chemin de deux iournées, il le fist apporter 48. flacons du Pouxhon & 12. de la Sauenier, & que celles-cy n'auoient autre gouff, que d'un puits ou Fontaine commune, ou que celles du Pouxhon estoient tres-acides. En outre qu'à celles du Sauenier il manquoit à chaque bouteille vn bon verre, ou que celles du Pouxhon estoient tres-pleines: si est ce qu'aussi bien les vnes que les autres auoient esté bouchées & garnies du bois de liege, du poix & cuire, d'un mesme homme; & toute à l'endroit mesme de leurs Fontaines. Ce que ie viens d'escrire, a esté creu & écrit par mes predecesseurs: & certes ie suis esté de la mesme croyance. Ce qui m'a fait icy repeter les mesmes paroles cy devant mises en lumiere, pour ne paroistre vouloir tout à coup renuoyer sur des opinions re-  
ceues,

ceuës, mais depuis neuf ans l'experience nous a enseigné le contraire. Car nous auons veu charger force bouteilles à la Sauenier, pour Monsieur de Bouillon, lesquelles on nous a attesté de Sedan y estre venuës fort bonnes. Et Messieurs Harlem & de Brye sçanants Medecins, ont traité vne Princesse avec moy, à laquelle on apportoit l'eau de la Sauenier à son liët, aussi saoureuse & picquante comme à la source mesme. Tellement que de puis les Liegeois emplissent leurs bouteilles, desquelles ils se seruent en Hyuer non au Pouthon, comme iadis, ains à la Sauenier, ou Geronster; Ce que tout le monde sçait. Comme aussi que le Pouthon se peut transporter en lieux fort esloignez de Spa. Moy-mesme par le commandement de mon Maistre le Très-Illustre Christoffle de Harlay Conte de Beaumont, lors Ambassadeur du Roy Tres Chrestien, vers la Royne d'Angleterre, & qui depuis à continué sa charge aupres du Roy de la grande Bretagne, ie fis puyser sur la fin d'Auril en l'an 1603. deux cent bouteilles du Pouthon, & les menay quant & moy en Angleterre, estant la Cour lors à Kingston dix mille par delà Londres, & Monseigneur ayant son logis à Stepné, où ie les ay trouué ayant esté

D

plus

plus de dix iour en chemin, & souuent changé de chariots, & deux fois de bateaux sur la Mer & sur la Tamise aussi bonnes qu'à la source mesme : Car estant son Medecin domestique ie debouchois toutes les bouteilles, & en tastois vn petit verre en sa presence, & n'y auoit bouteille qui ne fust aussi pleine qu'elle auoit esté emplie à la Fontaine du Poubon. Si est-ce que Geronster, hormis peu de legereté ne luy doit rien, soit en bonté, soit en vitesse de son operation. Car ceux qui le boient souuentefois, ayants beu deux ou trois verrés vomissent grande quantité de flegmes, deschargent leur estemach d'vn pesant fardeau qui les a trauail'é long temps, vont la plus part souuent à la selle perçee, ou pour mieux dire derrier quelque buisson. Neantmoins ils rendent beaucoup d'vrine : & ceux qui ne vomissent legerement, pour se sentir vn peu forcé à cela, suent vne sueur pas penible. Ceste Fontaine peut aussi estre portée loing de la source, sans perdre sa force, pource qu'elle traine plus de la substance des metaux. Le Poubon tient de la plus part de ces mineraux, mais plus terrestres ; car les autres sont toutes sur des collines assez hautes, & cestui-cy est dans la vallée, & pourtant

pourtant est-il iugé moins leger par ceux qui ont escrit deuant moy, & plus tardif en ses operations que les autres, ce que se treuve veritable, lorsqu'on le prend à la façon iusqu'à present accoustumée. Je sçay toutefois que si l'on vient à ceste Fontaine apres auoir fait de l'exercice vne bonne heure, comme l'on vient aux autres, qu'il pousse les vrines aussi tost que la Sauenier. Ce que i'ay experimenté tant en moy, qu'es autres, auxquels i'ay conseillé de se pourmener iusqu'à demy chemin de la Sauenier ou Geronster, & puis s'en retourner au village, & boire le Pouhon. Car maintenant mesmes, lors qu'on le prend estant à peine sortis du liét & à demy habillé; si est-ce que pour auoir bonne quantité de sel nitre, il purge plus vistemment le corps que la Sauenier, & peu plus tard que Geronster. Le Tonnelet a moins de vitriole & de souphre, & dauantage de nitre ou salpêtre (car entre ces deux n'y a aucune difference) que les autres, & contient les mineraux moins parfait que les autres, pource qu'estant en lieux marescageux, il reçoit aisement de la fange voisine, & estant compris d'un grand tôneau en moins d'un rien, il est mélé de la pluye, n'ayant aucune couuerture ou ombrage.

Poutefois le tres-sçavant André Treuissius Medecin des Serenissimes Archiducs de Brabant, a enuironné ce Tonnelet d'une petite muraille, & l'a recômandé à plusieurs. Mais puis que j'entens qu'il en veut faire un liure, lors qu'il sera imprimé, nous l'examinerons avec tout respect & amitié, & luy croirons autât que ses raisons nous cômanderôt.

Nous auons parlé de la legereté de nos eaux acides. Or afin que personne ne s'abuse, pensant que la difference soit grande touchant ce point; ie diray ce que l'experience m'en a enseigné. J'ay pelé les eaux de la Sauenier, & telles qu'elles sont; & distillées, contre l'eau d'un ruisselet qui coule voisin de la Fontaine, & n'ay trouué difference que d'un grain, ou d'un grain & demy; si bien selon le commandement de Columella, ie les ay pesé au plus chaud de l'Esté, lors que les Fontaines ont leur sincerité totale, sans aucune meslange d'eau celeste. J'ay fait le mesme à la Fontaine de Tilletorn lez Andernach en Allemange, avec pareil euenement, tellement que ceste essaye est douteux, & qui trompe les plus curieux & diligens esprits. Il vaut donc mieux croire aux Docteurs, qui ont tiré une façon plus assurée hors de la doctrine des Arabes,



bes, lesquels nous commandent de prendre deux piece de drap, ou de linge, iustement d'un mesme poids, ou bien deux morceaux de cotton, & les mouiller en un mesme clin d'œil & les retirer semblablement, & lors iuger ceste eau plus legere, le drap ou cotton duquel à esté plustost seiché. Car c'est un indice asseuré d'une legereté, d'estre plus promptement euaporée. De mesme ces cottons ou draps estant mis en une balance, vuyderôt la dispute de la legereté des eaux.

Ioubert au Paradoxe 5. de sa premiere decade, donne un autre moyen tres-asseuré, par l'incettion d'un bois rond en forme de cylindre. Car il est asseuré qu'au corps ietté dans l'eau, penetre plus avant en eau legere, qu'en une pesante, ce qui se void en l'eau marine, laquelle soustient des tres-grands fardeaux. C'est ce que dit Galien livre 4. des Simples, apres Aristote, Ionphus, Pline, que le lac de Palestine nommé Sodoma à cause de son espesseur, soustient quel homme que ce soit, si l'on l'y iette garotté pieds & mains. Moy avec Hypocrates iettent l'eau plus legere, laquelle passe plus vistement par le corps, & n'apesantit les hypochondres, car cela est un argument infailible de sa legereté, qu'elle reçoit si aisement

des qualitez contraires. Il y a quelques années, que proche du Tonnelet est venuë vne autre Fontaine nommée le petit Tonnelet, plus piquante que la premiere, & purgeante mieux les boyaux & la vessie, si est-ce qu'il n'y a point distance d'un pied & demy l'une de l'autre. De mesme à la Sauenier est venuë vne autre Fontaine dans le tronc d'une arbre voisine, plus grande quatre ou cinq fois que la premiere, au reste d'un mesme goust & vertu que l'autre, ce que chacun doit confesser, ce qu'il void cler à l'œil, que le bois de l'une, & la pierre de l'autre sont teintes de mesme couleur de l'ochre, & d'autre minéraux, qui donnent la vertu medicinale à ces Fontaines. Tellement par mon conseil, qui treuve la vieille Sauenier vuyde, ce qui se fait souuent, il peut boire au tronc voisin, & y trouuera outre le goust les mesmes effects.

---

*D'où vient l'acidité à ces Fontaines.*

#### CHAPITRE VII.

**Q**ue les Fontaines de Spa soient acides, beaucoup d'auteurs l'ont escrit, & de tous ceux qui en ont beu, ie n'ay veu personne qui ne l'ay confessé, hormis vn Chymiste de Bruxelles nommé Jean Helmont; auquel

auquel j'ay tellement respondu par vn liure particulier, qu'il a quitté sa folle opinion. Mais iusqu'à present ie n'ay veu personne qui donnasse la raison de ceste acidité. Or sus donc taschons d'esplucher ceste difficile question en toute briefueté, afin de n'en-nuyer mon Lecteur.

La plus part des anciens Medecins & Philosophes, tiennent que les choses deuiennent acides pour deux causes. La premiere est, quand elles se pourrissent, comme on void au vin, lors qu'il se tourne en vinaigre. Car Galien *au liure des facultez des Simples*, dit que cela se fait par putrefaction. L'autre cause est, lors que faute de chaleur elles ne viennent à maturité, comme il se void és fruits aigres & au verjus, lequel seroit doux s'il fust meur. Mais ny l'une ny l'autre de ces causes rend nos Fontaines de Spa acides, car ayât coulé si longues années & tousiours avec la mesme acidité, elles ne se gastent en façon quelconque, ains demeurent claires, argentines, esloignées de toute pourriture & de changement en pis. Ce que ne se void és autres choses qui pourrissent. Voire ce qu'est fort remarquable; quand les eaux de Spa se viennent à pourrir en quelque caue pour estre mal bouchées, & recevoir de

l'air, elles perdent toute leur acidité & deviennent douces, au contraire que fait le vin ou la bierre, & acquerent le goust d'une eau commune. La crudité ou faute de chaleur, n'est aussi cause de leur acidité : Car comment pouvons nous imaginer manquement de chaleur, en une chose que tout le monde confesse actuellement froide, & qui ne s'eschauffe, qu'à force de chaleur extérieure du Soleil ou du feu ? Il faut donc adiouster une troisieme cause aux susdites, à sçavoir la mixtion ou meslange de quelque chose acide; de laquelle si bien il semble qu'Aristote n'en ay touché, si est-ce qu'il le donne assez à entendre, lors qu'il dit, que l'eau devient acide par accident. Ce qui change la nature de l'eau, ne luy surviuent-il pas par accident ? Toute eau de sa nature doit estre sans goust ou chaleur quelconque, estant créée de Dieu froide & humide. Vitruve en parle un peu plus clairement, disant qu'il se fait en la terre des amas des suc acides, lesquels se venant messer avec l'eau de quelque Fontaine la rendent acide : mais il ne donne point de nom à ce suc, & n'enseigne pas, de quelle façon il exerce son operation. Gabriel Fallopius, qui a le mieux escrit de la nature des baings, & duquel  
tous

tous ceux qui en escriuent apres luy ; ont la plus part de leur rapsodie, parle fort peu & presque point des Fontaines; toutefois il dit en passant, qu'il y a des Fontaines nommées tpsalia ( ie croy qu'il entend celles de Spa ) qui sont dit-il fort acides pour estre pleines enpartie d'un vitriol à demy rosty, ou pource qu'elles ont du suc d'alun un peu brulé. S'il m'est permis d'opiner apres tant de Scauants Autheurs, ie croy que toutes les eaux acides, sont telles par la meslange du vitriol ou de son suc ; si bien le fer, le souphre, & par fois l'antimoine ou vit'argent y apportent aussi quelque goust : Car i'ay souuent experimenté, que peu de gouttes d'une huyle tirée d'egale quantité d'antimoine & de sublimé, les Chymistes le nomment *Butyris Antimony*, font l'eau autant acide que l'huyle de vitriol. Mon opinion est appuyée sur 2. raisons, comme il me semble fort apparantes & pregnantes. L'une est qu'en tous les endroits, où il y a Fontaines acides, il y a aussi ou és lieux voisins des mines de vitriol. L'autre est, pource que le vitriol est fort acide, ce que sçauent bien tous alchymistes, lesquels avec un morceau de vitriol, ou quelque peu de gouttes de son huyle, qui est tres-aigre, en moins d'un rien

tirent la teincture des rosés, laquelle avec vne douce aigreur, combatte & surmonte les fieures ardentes, & la peste mesme. Je croy que tout homme de sens rassis & de bon iugement dira le mesme. Mais il y a vne difficulté à comprendre, de quelle façon se fait ceste cômixtion de vitriol avec l'eau, ce que se peut faire en 3. manieres. La 1. est quand la source de l'eau en sa veine passe par dessus la substance des métaux, ou minere, & en traîne des morcelets ou excremens quant & soy. La plus part des escriuains en ceste matiere, soustienrent ceste maniere estre vñtée, voire mesme Aristote au liu. de sensu & sensibili, où il dit, *les eaux sont telles, côme est la nature des choses sur laquelle elles passent*, & Galien au liure 1. de Simp. med. fac. disant; *Si l'eau pure & sincere passe par les endroits où il y a du souphre ou de l'ambre & qu'elle emporte des lopins quant & soy*, & ce que s'ensuit. Il n'y a que Tabernemontanus qui tient le contraire, pour vne raison fort friuole; Si cela estoit vray dit-il, Il se trouueroit des riuieres entieres medicinales, & sur tout celles qu'ont de l'or seroient cordiales, comme le Rhin en Allemagne, l'Elbe en Saxe, le Tagus en Espagne, & autres qui ne touchent seulement la minere d'or, ains trainent plusieurs  
petits

petits lingots d'or en telle quantité, que on en forge de la manoye, & que plusieurs qui ne font autre mestier, que de s'amuser à la pescherie de ceste or, treuvent de quoy se nourrir & leur famille. Il adiousté que tant s'en faut, que de pieces d'or ou d'argent iettées en quelque eau, luy communiquent quelque vertu, qu'au contraire telles se pourrissent plustost que des autres. Je responds que par le nom de minere nous n'entendons vn metal parfait & de tout acheué, & si solide qu'vn feu vulgaire n'y peut mordre, mais vne minere crue, commencée à se façonner, laquelle par longueur de temps, ne soit que l'eau par fortune ne l'emporte, deuiendrait vn metal parfait & du tout solide. En outre quand bien les riuieres grandes par luy nommées, traineroient ceste minere nouvelle & encommencée, si est-ce que la grande & excessiue quâtité de leurs eaux estoufferoit leur force, laquelle ne se perd en vne petite Fontaine. Car nous scauons tres-bien, que l'or ou argent qui a esté sept fois raffiné par le feu, comme parlent ceux, qui ont tourné les Pseaumes de Daud en vers latins, si bien on le iette en quelque eau, soit enflambé au feu ou autrement, qu'il ne fera à icelle aucune part de ses vertus. L'autre maniere est quand vne vapeur vitriolique

sublimée de quelque minere, vient à se mesler avec l'eau qui coule au mesme endroit. Cela est conforme à la doctrine d'Aristote au 4. des meteores, où il dit, que les vapeurs retiennent le goust des choses dont elles son esleuées, & que pourtant les eaux engendrées de ces vapeurs, retiennent les qualitez douces ou aigres des mineaux, desquels ils procedent. La troisieme maniere est, quand la mesme vapeur engendrée d'en haut, se tourne en vne eau acide, laquelle se meslant avec vne Fontaine voisine, rend ceste Fontaine acide entierement, avec vn goust agreable toutefois à ceux qui l'ont tant soit peu accoustumez. Et celle-cy est la meilleure de toutes les eaux acides, claire, argentine, nette, n'ayant aucune difference d'une autre eau de belle Fontaine, horsmis l'acidité ou aigreur. Quelqu'un me demandera, laquelle de ces trois manieres rend nos Fontaines de Spa acides ? certes tout homme ayant tant soit peu de connoissance de la Philosophie, resoudra aysement ceste question à la premiere veüe de ces eaux. Car le Saperier de tout transparent, argentin, sans aucune boue, demeurant tant de centaines d'années sans se gaster ou corrompre, selon le recit que les bonnes vieilles de Spa, disent tenir de leurs ayéules, ne tire, quant & soy la minere de



niere de vitriol , car ce faisant il seroit d'une substance plus espesse & l'odeur de la minere donneroit aux nez de qui la boiroit : maintenant la substance estant si claire, d'un goust si agreable , d'une odeur si suave, il faut qu'il soit devenu acide de l'une, ou plustost de toutes les deux manieres'dernieres. Le mesme se peut dire du Pouhon & du Tonnelet. Mais Geronster qui donne de l'odeur du souphre ou plustost d'acier fondu au nez de tous ceux qui le boient, qui est d'une substance peu plus espesse , qui exerce clairement les vertus attribuées au souphre , certes outre la vapeur il tient aussi de la minere du souphre , j'entends ceste premiere, qui n'est encore de tout coagulée, ce qu'à mon grand souhait, ie voudrois que quelque Cerchemetaux nous enseignasse avec son gain, & sans interesse de la Fontaine. Qu'ils s'en aillent donc toucher , ceux qui par argumens friuoleux seduits , ne veulent croire comme à fait M. Gilbert , qu'il y a du vitriol en ces Fontaines. Si dans ces Fontaines il y eusse du vitriol ce disent-ils, leur eau seroit chaude & brusleroit la langue. Or est-ce que de tous ceux qui en boient, personne ne se sent picqué ou bruslé, voire au contraire ils se sentent alliger de leur

leur chaleur & loif. Aux canonades de pommes pourries il ne faut que cuirasse de toile ou papier. A vn argument si foible la responce est aisée. Car si bien nous disons, qu'il y a de la minere du vitriol en ces Fontaines, si est ce que nous disons que la meslange d'autres mineraux outre la quantité d'eau, vient à dompter ses forces, de telle façon qu'il ne peut monstrier sa force, comme il feroit estant seul, & n'ayant diminué la puiffâce par la froidure de la terre rouge, cuire & autres. Imaginons que la minere de vitriol ou du souphre soit chaude au 3. degré ou plus, dirons nous pour cela que les eaux imbues des vapeurs ou de la substance d'iceux ayant la mesme vertu ou le mesme degré de chaleur: tant s'en faut, car nous voyons quelques eaux souphrées estre froides, les autres tièdes, les autres si bouillantes, qu'elles fussent pour cuire des œufs ou deplumer des volailles, selon la quantité des minereux, qui est meslée parmi les eaux. Or pour prouuer que dans les Fontaines de Spa il y a du vitriol, & que cestuicy est la seule ou principale cause de leur acidité, il est notoire, que si vous venez à dissoudre quelque portion du vitriol en vn verre d'eau, ou si vous y jettez quelque goutte d'huyle

d'huyle d'iceluy vous rendrez l'eau commune aussi acide que celle de Spa, & presque de mesme effect. Aussi ceux qui font eua-  
porer ces eaux de la façon que les Alchymistes vsent à tirer leurs sels des vegetaux, ou  
simples, ou meslez en quelque composition,  
lors qu'ils en ont tiré la vertu, ou par di-  
stillation, ou par infusion, ou par decoction,  
ils y trouuent du vitriol, comme ont fait  
Gherinx, de Rye, de Besançon, & moy  
mesme avec plusieurs autres. Enfin és lieux  
voisins de Spa, comme à Franchimont l'on  
tire iournellement grande quantité de vi-  
triol & de souphre, ce qui se pourroit aussi  
faire à Spa sans faute, ne fust qu'on eust peur  
de gaster ces Fontaines tant recommanda-  
bles. Toutes les quatre Fontaines ont ce-  
la de commune, que si on garde leur eau en  
quelque vase de terre, si bien elle se monstre  
au commencement argentine, & claire tout  
ce qui se peut, si est-ce qu'apres quelques  
heures elles ont vne toillette grasse, qui  
nage sur elles, comme l'on void sur l'vrine  
de ceux qui ont vne colliquation des roi-  
gnons, semblable à vne toile d'araigne. La  
plus part des Medecins, si bien personne  
n'en a escrit, ont iugé ceste toillette estre du  
souphre, mais ie croy qu'elle est d'ambre  
jaune.

jaune liquide ou pas encore congelée. Car si on l'allume, elle rend vne flamme plus claire que le souphre, & si on vient à le gouter, vous y saurez le goust de l'ambre jaune. Elles ont aussi cela de commun, que les cauités, pierres, tuyaux ou autres endroits où elles passent, viennent à se teindre d'une couleur rougeastre ou jaunastre, ce que procede de l'ochre ou de l'amer du fer. Elles ont aussi toutes la vertu de tuer grenouilles, escriuilles, les petits poissons, car ie n'ay encore fait l'essaye en aucuns plus grâds que les Gouions ou petites Truites. Cela s'entend si elles demeurent long temps en ces eaux : car si vous les ostez si tost qu'ils sont assoupis, estant reiettez en eau douce, reprennent la vie, ny plus, ny moins, que les chiens, iettez dans le grottes de Puzuolo en Campanie d'Italie, qui semblent estre mort de la vapeur desdites grottes, & reprennent haleine & vie, par le rafraichissement du lac voisin.

---

*La qualité de ces Fontaines.*

## CHAPITRE VIII.

**L**Es Medecins & Philosophes voulans s'enquerir des qualitez des eaux, ou choses desquels ils font leurs compositions;  
premiere-

premierement ils les auient avec les sens  
exterieurs tant qu'ils peuvent ; par apres re-  
marquent leurs effets , & par ce moyen ac-  
querrent vne cognoissance parfaite d'icel-  
les. Or si bien le iugement des sens est tres  
asseuré , & sur tout quand il est secondé de  
la raison , si est-ce que les Medecins s'ad-  
donnent plus à la 2. recherche, qui est de leur  
operation. De là vient qu'en leur escole  
ils enseignent , que chaque substance a des  
qualitez premieres, secondes & tierces, se-  
lon la difference des operations qu'ils re-  
marquent. Puis donc qu'entre toutes les  
formes substantielles nous n'en cognoissons  
pas vne, hormis l'ame humaine , qui est im-  
mortelle & créée à l'image diuine de son  
Créateur, & que des seules qualitez on peut  
atteindre la cognoissance des formes : ayant  
perdu l'esperance de cognoistre la forme es-  
sentielle de nostre eau medicinale , recher-  
chons soigneusement toutes leurs qualitez.  
Il est appert que nos Fontaines sont actuel-  
lement froides & humides ; mais potentiel-  
lement chaudes & seiches, c'est à dire qu'el-  
les nous refroidissent & mouillent à la vue  
de l'œil , & manifestement au sens , mais  
elles ont vne vertu ou puissance de nous par  
apres eschauffer & dessécher. La premiere

partie de ceste proposition sera auerée par tous ceux qui en goustéront; car Aristote ne sçachant qu'il y auoit des Indiens, qui ne boient, que toute liqueur chaude, dont les Grecs leur ont mis à nom. Thermopotes, donnant la definition de la soif, dit : La soif est vn appetit d'vne chose froide & humide, or est-ce qu'il n'y a rien qu'estance mieux la soif que ces eaux. L'autre partie se prouuera par viues raisons, lors que traiterons de l'usage de ces eaux. L'experience nous a enseigné les mineraux qui sont en ces Fontaines, mais la proportion qu'il y a, entre iceux & les eaux ne peut estre cognue, comme tesmoignent tous ceux qui en ont escrit deuant moy. Et certes ie tiens qu'il est impossible de sçauoir au vray, combien de degrez de chaleur ou de froidure il y a en ces eaux. Il faut mettre cela avec la source du Nil, ou l'attraction de l'Aymant dans le puis du bon riardt Democrite, ou on dit qu'il tient la verité cachée long esgarée de l'entendement humain. Certes en vne lumiere menuë nos yeux sillent, en vne moyenne nous sommes esbloüis, en vne tres-grande nous resuons. Contentons nous donc d'estre assuré, que en ces eaux il y a du vitriol, souphre, fer, & les autres  
suscités

ſusdicts mineres, ſans ſçavoir quelle proportion il y a entre les qualitez premieres qu'elles communiquent à ces eaux, tant qu'il y a diuerſité grande des mineraux : qu'aussi ceux qui boient ces eaux ont des téperamens & complexions fort différentes ; l'un eſt ſtematique, l'autre cholerique : le tiers melancolique : l'un a préparé & purgé ſon corps, l'autre n'a prins ny l'un, ny l'autre, & pourtant reçoivent-ils auſſi des effets tres-diuerſ de ces eaux. Car comme il ſe dit és eſcoles, tout agent equiuoqué fait des operations différentes ſelon la variété des obiets ou de la matiere en laquelle il agiſt. Toutefois ces eaux lors qu'on les boit, ſont touſiours leur operation premiere, qui eſt refroidir & humecter, & par apres lors qu'elles ſont eſchauffées par nos eſtomacs ; elles nous eſchauffent & deſeichent brauement. Quelqu'un me dira : Si elles deſeichent, dont ceux, qui par maladie ſont deuenus ſecs & emaciez, tellement qu'ils n'ont que la peau ſur les os ne doiuent boire des eaux de Spa, de peur que l'ame, qui n'a autre liaiſon avec le corps, que la chaleur & l'humidité naturelle, eſtât encore refroidie & deſeiché, s'en aille departir du corps.

L'experience nous fait voir le contraire :

car nous auons veu des amaigris , & qui sembloient estre iusqu'au gosier dans le tombeau , lesquels ayant beu ces eaux sont deuenus en bon poinct , gras & membrus cōme auparauant. Car ces eaux ayant osté l'obstruction des veines meseraiques & du foy , & renforcé l'estomach , ils ont engendré vn chyle qui se tourne en bon sang ; & ce sang en chaire , ou qui auparauant le chyle se tournoit en flegme & aquosité. Mais ceux-cy pour diuē cela en passant , ne se deuoient purger que par chistères, ou avec de la mēne, ou casse , & par apres des Syrops de roses, ou de violettes solutives par infusion. Cccy suffit des qualitez premieres. Quant aux deuxielmes , elles incisent les humeurs visqueuses & tartariennes , sont abstersiues , extenuent le flegme , ostent l'obstruction du foy , & de la ratte , & des veines meseraiques , ostent les inflammations causées par les obstructions susdites , & neantmoins avec leur adstriction agreable , elles renforcent tellement l'estomac , que de mil qui en boiuent selon l'ordonnance d'un bon Medecin , il n'y a pas vn qui se plaigne de la froidure actuelle d'icelles , si ce n'est du Tōnelet. Elles dōnent merueilleusement force & vigueur aux nerfs , chassent la serosité superflue,



perflue, la chaleur, le flegme, la melancolie par diuers pertuis. Il y en a qui rendent grande quantité d'urine, autre beaucoup de matiere fecale, la plus part tient de noir, verte, bleue, & autres couleurs. Il y en a qui vomissent, qui suent, & qui iettent beaucoup de mourue par le nez. Fallopius raconte de luy mesme, que boiuant les eaux Aquariennes en Italie, il fut trois iour sans lâcher le ventre, ou vuyder excrement quelconque de son corps, mais qu'à la fin de la troisieme iournée il luy sortit vne sueur si abondante, qu'aysement en eusse-il rempli plusieurs escuelles. Feu Monsieur Gherinxa veu comme j'ay fait aussi des paralytiques rendre toute leur eau par vrines, & neantmoins lâchoient le ventre comme s'ils eussent prins vne medecine laxative, & nageoient, par moyen de dire, en leur sueur. Je voudrois que les Medecins qui craignent dans vne mesme medecine faire vne mixtion des medicaments seruantes à faire vriner, & aller à selle percée ensemble, de peur que la nature diuertie à plusieurs actions, ne puisse vaquer à l'vne & l'autre, prissent vn peu garde à ceste imiter, veu que le Medecin se dit ministre de la nature. Mais ie traicteray ailleurs ceste matiere: Il a aussi

veu comme moy & tout, des Dames honnestes, auxquelles en vn mesme temps ces eaux mouuoient fort les vrines, faisoient couler leurs mois, & les Hemorrhoides ou brocques tout ensemble. Voila comment la nature s'esgare en ces eaux de Spa. Certes ces Fontaines si claires : si agreables au goust & à la veue, font des grandes vuydanges, voire contraires en vn mesme temps, plus que ne feroient des barils de medecines fascheuses à sentir, detestables en couleur, & abominables au goust. Car entre toutes les medecines diuretiques, il y en a qui mouuent les vrines, parce qu'elles donent grande quantité de matiere aqueuse au corps, laquelle estant trainée aux roignons, emmeine avec soy les humeurs que elle treuve en iceux, les autres font le mesme effect par vne abstersion, qu'ils font des humeurs qu'elles rencontrent dans les vases, & dans les roignons. Ces eaux seules entre toutes les medecines, font tous les deux effets tout ensemble, car elles sont abstersiues, & donnent à chacun telle quantité de matiere aqueuse que luy plaist de prendre. En outre plusieurs autres remedes ne sont propre à toute saison, ny a toutes sort de personnes : Si est ce qu'un Medecin sca-

uant

uant peut ordonner ces eaux tout du loing de l'an, & à toute sorte de gens; Car les minéraux retenant leur première mollesse, se messent tellement parmy ces eaux, qu'il n'y a rien de si caché au corps humain, où ces eaux ne le fount, & penetrent, voire iusques au plus petit pertuis du corps.

---

*De quelles maladies on se peut guarir  
par les eaux de Spa.*

### CHAPITRE IX.

**S**ENEQUE au liure 3. des questions naturelles Chapitre 2. dit qu'il veut faire vn discours des eaux qui sont remarquables, ou pour leur goust, ou pour quelque vtilité signalée qu'elles apportent au monde. Car il y en a qui aydent les yeux, autres qui fortifient les nerfs, autres qui guarissent des maux inueterez & desesperez des Medecins. Les vnes guarissent des vlcères & playes exterieures, autres aydent aux interieures, & ostent les maux des poulmons & autres parties nobles, autres estâcent le sang. En somme elles ont l'vsage aussi different que le goust. Voila ce qu'en dis Seneque en general. A meilleure raison nos eaux de Spa, auxquelles tant de minéraux ont fait part de leur vertu, peuvent & doivent necessairemēt

guarir plusieurs, voire contraires accidens en vn mesme temps. Et puis que la chaleur naturellement est accoustumée d'inciser, atténuer, &c. Et la froidure ayme au contraire à cōstiper, astringre, engrossir, rendre espesse, il ne se faut esmerveiller si ces eaux font des effets contraires, cōme pour exemple si elles font couler les fleurs aux filles pâles, & si au contraire elles arrestent le flux trop abondant à d'autres, ce qui se monstrera par exemple evident. Mais si bien le suiet de mon liure est vn medicamēt empiricque, si est ce que moy suis Docteur rationel & nullement empiricque, il me faut rendre raison, briefuement toutefois, comme il se peut faire qu'un mesme remede guerit maladies contraires, & qu'un chacun s'en peut servir, aussi bien les sains que les malades, les vns pour se guerir, les autres pour se preserver de maladie. Nier ce que voyons iournellement comme faisoient les Pyrrhoniens, ou douter de toutes choses comme font les niais; me semble propre à vne eceruelé; mais en chercher les raisons, & les expliquer clairement, cela sent son Philosophe & Medecin. Or estant arriué à ce Rhodus, faisons ce salut. J'ay dit au chapitre precedent que la plus part de la verité

rité se cache au puits de Democrite , & que nous sommes enuironnez d'une grande nuée d'ignorance: Neantmoins il nous faut croire ce que nous voyons , & confesser ce qu'il y a de science au monde. Car i'espere vous faire croire en matiere de nos Fontaines, ce que des esprits quoy qu'ailleurs gail-lards, disent, ne pouuoir comprendre. Noz corps tant sains que malades, ont quelque chose commune, & à la conseruation de laquelle & l'une & l'autre se doit estudier, ce sont les forces, lesquelles il faut entretenir & augmenter, afin qu'elles retardent les maladies prestes à venir ; & seruent aux fonctions des sains. C'est le but auquel visent tous bons medecins, & à quoy ils s'amusent le plus. S'il est question de donner une medecine laxative, s'il faut mouuoir les vrines ou sueurs on a esgard aux forces: s'il faut saigner, deuant toutes choses on regarde les forces, iusques à là qu'en une pleurésie sanguine, ou la saignée est tres-necessaire ; si le medecin void les forces manquer au malade pour cracher suffisamment, il ne saignera point ou fort peu. Dans les fiebres qui se guerissent mieux par abstinence que medicamens, nous regardons plus aux forces, qu'à la maladie. Tous les saupie

quets sont inuentez pour les forces, à fin que l'estomach lassé de viâdes journalieres, se remet avec du poiure, autres espices, herbes, verjus, vinaigre. Et pourtant les choses confortatiues sont propres aux sains & aux malades, pour exercer leurs fonctions naturelles, seulement avec ceste distinction qu'il en faut moins pour maintenir la santé presëte, que pour recourir celle qui est perdue. Ainsi vn peu d'ache, serpouillet, rosmarin, fleur de noix muscade, suffit pour assaisonner la chair de mouton, des sains pour oster la viscosité, & empescher l'obstruction qui se causeroit par vn chyle trop espesse, & pour mener la serosité superflue, au roignôs pour les vuyder par vrines, ou à la peau pour les faire sortir par sueur. Mais à des malades il faut des poignées d'herbes toutes entieres, ou des onées de racines & semêces, toute autre chose à l'aduenant, pour surmôter l'obstruction ia engendrée. Lors que la rate ne réuoye le suc melâcôlic par la courte veine à l'estomach, & qu'alors l'appetit manque aux sains, avec peu de vinaigre, jus de limô, verjus on y met remede. Mais aux malades il y va du temps & faut grande varieté de medicamens, & souuentefois reiterez. De mesme aux Fontaines acides, petite quantité & peu de iours

de iours beue fuffit aux fains, mais les malades en doivent beaucoup plus boire & continuer plus long temps. Seruons nous donc des Fontaines, que les anciens ont nommé sacrées, & nous foucions peu de ceux-la, lesquelles pour la petitesse de leur cerueau, ne peuvent comprendre, ce qui passe la longueur de leur nez. Mais pour tenir bon ordre, il vaut mieux que nous commençons de la teste. Premièrement ces eaux guarissent les cathares, qui causent la plus part des maladies au corps humain, elles deseichent le flegme superflus au cerueau, & ainssi preseruent & guarissent l'homme de paralysie, tremblement des membres, & autres maux voisins à ceux-cy. Le Sieur de Rye recite, que Monsieur Arnold Brueghel Chanoine d'Oirschot entierement Paralytique aux iambes, & qui n'auoit le bras à son cōmandement, a beu ces eaux, & que d'un mesme temps, si bien il rendit beaucoup d'vrine, qu'il a tout ensemble fort sué, & beaucoup lasché le ventre, & que bien peu de iours apres il a pourmené à son ayse parmy la chambre; toutefois pource que les pluyes suruenantes plusieurs iours cōtinuels, l'empescherent se seruir desormais des eaux, son mal reprint, & s'en retourna sans entiere guarison

guarison en son pays. Il y a dix ans que Madame de Lumley Angloise, se servant du conseil Monsieur Gifort Medecin de Londres, homme tres-expert de son art, se sentoient allegée d'un tréblement de teste qui la tourmentoit depuis huit ans, mais ayant à combattre avec la mesme constitution pluvieuse du Ciel, m'ayant appelé à la consultation avec son Medecin, reprist la route de sa patrie sans estre guarie en un temps si contraire à l'usage de ces eaux. Le mesme, de Rye dit avoir veu Monsieur de Sanseux Gentil-homme François, tourmenté d'une convulsion du col si cruelle, que tous les Medecins n'y sçauoient mordre, venant donc à Spa, comme au dernier & unique remede, à son semblant : la premiere année il se retira chez soy comme il en estoit party, mais il ne fut long temps en sa maison, qu'il ne sentit quelque allegement, ce que luy causa le retour aux eaux de Spa trois autres années continuelles, & qu'en fin du 4. Esté il se sentit guarý du tout, emportant un loyer conuenable à une si belle patience. Ces Fontaines soulagent si bien, à longueur de temps, ceux qui ont mal de teste, les sujets à migraine & tourbillons. Elles ostent les rougeurs des yeux appliquées par dehors



dehors & beues interieurement. Elles ay-  
dent à ceux qui font tousiours des rots, qui  
ont le hocquet, ou qui sanglottent conti-  
nuellement, comme aussi ceux qui vomis-  
sent toute leur nourriture, ce que i'ay re-  
marqué ceste année en vne Religieuse, la-  
quelle sanglottant sans cesse, par le moyen  
de ces eaux, & d'une opiate que ie descriray  
tantost, en fut guarie, & ses fleurs qui s'a-  
uoient arresté dix mois entiers, s'escoule-  
rent à son souhait. Elles sont sur tout sin-  
gulierement propres à guarir les obstru-  
ctions du foy & de la ratte, & sur tout de la  
melancolie hypochondriaque ou venteuse.  
I'ay veu plusieurs hydropiques se retirer  
d'icy sains, & beuants ces eaux claires &  
doucees, y laisser celles de leur ventre  
troubles & salées. Il y a 4. ans, que sur la  
fin d'Aoust est venue à Spa Mademoiselle  
de Barthelemy Seigneur de Bussy, Conseil-  
lier en la Cour du Parlement de Paris, ayant  
l'hydropisie leucophlegmatique autant que  
ie vis iamaïs, laquelle beunant ses eaux se-  
lon l'ordre que ie luy auois baillé, s'en re-  
tourna saine à sa patrie, & l'an passé estant  
retournée à Spa, ayant beu ces eaux quel-  
ques 3. mois s'en est retirée avec vne santé  
entiere. Il n'est question d'en nommer d'au-  
tres,

tres, car tous les ans on en void des exemples. Il y a 12. ans que Frere Gabriel Capucin, apres vne longue fieure quart, & ayât vuydé grande quantité de sang par la bouche & le fondement. (car en ma presence en vne fois il en vuyda plus de 8. liures, encouru vne hidropisie, de tous Medecins, & de moy-mesme iugé incurable, estant porté à Spa, lors que tout le monde croyoit qu'il y venoit chercher sa sepulture: car il estoit infinimēt enflé, & ne se pouuoit tenir debout, ayant beu le Pouhon au liēt, peu apres s'en alla à la Sauenier & Geronster distants vne grosse lieue du village, se gaussant de moy qui ne pouuois suiure la vitesse de ses pas, & s'en retourna sain à Liege. Toutefois deux ans apres l'hydropisie l'ayât reprins au mois de Decembre, il en mourut, ayant vescu 28. mois sain, contre l'opinion de tout le monde. Tellement que i'ose asseurer, que quiconque a eu 2. ou 3. mois l'hydropisie, quoy qu'on le guarisse, il moura en fin hydropique. L'eau de Spa oste la chaleur excessive des roignons, chasse mieux le sable ou la gravelle que nulle autre medecine, estant vn medicament simple naturel, sans artifice & tres-agreable, à tous ceux qui ne vueillent chose queconque qui sente l'Apo-  
ticairie.

ticairie. De mesme vient-elle à empescher, que la pierre ne s'engendre au corps humain. Pigré. vn. renommé Chirurgien de Paris, lequel dans sa chirurgie traite en passant en vn Chap. de nos eaux de Spa, tient pour asseuré qu'elles ne peuuent guarir ou rompre la pierre de la vessie; mais l'experience nous à enseigné le contraire en la personne du R. P. Louys Hagerus Visiteur des Chartreux de la Franconie, homme digne de foy, lequel m'a conté plusieurs fois, qu'auant que venir à Spa il y a trois ans, il fit sonder sa pierre tant à Wirtsburg en son pays, qu'à Liege, & qu'apres auoir beu grande quantité de la Sauenier & du Pouhon, ceux qui l'auoient sondé auparavant, trouuerent la pierre beaucoup amoindrie, lors qu'il mirent l'esprouette à la seconde fois. Le mesme Perç est venu derechef à Spa l'an suiuant, & y a demeuré plus de dix sepmaines, beuuant tous les iours, avec admiration d'vn chacun, trois cens cinquante onces tous les matins, & selon le rapport de ceux qui l'ont sondé à son retour, la pierre a encore esté trouuée fort diminuée. Et mesme lors que ces fontaines ne romperoient la pierre, si est-ce qu'auant que se faire tailler, on boiroit ces eaux avec

vne merueilleuse vtilité , car pour le moins osteront-elles le phlegme visqueux , qui environne ordinairement la pierre, & ainsi rendent-elles l'extraction de la pierre plus aisée.

En outre il arrive souvent , qu'une masse de flegme , qui n'est encores endurcie ou tournée en pierre , tourmente le patient de mesme façon , comme si la pierre fust formée du tout, ce que depuis quelques années est advenu au Docteur Gratian , le plus fameux tailleur de pierre, & Operateur , qui dès long temps aye esté par deça les monts : ie croy qu'il fait encore il Messer Nursino à Rome pour le present. Or ce Gratian s'assurant auoir vne pierre grosse en sa vessie, se fist couper d'un sien amys Operateur en la Ville de Namur, lequel ne trouua en sa vessie pierre quelconque, ains seulement vne amasse de flegme; laquelle aisement fust sortie par le moyen de ces eaux. Plusieurs bons auteurs comme Horatius , Augenius , Pareus , Hollerius , Marcellus , Donatus , ont laissé par escrit, qu'il se treuve des pierres si enuelpées dans vne cotte de flegme visqueux , que la sonde des plus experts Medecins & Operateurs s'y abusent , & que la pierre ne se treuve qu'après leur mort. Certes ceux-cy trouueroient vn extrême soulagement

gement en ces eaux : car puis qu'elles ont  
brisé la pierre du Chartreux susdit, elles  
dissoudront plus aysement ce flegme enue-  
loppant la pierre : Il y a quatorze ans que  
vn soldat de Rynsberque disoit auoir seize  
pierre dans sa verge, grosses comme des  
nouveaux poix, ie ne le voulois croire  
l'ayant veu vriner, côme il me sembloit as-  
sez librement, & ne pouuois comprendre  
comment tant de pierres luy permettoient  
tant de liberté d'vrine, il prend vistement  
ma main & me le fait sentir. Je les contay  
aussi aisemēt comme des grains d'vn chape-  
let, ou boutons d'vn pourpoint. Quatre sep-  
maines apres, il m'en monstra dix dans vne  
boite, & ne trouuay que six dans la verge :  
ie ne sçay ce que ceux-la sont deuenues, car  
il demeura long temps à Spa apres moy.  
L'eau de Spa guarit aussi les viceres des roi-  
gnons ; & la carnosité au conduit du mēbre  
viril, car elle oste l'humeur qui les engendre,  
en le desseichant, melme si on iette l'eau de  
Spa avec vne Syringe dans la verge, elle ci-  
catrice l'ulcere, & conforte la partie qu'elle  
ne reçoie plus les humeurs, qui puissent de-  
nouveau ulcerer la partie. I'en ay veu des  
exemples en vn vieillard d'Anuers, lequel  
ayant beu l'espace de 3. ans, 6. mois entiers  
F en chasque

en chaque année, a esté guarí d'un vlcere inueteré. Et un bon Religieux ayant beu les eaux de Spa par mon conseil l'An passé, a esté deliuré d'une carnosité engendrée par la sortie d'une pierre, qui l'auoit travaillé long temps. Il y a grande dispute entre les Autheurs si ces eaux aydent à la gonorrhœe, ou flux de semence verrollique, ou la chaude-pisse Venerienne. Quoy que les autres en doutent, ie vous assure que par longue & certaines experiēce qu'elles y sont fort vtilles. Mesmes ceste année deux Parisien en ayāt des plus fines, en ont esté parfaitement guaris. Elles confortent aussi les vases spermatiques, ou seruants à la generation, qui s'affoiblissent lors qu'on a la gonorrhœe, ou vit-coulant. Que personne donc ne bannisse desormais les mignons du Dieu d'Amour, & sa mere Madame Venus, de noz Fontaines. Car si les metaux; ou remedes metalliques, comme confessent tous les Medecins, ont vne vertu propre & spécifique pour guarir la verolle, puis que la vertu de ces eaux est purement metallique, ou minerale, qui est ce qui puisse douter que les verollez tresprecieux, comme les nôme *Rabie lasus*, ne recouriront leur santé mieux icy qu'ailleurs. Ceste année un quidam de  
ma con-

ma cōnoissance, ayant la bouche & les bords de la langue pleins d'ulceres verolliques, larges comme l'ongle d'un homme, beuvant & gargoufant de ceste eau, en a esté quitte entierement, ce que ie peu affermer avec serrement. Solennander docte Medecin des Ducs de Juliers *Cons. 27. sect. 3.* a esté de mon opinion, disant : *Ces eaux sont fort utiles à la Gonorrhoe & à la carnosité, lors que les tuyau du membre virile est réduit libre par l'onguent Camphorat, car l'eau de Spa nettoiera, rafraischira & desseichira l'ulcere, & en fin le menera à cicatrice.* Il faut de nécessité que ie conte icy vne histoire, remarquée par Remb. Dodoneg. chap. 41. *Observat. medicinal.* où apres vn grand narré il dit qu'un grand Seigneur de la maison de François & Henry Roys de France, ayant eu 18. ans vn flux venerien, le mal allant toujours en pis, & ne profitant par medecines, il est venu à Spa, où en peu de iours ses maux sont fort diminuez, tellement qu'il viua là plus aisement qu'ailleurs. Car ceste Fontaine assoupit la douleur des roignons & la vessie, & si bien rarement elle les guerit du tout, si est-ce qu'elle renforce l'estomach, remet l'appetit, guerit souvent les hydropiques, principalement l'eucophlegmatiques. L'en cognoy plusieurs qui

ont esté fort soulagé à Spa des maux des roignons & vessie ; mais il n'ont esté parfaitement gueris. Car ayant laissé ces Fontaines, ont esté travaillez plus qu'auparavant. Comme est arriué à ce noble Seigneur, lequel à son retour chez soy, se portoit pis & mourut. Ayant ouuert son corps, on a trouué ses roignons plus grands que de coustume, durs & pleins de boue; les 2. vretères fort vlcérez, la vessie estoit roide qu'on ne pouuoit flechir, ny comprimer. Entre ces 2. membranes y auoit grâde quantité de boue. L'exterieur estoit pleine de tumeurs, & l'interieur plein de beaucoup de trous. Ce sont iusques icy les mots de ce fameux Medecin de l'Empereur. Je prie que mon Lecteur remarque en ceste histoire qu'il faut long temps boire ces eaux, voire que quelqu'vns y doiuent sejourner des ans entieres, comme ie l'ay fait faire à plusieurs; Et en bonne foy quelqu'vns qui y ont demeurez trois, quatre ans entieres, y ont esté gueris de pierre & d'hydropisie, comme i'ay veu moy mesme. Les lepreux ou ladres qui ont vne maladie si voisine à la verolle, qu'il se treuve 50. bons Autheurs qui ont escrit de la verolle, lors qu'elle estoit en sa naissance, qui ont bien eu de la

peine



peine pour mettre difference entre l'une & l'autre, se sent aussi fort allégés à Spa. Car ces eaux ostent la chaleur excessive du foy, laquelle rotissant & bruslant le sang, engendre la lepre. J'ay dit que ces Fontaines, nettoient le flegme de la vessie, & l'amas des humeurs visqueuses qui s'y assemblent; ie dis de surplus qu'elles guarissēt la roigne, ou excoriation tant du col, que du corps d'icelle, comme aussi les vlcères qui sont au sphyncter ou muscle circulaire du boyau cuilier. Il y en a qui ayans eu poulains, ou apostumes entre les bourses & trou sacré, ou comme on dit au perienée mal guaris; tellement qu'ils ont retenu vne fistule, ceux là trouveront remede asseuré en ces eaux. Celles qui ont la matrice pleine de flegme, ou qui ont les fleurs blanches sont assistées, tant en les beuvant, que les poussant par vne Syringue en icelle. Le cognoy des ieunes filles guaries de ce blanc flux menstrual, par la seule fomentation de ces eaux. Celles qui ont chancres à la matrice, sentent aussi grand soulagement en ces eaux, car elles guarissent tous vlcères cacoethes, qui sont intraitables, ou difficiles à guarir. Sur toute chose ces eaux guarissent des passes couleurs, ou retention du mois lesquels elles font cou-

ler comme on a veu mille fois l'experience. Mesme en celles qui auoient en vain vsurpé toute sorte d'autres drogues sans obmettre baing, fomentations, saignées de saphene & autres voyes propres pour venir à ce but. Et neantmoins celles qui ont ce flux trop abondamment, s'en treuuent mieux soulagez que de nulle autre medicine, ce que trois ans passé i'ay remarqué en vne Damoiselle Flamende, & l'An passé en vne Noble Damoiselle Allemande de la maison de Munichausen, lesquelles estants ambedeux blesmes & d'un visage plombin avec les forces fort abatues, se sont trouuées fort bien à Spa, & retournées saines en leurs maisons. Solenander Cent. 3. Sect. 4. tient le mesme, disant *que pour arrester ces flux & pour oster les causes d'iceux, les eaux de Spa & autres acides sont tres-profitables.* I'ay remarqué le mesme au flux de ventre, voire la corrence par plusieurs fois. Entre autres, Maistre Pierre Vander Schroot Chanoine de Boissleduc, lequel apres la corrence estoit deuenu liente-rique ( c'est vne maladie en laquelle la viande sorte, comme elle est prise sans digestion quelconque ) depuis trois ans entiers, & ayant beu il y a deux ans ces eaux par mon conseil, a esté guarý & deliuré

encore

encore d'une fiebre presque Etique, laquelle l'auoit trauaillé long temps. Le mesme a beu les eaux de Spa ceste Année passée avec merueilleuse vtilité. Car ces Fontaines nettoient les boyaux & les renforcent, & ainsi en chassant la cause du flux l'arrestent quant & quant, ce que tous Medecins sçauent ordinairement aduenir avec le rhubarbe & mirobolans. Ludouicus Mercatus qui a plus écrit de la medicine, que nul autre de ce siecle, en son 3. volume cha. de dysenteria dit, *La raison & l'experience tres-assurée des plus sçauants Medecins nous enseigne, qu'il n'y a rien de mieux pour la corrence que l'usage des eaux acides, soit qu'on le boiue ou qu'on s'en serue par clystere. I'estime que les eaux qui ont la minere de fer, argent, ou or estre les meilleures.* Les eaux de Spa chassent toute sorte de vers, ce que Gherinx confirme par vne belle histoire. Chose pleine d'admiration, dit-il, vne femme aagée de 40. ans apres longue retention de ses mois, estoit deuenüe hydropique, laquelle ayant esté 8. ans entieres entre les mains des Medecins experts sans rien profiter, est venuë à la fin à Spa: où ayant beu ces eaux en assez bonne quantité, premierement luy coulerent ces mois, puis vuyda la plus part de son hydropisie & en

fin fist vn ver long de demye coudée, à 4. pieds semblable à vn Lezare de couleur de cendres, lors qu'il estoit hors l'eau, & dans l'eau il paroissoit rougeastre, depuis elle en fit 8. ou 9. de mesme couleur; mais c'estoient vermisseaux. En somme son ventre qui estoit fort enflé devint en son bon & naturel point, & elle s'est assez bien portée, comme elle fait encore presentement. Quant à moy ie puis asseurer auoir traicté vn garçon nommé Gille d'Ouffet, qui l'An passé estoit seruiteur d'un cousturier Bartholemy Wolters, lequel rendoit les vers par tous les endroits, car il en vomissoit par milliers, en rendoit par le fondement sans nombre, voire ce qu'on n'a guaires veu ou leu, il en pissoit ordinairement. Ainsi m'ayde Dieu, qu'un iour que moy-mesme ie luy tenois l'vrinale qui estoit tout neuf, craignant qu'il ne m'vsasse de quelque fourberie, pour contenter ma curiosité, & m'asseurer de ce cas si estrange, ie luy vis pisser à vne fois seize vers tous vifs & se remuants, semblables aux vers qui sont dans les fromages. Or pource qu'il estoit pauvre, ie le mist en la maison de Bauiere, c'est vn Hospital dressé par feu mon Prince Ernest, nommé la maison de Misericorde, en laquelle

quelle j'ay seruy pour Medecin ordinaire, en la huiëtiesme année, où estant par l'vsage de ces eaux & d'autres medicamêts, il a esté guaruy parfaictement ; Ledit Barthelemy son Maistre demeurant lez l'Eglise des onze mille Vierges, auquel il a seruy, tant qu'ils est marié depuis peu, attestera cecy. l'en cognoy vn autre, qu'ayant vn grand vers dans l'oreille avec vne fascherie & douleur extreme, y versant de l'eau de Spa le fist sortir tout aussi tost. Ces eaux desleichen aussi les matrices trop humides, de là vient que plusieurs qui auoient esté douze ou quatorze ans steriles, ayant vsé long temps de ces eaux sont deuenues meres. Toutesfois pour dire ce que l'experience m'a enseigné, celles qui cherchent remedes pour leurs matrices ; s'en treuuent mieux par l'vsage de la siringe, ou fomentation, ou baing dans vne cuue ; si bien en les beuant elles nettoient les veines, cōfortent les parties voisines à la matrice, tellement qu'elle s'en ressent. Cecy me fait estonner d'un dictum de Seneque au liure 3. des quest. nat. où il tient qu'il est impossible de donner raison pourquoy l'eau de Nil rend les femmes fertiles, tellement que plusieurs y ont mis fin à vne longue sterilité. Item pour-

F 5

quoy

quoy quelques eaux en la Prouince de Lycia  
 preseruent les femmes qu'elles n'auortent ;  
 Car i'ay touché en bref les raisons naturel-  
 les de cecy , à sçauoir pour ce que ces eaux  
 ostent l'humidité superflue de la matrice,  
 laquelle empesche que la semence ne soit re-  
 tenue , ou bien qu'elle ne vienne à maturité  
 estant estouffée par les excremens , & si par  
 fortune l'enfant se forme , estant attachez  
 par des lins trop mols sorte auant son temps  
 par auortissement ; ausquels ineonueniens  
 remedient ces eaux. Pigray dit que nos eaux  
 sont tres-vtiles aux gouteux , pource qu'el-  
 les perdent la serosité qui vient à tomber  
 sur les ioinctures & boureller les pauvres  
 affligez. Je croy qu'il dit vray pour la pre-  
 seruation , mais i'ay souuentefois remarqué,  
 que quand les gouteux ne se purgent plu-  
 sieurs iours & fort exactement , qu'ils re-  
 doublent leurs maux , & font venir leurs  
 gouttes hors saisons. Ce que cest année est  
 arriué à Monsieur Lorent Petri Aduocat en  
 la Cour de Liege , lequel beuant ces eaux  
 par son propre mouuement sans estre purgé,  
 a premierement esté atteint des gouttes aux  
 mains , lesquelles il n'auoit iamais eu aupara-  
 uant , & trois iours ses pieds ont esté tra-  
 uaillez du mesme mal , plus que iamais.

Or la

Or la raison pourquoy les goutteux ne sentent si tost soulagement par ces eaux, est pource que les eaux ne penetrent iusqu'aux nerfs & ioinctures, esquels se tiennent les gouttes. Aussi n'y a-il moyen d'y enuoyer les vapeurs ou esprits aux autres extremitez si tost qu'au cerueau. Si est ce que pour la preservation ces eaux sont fort vtilles, en tant qu'elles fortifient l'estomach & le cerueau, & empeschent la generation du flegme & de la serosité, laquelle tombant sur les ioinctures cause ces douleurs. Pour n'estre plus long en ces histoires, ie diray avec mon cousin le Docteur Gherinx, que ceux qui sont curieux de sçauoir les vertus de noz eaux viennent à Spa; iamais ils n'y viendront que chasque Ésté ils n'y trouveront des nouvelles guarisons, pour contenter leur esprit fut il des plus curieux.

---

*Par quel moyen ceux qui ont les maladies susdictes  
en peuuent estre guaris à Spa.*

### CHAPITRE X.

**I**L me semble ouyr quelques vns qui viennent de lire le chapitre precedent, qu'il leur est d'aduis de retourner d'vne harangue d'vn charlatant, ou Saltimbaco, qui ont vn seul remede propre à tout mal, & plusieurs

plusieurs autres. Vrayment ces Fontaines sont douées de Dieu de si grandes vertus, que ceux qui prennent la peine d'en escrire ce qu'il en est, trouuent ce badaux de gens nyais qui adioustent peu de foy à leur dire. Mais comme on dit vulgairement, qui ne veut croire, aille voir, ie prie les incredules venir au lieu, & s'ils gardent les reigles en beuuant que ie donneray, sans faute ils confesseront ce que i'en escriis estre vray; car ils trouueront les manants de Spa libres & exempts de douleur de teste, de cathares, de mal de cœur, de pierre, d'obstructions de ratte & du foy presque tous; & ne trouuezerez iamais vn, ou rarement, qui ay la iau-nisse, l'hydropisie, la goutte, la roigne; l'e-pilepsie, comme ils attestent. Mais il faut boire ces eaux avec bon ordre & reiglé. Car comme toute medecine, voire viande prise sans ordre, regime, hors temps, endommage beaucoup & ne profite rien: ainsi les eaux de Spa doiuent estre prises en saison & heure de iour conuenable, lors que le corps est bien préparé par l'aduis d'un bon Medecin, autrement elles amenant des nouuelles maladies en lieu d'oster les vieilles. Le miel prins trop abondamment deuiant fiel, & ne se treuve rien de si beau sous la cappe du Ciel



du Ciel qui n'ay la lie ou les immondices. Afin donc que ces Fontaines qui ont guaris vne infinité de gens, ne perdent leur bonne renommée par faute de ceux qui s'en seruent mal à propos, & qui en lieu d'acquérir santé se viennent à Spa faire malades; comme l'an passé vn Gentilhomme Genuese & quelques Flamens, y estants venus sains de gayeté de cœur, y ont gagné des fieures tierces & continues. A quelques autres leur ventre est si fort enflé en peu de iours, qu'eux mesmes, & ceux qui les voyoient les iugeoient hydropiques. L'enseigneray la façon qu'il faut tenir en les beuvant; mais ie môstreray auparavant fort briefuement par quel moyen les susdits sont tombés en ces inconueniens, afin que les autres y prennent exemple & se contregardent de mesmes ou semblables accidens. Il est tout nôtoire que la fieure s'engendre en nos corps, lors qu'une chaleur non naturelle eschauffe nostre chaleur qui nous est naturelle, & l'allume ou l'enflambe. Tellement que quand le seul sang est enflambé, on a aussi tost la fieure, mais quât aux autres humeurs, touchant le flegme ou la cholere, iaune ou noire, selon le dire du Galien, ( la verité duquel ne se doit esplucher icy ) *au liure 2. de diff. feb. au quatre premiers*

*premiers chapitres* s'ils ne deuiennent pourris ne peuuent causer fièvre, or il ne peuuent pourrir en vn corps, auquel les conduits sont ouuerts, tellement qu'en tous corps fiévreux il faut qu'il y ayt de l'obstruction. Ces eaux donc qui sont merueilleusement diuretiques trainent aysement toutes les humeurs qu'elles rencontrent à l'emboucheure des veines, lesquelles ne pouuant donner passage aux humeurs, qui viennent en si grande abondance, se bouchent de mesme façon que fait vne bouteille longue & estroite si on la renuerse tout à coup. Les veines estant ainsi estoupées, ceste obstruction cause vne chaleur extraordinaire & chasse la naturelle, allumant les humeurs, & lors on a fièvre. La cause de si soudaine hydropisie, ou de ceste tumeur qui contrefait l'hydropisie, vient d'vne mesme source en ceste maniere. L'eau de Spa s'eschauffe dans l'estomach, & quittant sa froidure actuelle s'esuertue de monstrier sa chaleur cachée, qu'elle tient des mineraux, & ainsi lors qu'elle rencontre vn corps cacochyme & farcy de flegmes, elle resout ces flegmes en eau ou ferosité, laquelle par sa pesanteur, descend & se place au bas ventre, lequel s'enfle

s'enfle en moins d'un rien , & fait croire à un chacun qu'on charge l'eau , ce qui n'est, car nous voions journellement arriver le mesme à ceux , lesquels imprudemment continuent plusieurs iours routiers de prendre des medecines laxatives , & pourtant les sages Medecins lors qu'il est question de servir long temps d'apozemes ou decoctions pour detacher le flegme ; tous les iours auant que bailler la decoction , ils donnent vne dragme de trochisques d'absintihio, de caparibus, de eupatorio, de spodio, ou semblable. Autrement Auicenna au 7. Colliget dit auoir veu un homme , lequel par le seul vsage du syrope d'ozeille simple pris en trop grande abondance est deuenu hydro-pique. Mais cest accident s'il est recent, se chasse par vne seule ou deux medecines, comme plusieurs tesmoigneront , lesquels es années passées & mesme en ceste presente en ont esté deliurez par mon conseil. Ayant expliqué cecy le plus briefuemēt qu'est possible ; ie m'en vay donner la façon de boire ces eaux. Ceux qui viennent à Spa, ou bobelins ( car ainsi nomment ceux de Spa les estrangers ) où ils sont sains & viennent boire les eaux pour leur plaisir , comme font les nouveaux mariez & ceux qui vien-

nent

nent y courtoiser leurs maistresses ; Ou bien  
 ils sont malades & la necessité les forces de  
 venir icy. Les premiers se peuvent conten-  
 ter d'une simple purge , comme d'une once  
 de casse , deux scrupules de rhubarbe ou de  
 mechoacan , ou trois onces plus ou moins  
 de sirop de roses solutif avec l'agarc , ou  
 bien neuf ou dix dragmes d'electuaire leni-  
 tif ou benedicta laxativa. Voire s'ils ont le  
 corps assez ouvert , comme il s'en treuve  
 beaucoup qui chasque iour vont trois ou  
 quatre fois à la selle percée , pourront com-  
 mencer à boire le Pouhon ou le Geronster ,  
 lesquels pousseront aisement le ventre assez  
 lasche de soy-mesme. Car Galien mesme,  
*lib. de sanitate tuenda*, dit que plusieurs sont  
 accoustumez au Printemps & Automne vui-  
 der leurs excremens , ou par potions medi-  
 cinales, ou par Fontaines naturelles , esquel-  
 les il y a souphre , bitume, ou sel nitre. Les  
 malades doiuent auoir medicaments pro-  
 pres à leur accident ; & puis que la pluspart  
 cherchent remedes au flegme, à la cholere, à  
 la melancolie, desquels ou seuls , ou meslez  
 procedent les maladies , desquels auons par-  
 lé au chap. 8. afin que ceux qui ne trouue-  
 ront vn Medecin à Spa, ce qui n'arrive sou-  
 uent, car l'An 1613. nous y auons veu 14.

Medecins de toute nation ensemble, ou bien afin que ceux qui cherchent d'eiter la despence, desquels y a bon nombre, puissent icy choisir vne medecine vile & propre à ce que leur nuit, i'en mettray quelques communes à la plus part de ceux qui viennent au lieu de Spa. Or faut-il noter que les receptes que i'ordonne, sont propres aux Apoticaire de nostre Cité de Liege, ou à des Apoticaire qui tiennent boutique à Spa. Car les Espagnols, Anglois, Hollandois, François, qui ont des drogues plus nouvelles que nous, & qui reçoivent le rhubarbe, l'agarie, la manne, la casse, la scammonée, plus fraisches & retiennent l'eslite chez eux, ont des electuaires purgatifs composez, desquels 7. ou 8. dragmes detrempez avec vne decoction cordiale, ou quelque eau distillée sont bastantes pour les purger honnestement, ou que des nostres il en faut la plus part 10. dragmes. Voire quand nous nous seruons mesme de leur medicamens chymiques, si nous n'en prenons double chose nous perdons nostre temps & nos deniers. Ceux qui auront prins medecine en leur patrie, ce qu'à mon aduis est fort bien fait, pourront à Spa avec vne legere medecine vacuer ce qu'ils ont massé

en chemin. Les autres pourront à Liege ou à Spa qui n'est qu'une journée de Liege, prendre celles-cy ou semblables médecines. Ceux qui sont pleins de flegme prennent R. fol. saluæ, betonicæ, verbenæ, maioranæ ana manipulum, florum cyperi, anthos, primulæ, veris, pæoniæ, ocyni cario-philati, centaurei minoris ana pugillum, radicis galangæ, ænulæ campanæ, andragmas tres, pyrethri dragmam sol senæ or vncias duas, agarici, mecopææ ana sesquidragmam bulliant in aquæ f. q. ad vncias nouem, incolatura solue elect. de dactylis, de sebestê, añ dragmas sex sirupi destœchade, bizantini; iuiubini ana vnciam olei cinnani scriptulum f. pro tribus dosibus : en voila pour trois iours, ou routiers, ou laissant vn iour entre-deux. Ou bien qu'il prenne ces tablettes R. specierum electuarij de carthamo, de succo rosar. ana scriptulos quatuor, specierum electuarij Indi dragmam cum saccharo aquâ maioranæ & anili soluto q. f. f. tabellæ quæ olei cinnani guttis aliquot irrorentur : vel cum saccharo simplici & syrupo de stœchede f. boli : L'on partagera ces tablettes ou morceaux en trois parties egales, pour le mesme vsage que la decoction susdite. S'il ayme mieux pillules, qu'il prenne

prenne massæ pillar. fœtidarum sesquidragmâ, cochiarû sine quibus ana scriptulos duos trochiscorum alhandal scriptulum cum aqua cin. f. pillulæ viginti vna: Il en faut prendre 7. à la fois si tost qu'ils seront esueillez du premier sommeil, & tascheront de dormir 1. heure ou 2. apres. Les bilieux pour purger leur cholere pourront prendre cecy. R. capillorum veneris, cychorée, acetosæ, sonchi, endiuæ, ana manipulum; florum rosarum, violarum, nymphææ ana pugillum radicum graminis aceto maceratarum, radicum asparagi, quinque folij ana sescuntiam, ramarindorum passularum, iurubarum, quatuor seminum frigidorum anadragmas duas, bulliant in f. q. feri lactis ad libram in colaturâ solue elect. de prunis soluiui de turbith. cum rhabarbaro ana vnicam, de sebestem sescuntiam syr oxilaccaræ, limonum añ vn-cias duas olei vitrioli parum ad aciditatem iucundam, qu'il soit distribué en trois bouteillettes pour trois iours comme dessus. Si les pillules luy sont agreables, qu'il prenne massæ pill. aggregatiuarum, arabicarum, aurearum ana scriptulum addat dacridij grana quatuor, cum aquâ ros. f. pill. septem; en voila pour vne prise, laquelle sera reprise 2. ou 3. fois. Ou bien qu'il prenne pulpæ tamā-

rindorum semunciam lucci fumarie densati dragmas duas, cassie vnciam carydij grana vij. fiant boli, lesquels il auallera en vne matinée. Ou bien il vsera de ceste infusion R. thabari electi sesqui dragmam, spice semiscriptulum, infunde in aqua endiuie & vini albi añ vncijs duabus, mane soluant in collaturâ syr. ros. solutivi compositi vncias duas, & qu'il reprenne cela 2. ou 3. matinées. Les melancholiques se purgeront de ceste façon R. florum stæcados, sambuci, gemistæ epithymi, thymi, centaurei min. ap. pugillum: herbarum mercurialis, fumarie, pulegij, serpilli, corticis mediani sambuci añ manipulum, radicum polypodij, helenij ana semunciam, folior, senæ orientalis, tartari albi añ vncias duas, seminum citri, carthami ana vnciam dimidiatam, maceris dragmam bulliant in sere lactis vel iure caponis antiqui s. q. ad librum; incolat solue confectio-nis. Hamec, elect. Indi anam semunciam, elect. Catholici dragmas sex sirupi de epithymo, de fumaria, mellis mercurialati anam vnciam, olei chalchantini q. s. ad acorem gustui iucundum. Les Medecins n'ordonnent guaires souvent pillules aux melancoliques, ne soit que la melancolie leur tienne à la teste, car alors pource qu'il est necessaire d'attirer



d'attirer l'humeur de loing, les pillules sont  
 preferables aux autres medecines, mais si  
 tost qu'elles seront auallées, il faudra pren-  
 dre vn bouillon ou decoction conuenable.  
 Car ceste humeur est sec, gluant & mal aysé  
 à vuidier, & pourtant le faut-il combattre  
 avec remedes liquides & qui humectent.  
 Si toutefois il se treuve quelqu'un si degou-  
 sté qu'il ne puisse aualler médicament autre  
 que pillules, celles-cy luy seront propres. R.  
 massæ pill. assaiereth. indarum, de lapide  
 lazuli añ scriptulum, foetidatum semi scrip-  
 tulum cum olei anisi q. f. f. pill. septem. Cin-  
 que ou six dragmes de hiera Ruffi, i'en ay  
 souuent donné vne once ou plus) prises avec  
 sucre ou sirop. en forme de bolus sont mer-  
 ueilleusement propres. Ou bien qu'il prenne  
 elect. Catholici dragmas quinque confectio-  
 nis Flamec dragmastres, lapidis armeni præ-  
 parati scriptulos duos, cum saccharo f. boli.  
 Mais à cause qu'il se treuve peu de corps es-  
 quels il n'y a qu'une de ses humeurs pec-  
 cantes, & que la plus parte ont des humeurs  
 meslées, voilà pourquoy ie conseillerois à  
 la plus parte telle ou semblable potion R.  
 herbarum recentium endiuivæ, betonicæ, lu-  
 pulorum añ manipulum; florum hyperici,  
 genistæ, sambuci Keiri añ pugillum, radi-  
 cum

cum acori dragmam, bulliant in aq. f. q. ad vncias tres in colatura cui addideris vini albi vnciam vel duas infunde per noctem rhabardi puluerisati dragmam, agarici sesquidragmam; manè in colatura solve el Catholici dragmas sex, syr oxyfaccharæ vnciam, aquæ cinnami dragmas duas f. haustus. Ou si quelqu'un veut mesnager son argent, & qu'il a peur que la purge des boyaux ne vuyde quant & quant leur bourse, côme il s'en treuve plusieurs si parfaits Lesineurs, qu'il Docteur de la Lesina y trouueroit de quoy apprendre plus que vingt leçons, ou s'il est pauvre, qu'il demande à vn Apoticaire de l'electuaire Catholique (lequel seul comme a esté l'electuaire lenitif n'a aucun mauuais goust) 9. ou 10. dragmes, & qu'il le destrempe en quelque bouillon ou vin blanc, continuant cela 2. ou 3. iours côme j'ay dit. Toutefois ceux qui ont des maladies difficiles, se trouueront mieux des decoctions susdictes. Peut estre que quelqu'un s'esmerueillera, que j'ordonne à tous des purgations de trois ou quatre iours, puis que ceux qui ont escrit deuant moy, ne parlent que de purger vne fois. Je respond que trois ou quatre legeres purges, sont meilleures qu'une forte. Car ces purges

douce,

douces, purgent le premier iour l'estomach & les boyaux, que les Medecins nomment la premiere region. Au deuxiesme elles vuyderont le foy, & luy osterons l'obstruction commencée s'il y en a. A la tierce journée nettoyeront les veines, seul receptacle des ordures, qui causēt les maladies & la mort. Je n'ordonne des medecines aux Princes & grands Seigneurs, lesquels pour la pluspart ont vn medecin domestique, ou menent quelque bon docteur de Liege avec eux. I'ay obmis à bon escient les extraits & essences pretieuses, desquelles toutefois ceux qui auront trop d'argent; s'ils en treuvent fidelement preparez, s'en pourront servir. Il est necessaire de preparer son corps avec vne des purges susdites autrement les eaux traineront les mauuaises humeurs quant & elles & augmenteront l'obstruction. Voire qui voudra prendre bonne garde à sa santé, tous les 8. ou 10. iours il prendra vne medecine legere, & ce iour là ne boira les eaux de Spa, les differant iusques au lendemain. Ainsi les eaux passeront plus aysement, & ayant vuydé tous les excremens par diuers conduits, laisseront le corps tres-sain. Ce que ie desire que tous Medecins recommandent à leurs malades, se souuenans que ceux

qui font la diette de guaiac s'il ne vont tous les iours à chambre, & s'ils ne se purgent au huiſtième ou dixième iour, qu'ils encourront des incômoditez tres-grandes,

---

*Remedes propres à faire que les eaux fassent leur operation en peu de temps.*

### CHAPITRE XI.

**V**Eu que peu de gens peuvent boire l'eau en telle quantité que i'ay dit, ou tant de semaines ou mois qu'il est requis, pourtant veu-je donner quelques remedes propres aux maladies guarissables par ces eaux, & spécifiques pour vser de termes des alchymistes. Ces remedes en quelle forme qu'on les aye mis, soit en tablettes, conserue, opiate, pillules se prendront vne demie heure, ou vne heure deuant les eaux. Ou si quelqu'un n'ayme le goust de ces remedes, ou s'il a peur de les vomir, qu'il les prenne dans le premier ou deuxième verre d'eau de Spa, ainsi la vertu diuretique des eaux acides les poussera aysement, qu'ils portent leur vertu à la partie offensée, à laquelle on veut secourir. Cômencions donc au cerueau trop humide, ou à ceux qui sont pleins de catharre. Je croy que plusieurs s'esmerueilleront, que ie tiens que les eaux de Spa

de Spa sont propres à ce mal, veu que tous les Medecins disēt avec l'escole Salernitaine:

*Ieiunes, vigiles, sitias, sic rheumata cures.*

Ieufnez, veillez, & ne beueuez,

Ainsi le rheume vous guarirez.

Ils croyent comme il est vray, que la guarison se faite par choses contraires au mal, & pourtant puis que le ieufnes, la veille & la soif, desēichent; qu'ils sont vn remede conuenable pour combattre l'humidité du cerueau, mere des cathares. I'ay dit auparauant, que ces eaux si bien elles sont actuellement humides, si est-ce quelles sont potentiellement fort chaudes & seiches, c'est à dire, qu'elles rechauffent & desēichent, & que par ce moien, elles ostent les defectuositéz de l'estomac & du cerueau. Les gens catharreux donc ou rheumatiques qui chercheront guarison en ces eaux, prendront vn cueilliēre ou deux du sirop suiuant R. visci querni, rad. & sem. peomix, ligni aloes, sassafra odorī non cariosi, scobis eboris, scobis cornu cerui apto tempore, hoc est cum in furias ignēmque ruerunt collecti, quod ferē fit à medio Augusti ad Idus Septembris aut paulò post, ana semunciam, corticis citri sicci, corallorum præparatorum, piperis, acori veri zedoariæ, galangæ,

granorum iuniperi, añ dragmas tres, florum  
 strachadis, liliorum conuallium, pæoniæ,  
 betonicæ, lauendulæ sesquipugillum, bul-  
 liant omnia in s. q. aquæ stillatitiæ liliorum  
 conuallium, pæoniæ, florum tiliæ ad lib.  
 duas, in colat. solve sacchari rosati perlati  
 q. s. coque ad consistentiam syrupi apprimè  
 cocti. Ceux qui seront suieçts aux tourbillõs,  
 paralysie, ou tremblement se pourront seruir  
 du mesme. Ceux qui ont la bourse legere,  
 ou pleine de peu de monnoye, prendront,  
 baccarum lauri iuniperi aristologiæ rotun-  
 dæ. Pyretri, zedoariæ rad aristologiæ ana-  
 dragma duras excipe omnia melle anthosa-  
 to simplici, & duc in formam electuarij so-  
 lidi. Il en prendront la grosseur d'vne noix  
 ou environ. Noz Apoticaire Liegeois de-  
 puis quelques années ont vne eau catharalle,  
 la description de laquelle leur a esté donnée  
 premierement par mon beau pere Thomas  
 de Rye de bonne memoire, laquelle l'auoit  
 eu de l'Illustre & Genereux Seigneur Iean  
 Curtius Seigneur d'Oupey, &c, qu'il l'auoit  
 eu du Prince de Parme Alexandre Farnese  
 pour vn secret secretissime. Je le communi-  
 queray icy avec la permission du Seigneur  
 Curtius à ceux qui liront ce liuret, car ie  
 puisse asseurer qu'il n'y a remede pareil aux  
 maux

maux susdits si l'on prend vne cuilliere ou deux à l'entrée du liét lors qu'on va coucher quand on est chez soy; & à Spa on la prendra tous les matins au commencement des eaux. On en frottera aussi fort souuent au long du iour les temps. La recepte est telle R. florum saluix, torismarini, lauendulæ, caryophylliorum, nucis muscatæ, cinnami saccariana vncias duas granorum paradisi, macis, zedoariæ, seminum coriandrorum, piperis longi & nigri lana vnciam foliorum rutæ, absinthii vna dragmas duas pomum aurentium, incisum vnum. Omnia grosso modo tusa macerentur in vini Cretici vel Hispani libris quatuor, vini Rhenani optimi, libris sex per mensem, dein distillantur per arenam. Ceux qui ont les yeux rouges, la face cramoisie & boutonée, boiront deuant les eaux de Spa vn trait d'eau distillée ou bouillie de lierre terrestre, ou rampant au long des buissons, avec laquelle ils laueront aussi le visage & les yeux. Les tourmentez d'un sanglot apres auoir purgé l'estomach par l'usage de la hiera, se trouueront fort aydez par ces eaux, si ceux qui auront vn sanglot prouenant de chose chaude, prennent la poudre diarhodonis abbatiss, soit en tablettes, ou en conserue, meslée avec  
le rob

le 10b de ribes, ou de berberis. Ou si cela ne les aydes qu'ils vsent 2. scrupules ou 3. de philonium romanum, avec le sirop de pavot, & de l'eau de mente & d'absinthe. Toutefois traictant la Damoiselle mentionnée cy dessus, & que les medicaments cotisées ne profitoient selon mon desir, j'adiouſtois, chaque iour 3. ou 4. grains d'opium. Si le sanglot vient de cause froide R. scænanthi, calami aromatici, amifi, falis menthæ, absinthi añ dragmam, croci, ligni aloes, succini, caryophyllorum, aloes alexandrinæ an scriptulos duos, coriandrorum cum succo cydonij præparatorum, cassiæ lignæ ana scriptulum, conseruæ aurantiorum vncias duas cum saccharo aqua nisi soluto q. s. f. f. electuarum. Ils en prendront la grosseur d'une noix ou plus. Ceux qui ne retiennent les eaux ny leurs viandes, ains le reuomissent tousiours, oindront la region de l'estomac de cest onguent R. olei masticinĩ onciam olmacis semunciam, specierum, aromatici rosati scriptulos duos, ceræ parum f. vnctum, par dedans ils boiront vn peu de vin d'Allegant, dans lequel on aura bouilly des racines de l'arbre des coings. Ou qu'il mangent racines d'acorus verus, ou de gingembre, ou d'Anthora,



ou d'Eryngium confus. Ceux qui ont la jaunisse ou des instructions du foy & de la ratte : Item celles qui n'ont leurs mois , ont receu cesté année vne recepte du Generoux & tres - docte Guillaume Paddy , de laquelle elles se sont louées , &c. trochiscorum de capparibus de eupatorio dragmas duas seminis , cypheos scsiquidragmá , gummi ammonij vino generoso soluti , calybis præparati añ dragmam , specierum aromatici rosati scriptulos quatuor , salis cochleariæ , absinthii ana semi dragmam , diagalangæ scriptulum , conseruæ rolarum damascenarum vnciam , conseruæ florum calendulæ vncias duas cum syrupo byzantino & de corticibus citri q. s. f. opiata. Les graveleux & tourmentez de pierre & de sablon , boiront l'eau de Heurnius faite par insolation , deuant le feu , laquelle se fait ainsi. Prenez eau de vie , eau de fraises , & de persil de chacune 2. liures , maluoisie. ou bon vin d'Espagne vne liure (la liure medicinale est vne chopine Liegeoise à peu prez ) meslez toutes ces eaux , puis y adioustez vne liure de sucre candit mise en poudre. Digerez le tout quelques iours en Esté au Soleil , en Hyuer au feu , le remuant souuent par iour , ou bien si vous estes halez , remuez le tant que le

que le sucre soit fondu, puis laissez-le peu reposer, & le passez par vn linge. Beuez-en au matin & vn heure auât souper 3. cuilliers. Certes c'est vn medicament tres-agreable à tout le monde, & lequel ie n'ay guaires veu manquer au besoin, si est-ce que ie m'en serue il y a plus de 14. ans avec bon succez. Ou bien qu'ils prennent 3. ou 4. dragmes de l'electuaire Diaspermaton fernelij. A ceux qui ont vn vlcere aux roignons, ay-ie heureusement ordonné ces pillules R. olibani, masticis ana semunciam, gummi arabici ceraforum tragacanthi ana dragmas duas, seminum frigidorum mundorum ana sesquidragmam, trochiscorum allekeingi dragmas tres extracti corticum radicum iusquiami, croci ana dragmam semis; cum sirupo de althæa fernelij fiat massa de qua deglutiat dragmam vnam. Pour la gonorrhée ou flux de semence, tant és hommes qu'aux fêmes, ceste poudre se dône avec bone issuë R. gummi arabici tragacanthæ, carabe, mumiæ, boli armeni, mandibularum lucij, capulorum glandium, seminis viticis, cannabis parum tosti ana senunciam f. pillulæ cum sirupo myrtillorum vel terebinthinâ cypria. Ils en prendront vne dragme deux fois le iour. A ceux qui sont pleins de vers s'ils sont riches, ie leur donne la pierre Bezoat avec

la raccleur de corne de cerf cueillie au temps que i'ay dit. Aux pauvres ie donne la Coralline ; ou le mercure tout crud seulement passé maistre par vne cuire blanc, si long temps qu'il ne tasche plus. C'est la récepte de Matthioli, Fallopius, Massa Gesnerus, Crato, Felix Platerus & autres, de façon que personne n'en doit auoir craincte quelconque.

---

*Le temps qu'il faut choisir pour boire les eaux des pa.*

## CHAPITRE XII.

En téps propre l'on voit qu'une portio beue  
Apporte la santé, au rebours qu'elle tue.

*Disoit l'ingenieux Nase.*

**D**E mesme l'eau de Spa, si on ne choisist  
vne saison de l'année opportune, &  
l'heure du iour commode, apportera dom-  
mage en lieu d'assistance. Generalement  
tout temps serain & sec est propre pour  
boire ces eaux. En temps de pluye, ou lors  
que le Ciel est couuert de grosses nuées pre-  
stes à tomber & se resoudre en eau, ces eaux  
perdent beaucoup de leur vertu & puissance.  
car les vapeurs grossieres, ou pluyes y estant  
mislées, elles perdent leur naifue acidité, &  
acquierrent vn goust qui n'est guaires diffe-  
rent de l'eau commune. Ceque les Bobelins  
essayent

essayent à leur grand regret, quand après auoir fait long & perilleux voyages par mer & par terre, avec beaucoup de frais & peine, s'ils rencontrent vn Esté pluvieux, comme fut celuy de l'an 1614. ils boient vne eau insipide, où ayant si peu d'acrimonie que merueilles. Toutefois en l'Esté, & au commencement de l'Automne les iours sont coustumierement plus beaux & serains, & le temps que le Soleil cheuauche nostre Horizon plus long, & plus commode pour voyager, & mille choses nous incitent à la pourmenade, tellement que nos corps eschauffez, boient ces eaux avec plus d'apetit & plus grand contentement, voila pourquoy les Medecins en general iugent ce temps plus propre & de saison pour boire ces eaux que tout autre. Les Allemans & Flamens, ont vn vers iournallement en la bouche, tiré de quelque clabandeur de macaronnées, qui dit:

*Mensibus in quibus R. non debes bibere Water.*

Es mois esquels vn R. trouuez,

Jamais de l'eau ne beuvez.

Tellemét que ces bonnes gens plus amoureux de la purée septembrale, que de ces eaux, ne veulent permettre que deuant le mois de May ou après l'Aoust, on boiue

vne

vne goutte d'eau. S'ils ont ceste opinion des Fontaines, estaings, lacs, esquels au Printemps se trouuent la semence des grenouilles, crapaux & autres serpens, & au commencement d'Automne sont pleins des feuilles tombantes des arbres ou hayes, par la pourriture desquelles, se sont rendues abominable, ie me range volontier de leur costé, mais s'ils veulent comprendre à leur rimaille les eaux de Spa, ie l'estime railerie, & suis d'une opinion entierement contraire. Car au Printemps, en Automne, voire au cœur de l'Hyuer, lors que tout est gelé, & que la glace couurant la terre n'eschauffe pas seulement les semences jettées, ains les mineraux mesme, ces eaux se prennent avec bon succez. Il a 14. ans que l'Ilustrissime Princesse Damoiselle Henriette de Rohan les a beu par mon conseil, & en ma presence iusques au 20. de Septembre, avec vne vtilité si manifeste, qu'elle en a laissé vne memoire dans vn tableau affiché lez la Sauenier. Es années precedentes i'ay cognu plusieurs, & entre autres vn bourgeois d'Anuers, lequel estant trauaillé d'un vlcere aux roignons, a beu les eaux de Spa 3. Hyuers entiers, & par ce moyen il a esté deliuré de cest vlcere qui l'auoit si long tēps

tourmenté. Et certes si on veut attendre à la raison de la Philosophie, au milieu de l'Hyuer, lors que par l'antiperistase, ou apposition du froid contraire, la chaleur se retirée es entrailles de la terre, les eaux de Spa sont tres-acides & tres-acres, ce que j'ay trouué vray par mon experience. Ce que fut cause que l'Illustrissime Duc de Mantouë d'heureuse memoire, auoit cōmandé à feu mō beau pere & moy, il y a 20. ans, que nous eussions à luy enuoyer 200. bouteils d'eau du Poullion, nous les auons fait emplir en nōstre presence la veille du Noel, lors qu'il auoit gelé plusieurs iours continuels, & tastant l'eau l'auons trouué plus picquante, qu'és iours caniculaires au cœur de l'Esté. Le mesme ay-ie trouué autrefois, estât mandé à Spa en Hyuer. Toutefois qui voudroit boire ces eaux en Hyuer, le deuroit faire deuant vn bon feu, vne esteue, ou chābre bien eschauffée. Car si les beuuants venoient à se refroidir, ce que Fallopius escrit estre arriué à luy mesme, & à d'autres, ils courroyent danger de tomber en paralysie ou conuulsion. Par la mesme raison, lors qu'il n'a point fait d'Hyuer, les eaux ne sont si bōnes comme en autre saison. Si est-ce qu'il est assésuré que l'air plus pure de l'Esté, & la soif qu'on

qu'on endure plus alors que iamais, & le  
têps plus propre pour se pourmener, sont les  
mois de May, de Iuin, de Iuillet & d'Aouſt  
que ſont preſerables à tous les autres.  
Ce que nos Seigneurs Liegeois remarquent  
bien, leſquels ſi toſt qu'il y a vacance de pro-  
cez, & que pour l'ardeur de la canicule, tous  
les medicaments ſont defendus par Hippo-  
crates, qui dit. *Lors que la canicule ſe lève, &*  
*deuant la levée d'icelle, les purgations ſont fort ſa-*  
*cheuſes,* s'en viennent à Spâ en grande troupe,  
paſſant la chaleur & la ſoiſ avec ces eaux, &  
les ennuyſ ou faſcheries, avec des propos  
ioyeux & pleins de gayeté naturelle à ce  
pays. Si bien en ce meſme temps là, ſi par  
cas fortuit ils ſuruiſſent vne pluye qui dure  
nuict & iour, il faut quitter l'vſage de ces  
eaux, au moins la Sauenier, laquelle ſe reſ-  
ſent quand & quand de l'abord de l'eau ce-  
leſte, ce qu'arriue plus tard à Geronſter; &  
au Pouhon peu ou point, ſi ce n'eſt apres  
pluſieurs iours, car i'ay veu que d'vne pluye  
qu'auoit duré 5. iours, il n'eſtoit guaires  
changé en ſa force & acrimonie accouſtu-  
mée, & n'en faut boire iuſqu'à ce que toute  
la pluye ou eau ſoit coulée ailleurs, ce que  
tous ceux qui iamais ont taſté de ces eaux,  
iugent ayſement. Cecy ſuffit des mois &

des iours. Venons à l'heure. J'ay souvent dit ce qu'il me faudra encore repeter ; qu'il faut prendre toute chose diuretique, ou qui fait pisser le plus loing au repas que faire se peut, & lors que le corps est plus vuyde de viandes, & quand l'estomac s'a dechargé le plus que faire se peut, ce qu'arrive pour la plus part à l'aube du iour, apres que le Soleil a esté levé 1. heure ou 2. lors que la chaleur n'empesche encore la pourmenade, qui semble necessaire aux beuveurs d'eau de Spa. J'ay dit 1. heure ou 2. apres que le Soleil est levé, car environ le midy, les eaux de Spa perdent leur force, & s'affoiblissent, & surtout de la Sauvenier, pource qu'alors les esprits vitrioliques sont aysement eslevez par l'ardeur du Soleil qui est monté sur le cime de son chariot. Chacun donc à telle heure que bon luy semblera, à 6. 7. 8. ou 9. heures commencera à boire, lors qu'il aura vuydé son corps par les narines, bouche, oreilles : qu'il aura deschargé ses trippes & sa vessie, & qu'il disne à 11. 12. ou 1. heure selon la coustume, lors qu'il aura rendu ses eaux, & quand son appetit, qui passe toutes les horloges du monde, luy dira qu'il est temps de mettre la table pour disner.

*De quelle*



*De quelle façon il faut boire l'eau de Spa.*

CHAPITRE XIII.

Ceux qui viennent à Spa où ils ont forces de se transporter à la Fontaine à pied, à cheval, ou en carosse : ou bien ils sont si foibles, qu'ils ont affaire de port-fais qu'ils y portent en chaire, ou en litiere, pour s'y trouver sans peril ou danger de leur santé ; Ou bien ils sont si malades, que par necessité ils tiennent le liét, & ne s'en peuvent bouger aucunement. Les premiers s'en iront du bon matin à l'heure susdite, vers la Sauenier, si le temps est beau ou pas trop-conuert, en ieusne, ou si bon leur semble, ayant prins quelques 20. ou 25. onces de l'eau de Pouhon. Les seconds, selon leurs moyens s'y feront porter par des crocheteurs, ou bestes. Ceux qui sont du troiesime rang, se feront porter l'eau de la Sauenier, ou d'une autre Fontaine, selon l'ordonnance du Medecin, & la boiront au liét ou deuant vn bon feu. Lors qu'on sera venu à la Fontaine, veu que le chemin est pierreux & assez mal-aysé, si quelqu'un est lassé ou hors d'haleine, qu'il se repose vn peu, puis il commence à boire en se pourmenant apres la prise de chaque verre, car la pour-

menade rechauffe les visceres, lesquels par ce moyen se renforcent & succent l'eau plus abondamment. Or ceste eau a vne froidure actuelle ennemie à l'estomac, la digestion duquel se faiet par chaleur, pourtant voyez la pluspart des beuuans prédre vn peu d'anys ou senouïl sucré, ou sans sucre. Moy ie conseille ordinairement prendre vne demie tablette de ceste description, ou semblable R. specierum aromatici rosati, diambrae, pleres archon ana dragmam : diatrion pipe-reon, salis absinthij ana semidragmam cum saccharo aqua anisi, vel cin soluto q. s. f. tabellæ vt manus Christi, quæ linguam non nimis feriant. Autre, R. specierû diacumini, rosatæ nouellæ ana dragmā, macis scriptulum, sacchari aquâ cin soluti q. s. t. gustui gratæ. Les pauures se pourront contenter de la racine de Zedwec, galange, golant, Angelica, acorus, noix muscat, ou sa fleur. Quelqu'vn me demandera combien d'eau faut-il boire? Maistre Pierre Pigray docteur Chirurgie de Paris en la fin de sa chirurgie dit, qu'il en faut boire du commencement 10. onces par iour, & apres au plus haut 20. car dit-il, en l'eau de Spa l'on ne doit prendre garde à la quâtité, ains seulemēt à sa qualité ou vertu. *Tabernaemontanus en son liure des Fontaines d'Allemagne,*

d'Allemagne, dit qu'il faut commencer à 16. once, & monter iusqu'à la triple & quadruple quantité. Je suis du tout d'une opinion diuerse, Car l'experience seule maistresse pour donner regle de boire ces eaux, nous montre que tous ceux qui en boient peu, n'en tirer aucun proufit, ains au contraire grand dommage, ce qu'à mon grand regret nous vîmes il y a 4. ans en la femme d'Illustre Seigneur Mylord Conue Lieutenant Gouverneur de la Briele, laquelle ayât eu 4. ans une dureté de la ratte, & par consequent tourmentée d'une fiebure quarte, estant enuoyée par plusieurs doctes Medecins à Spa, ne l'geut iamais boire plus que 30. once d'eau, dont estant mandé pour luy donner mon aduis, je luy conseilla de reprendre la route de sa demeure, si elle ne s'en vouloit retourner plus malade, ou mourir tout à fait à Spa. Elle eust sage-ment fait de me croire, car continuant de boire sa trop petite quantité de 30. onces, premieremēt luy survint une fiebure tierce, laquelle apres 8. iours devint quart, dont elle a esté emportée, comme en ont fait rapport ceux qui en venoient. Au contraire ceux qui en boient beaucoup, en reçoivent grand bien, comme le Visiteur des Chartreux,

treux, qui chasque iour en beuvoit 350. onces au matin tant seulement. Tellement que Ouide y eust perdu son latin, veu que parlant des plus grands beuveurs de son temps, qui cuidoient deuoir viure autant d'années qu'il vuidoient de verres d'eau de la Fontaine de Annaperanna il dit :

*Illec du Pilien le triple siecle d'age*

*Est souuent surmonté, en contant le beuyrage.*

Car journalierement nous en voyons qui surpassent ce nombre de 300. onces, qui semble excessif. le respond donc, que c'est le meilleur de boire le plus que faire se peut, pourueu qu'on rende bien les eaux. Le tres-docte Medecin de la Framboisiere est de la mesme opinion. Que chacun donc prenne aduis pour sçauoir combien il doit boire à son estomac, & qu'il se souuienne tousiours du dictum des Medecins, *Qu'il n'y a meilleure regle de sçauoir ce qu'il faut faire pour sa santé, qu'ayant esgard à ce d'où nous tirons du bien ou du mal pour icelle.* C'est ce que les autres disent que la iuste mesure de ces eaux est la souffrance. Ces dictions sont tirez de Hippocrates au liu. de veteri med. où il dit. *Touchant le regime de viue, tu n'auras esgard au poid ou nombres, car rien ne te peu assseurer que le ressentiment du corps de celuy qui le prend : & au lieu de locus ; nous pre-*  
senteremo

sentirons avant de viandes & de boisson, que les corps des prenans pourront supporter. Cicero mesme a recognu cela disant au liu. 2. de off. Que chacun entretienne sa santé, selon la cognoissance qu'il a de son corps, & l'observation des choses, qui coustumierement luy profitent ou nuisent, avec vne abstinence de viandes & voluptez superflues; en fin par l'art des Medecins. Ceux d'oc qui ont autrefois beu ces eaux & s'en sont bien trouuez, peuuent dez le premier iour en boire bonne quantité, moyennant qu'il ne chargent leur estomac. Car si tost qu'il sentiront que l'estomac est appesanti, ou chargé comme d'un fardeau extraordinaire, il est temps de n'en plus boire ce iour là. Les autres qui n'y sont accoustumez, ou qui ne l'ont iamais tasté pour s'accoustumer, en pourront prendre au commencement vn verre ou deux de 10. ou 12. onces chacun, & le lendemain en adiouter autant, continuant cela tant qu'ils soient arriuez à vne mesure qui remplisse l'estomac sans l'appesantir notablement, ou si d'auenture comme par tout il y a des contrediseurs & la plus part gens peu entendus, s'il y a quelconque qui s'esmerueille qu'au commencement i'ordonne si grande quantité, qu'il lise *Ætius liu. 11. chap. 30.* ou qu'*Archineges* vieux Medecin est souuét cité de Ca-

de Galien, cōmande que ceux qui voudront  
prēdre des eaux medicinales, pour les maux  
de la vessie ( comme sont celles de Spa) que  
le 1. iour ils en doivent prendre 3. cho-  
pines, qui sont 3. liures medicinales & plus;  
& que les iours suiuant ils viennent au dou-  
ble de ceste quantité, qui est vn pot & demy  
de Liege, ou bien vne bouteille & demie de  
Spa. Ce que ie treuve fort cōuenables à ceux  
qui en sont accoustumez, puis que Dioscor.  
mēme cōmande que ceux qui veulēt boire  
du clair laiēt au Printemps, qu'ils en pren-  
nent pour la 1. fois 5. chopines. Follopius  
tres-renommé Medecin Italien, & vn des  
premiers praticiens de son temps a aussi or-  
donné à ses malades de prēdre dez le 1. iour  
4. ou 5. liures de ces eaux. Mais escoutons  
nostre Moyse Hippocrates, qui *lib. 4. de ra-  
tione victus in morbis acutis, textu 29.* ordonnant  
le laiēt d'anesse, veut qu'on n'en prenne  
moins que 12. cotyles, adioustant que ceux  
qui sont robustes, ayent à surpasser la sei-  
ziesme cotyle. Toutefois la cotyle tient  
neuf onces de nostre mesure. Si est-ce que  
i'ay souuent ordonné & avec grandissime  
vtilité à ceux & celles qui vomissent lege-  
rement, d'en boire vne quantité si grande,  
qu'ils fussent contraints de la rendre, car  
par

par ce moyen ils deschargeroient quant & quant vn flegme visqueux & glueux, empeschant la digestion & passage tant de ces eaux que du reste de la nourriture, & peu apres c'est à dire vne demie heure plus ou moins, ie leur commandois apres auoir prins 1. ou 2. des tablettes susdites, boire de la nouuelle eau, mais en moindre quantité. Ce conseil fera tres-vtil plusieurs iours, voire vne sepmaine entiere aux ieunes filles qui ont les pasles couleurs, & autres farcies de mauuaises humeurs. Il est tiré de Galien au liu. 5. *de vsu partium*, où il dit qu'aux corps cacochymes vn doux vomissement ( comme est celuy causé des eaux de Spa ) est tressain, & surpasse toute autre medecine, car il nettoye la source des humeurs peccantes, & vuyde ce qui est au fond & dans les plis de l'estomac. Il purge ce qui est es cavités du foy & de la ratte, & toutes les humeurs superflues du pancreas, & fait sortir entierement, ce qui ne la hiera, ny autre medecine que forte qu'elle fusse, scauroit faire aller par le bas, car le chemin du vomissement est sans comparaison, plus court, que celuy de la purgation par le venter: Si bien il purge les interieurs susdicts, si est ce que consecutiuelement il soulage la

teste

teste & tout le corps ; pourtant ayde-il à toute passion qui est ésparties au tour du cœur, prouenant de l'immondicité d'icelle. Il assiste ceux , qui ont perdu l'appetit , qui vomissent ou ont tousiours enuie de vomir, à l'estomach & parties autour du cœur remplis de ventositez , à ceux qui ont la iaunisse & passes couleurs, aux fiebres intermittentes , migraine , tourbillon de teste , mal caduc , à toute maladie de teste , à toute maladie des parties au tour du cœur, & à celles qui suiuent l'imbecillité d'icelles. Tout cecy sont mots de Galien auxquels il faut adiouster foy. Jeu mon beau pere Thomas de Rye a sagement ordonné, que chacun se despesche à boire la quantité de l'eau qui luy sera prescrite, en moindre temps que faire se peut, c'est à dire en vne demie heure ou enuiron , autrement il pourroit arriuer , que les eaux beuës au commencement, sortassent auant que les dernieres fussent en l'estomac. Vray est que Fallopius en la page 267. de son grand volume ne treuve cela estrange ; mais la plus part tient le contraire, & l'experience le nous enseigne , ce que tous ceux qui ont frequenté Spa tesmoigneront. Et que personne ne s'esmerueille , que ie renuoye si souuent mon Lecteur à Spa , car ces



ces eaux sont vn médicament empirique & mis en vogue par l'experience , & void-on arriuer à ces eaux , ce que se treuve en la Theriaque & Mythridat; car ces 2. compositions si vous en regardez les descriptions vulgaires, vous y remarquerez des ingrediens superflus & du tout contraires : si est-ce qu'avec iceux on void guarir vne milliasse de maladies. Le mesme ce void en ces eaux comme i'ay dit à la fin du Chapitre 8. il les faut experimenter qui s'y veut fier, & lors qu'il aura veu & cogneu que plusieurs maladies incurables par toute autre medicine, se sont guaris à Spa, il adiousterà foy aux tesmoins oculaires qui en escriuent. Les Anglois si tost qu'ils ont prins les eaux, se metent à petuner ou humer leur toubacque, ce que ie ne treuve mauuais, & croy qu'ils feroient encore mieux de l'aualler, ou pour le moins le tenir plus long temps, en lieu qu'ils le rendent si tost par la bouche & par les narrines; car il n'y a point de doubte, que la fumée du toubacignée ou chaude comme le feu, n'ayant autre sortie, descend dans l'estomac, & illec rechauffe les eaux, & par ce moyé auáce l'issue de celles qu'on a beu. Apres auoir beu les eaux, il faut reprendre le chemin de la maison ou faire autre exercice,

cice, ce que j'ay remarqué se faire beaucoup mieux par vn cheual qui trotte, ou en carosse, qu'à pied, car outre la sueur qu'arrive aysément aux pietons, & par ce moyen la serosité du sang diuertie ailleurs forte en moindre quantité par les vrines : ceux qui sont assis sur la selle, ou sur le carreau, pressent les muscles du bas ventre, & l'estomac, & patissent plus fort agitation ou remuemēt du corps, d'où vient que les eaux plus eschauffées sortent plustost par la vessie ; ce que chacun cognoistra par experiēce. Quelques-vns si tost qu'ils retournent au logis se vōt coucher entre les linceuls bien bassinez, & par ceste assistance, rendent leur eau fort promptement, ce qu'il y a 3. ans faisois Madame la Presidente du Mcnil Parisienne, & quelques Marchands Flamends avec fort bon succez. Quant au temps qu'il faut continuer l'vsage de ces eaux, on n'en sçauroit donner vne reigle generale : Chacun selon qu'il se trouuera, pourra tenir ce regime 20. 30. 40. ou 60. iours, voire le continuer tout du long de l'an ; & ceux qui ont des maladies longues & rebelles, reuiendront à ces eaux plusieurs années continuels, gardant tousiours les mesmes reigles susdites.

Regime de viure pour les beueurs d'eau de Spa.

CHAPITRE XIV.

**S**eneque autheur graue , & qui tout le monde deuroit escouter , hormis quand il dit choses contraire à nostre Religion Chrestienne , en son liure de la tranquillité ou repos de l'ame , se donne vn regime de viure fort propre à vn chacun. *I'ayme dit-il vne viande peu cuisinée, peu assaisonnée, promptement apprestée, & qui passe par peu de mains, de prompt & aise appareil , de peu de coust , que l'on trouue par tout à bõ marché, propre au corps & qui ne prouoque l'estomach à le faire sortir par où elle est entrée. De mesme est-il à Spa , chacun donc se seruira de viandes accoustumées, aysées à digerer & bien nourrissantes. Messieurs Gerinx & de Rye ont fort bien enseigné, qu'il se faut garder de saupickets farcis d'espiceries , & de beaucoup de graisses. C'est ce qu'au septiesme liure des saturnales de Macrobe ch. 4. dict Disarius tres-sçauant Medecin , qu'il se faut garder des viandes qui donnēt appetit, passāt la faim & la soif ordinaire, comme sont les saupicquets & sauses, lesquels par leur friandises incitent l'homme de manger deux ou trois fois plus qu'il ne peut bien digerer. Quant aux sortes de viandes ie prise les bons chappons , poulets , perdreaux, pigeons,*

geons, failans, coqs de bruyere; grues & autres oyselets, bien entendu que selon l'ordonnance de Galien au liv. de att. vift. ratione, qu'il ayent esté tuez vn iour auparavant, à fin que par ce moyen ils s'attendrissent & perdent leur durescé. Car comme dit Galien; il ne faut manger ny la perdrix, ny la tourterelle fraichement occis. On se seruira aussi de la chair de moutons, veaux, conils. Il se dispute souuent, Si on peut manger du lievre? la plus part du vulgaire, sans ouyr leurs raisons, les bannissent tout court de leurs tables, disans que c'est vn animal melancolique, & puis qu'à Spa rien ne doit estre si exilé que la melancolie & le chagrin; sans faut si le lievre est tel qu'on pense, à bonne raison est il chassé des tables de ceux qui veulent rire & recourir leur santé. Pour moy ie suis de contraire opinion, & me prend enuie d'auocasser pour eux & playdoyer leur cause, signament puis que mon amy Martiale, leur donne si bon tesmoignage.

*La Girne tous oyseaux passé, s'en me veut croire,  
Des bestes a quatre pieds, le Liure emporte la gloire.*

Afin qu'on ne pense que ce seroit legereté de croire à vn Poëte en telle matiere, ie veux que on sçache, que personne n'a ja-  
mais

mais esté fauorisé des Muses, & mis au rang des Poëtes, que preallablement n'a esté versé en toute Philosophie & autres sciences, comme certes a esté ce faiseur d'Epigrammes, esquels il a monsté le chemin à tous ceux qui l'ont suiuy. Vous dites que c'est vne viande melancolique. Je dis moy que c'est vne viande des melancoliques, ou pour les melancoliques, c'est à dire, guarissant la melancolie. Nous voila bien esloignez l'un de l'autre, & d'opinion du tout contraires. Or amenons nos preuues ou raisons pour verifier nostre dire. Galien *liu. 3. des aliments* tient mon party, où il dit que le sang du lievre est preferable au sang des pigeons, poullets, en somme de toutes bestes domestiques ou nourries chez nous; & adioust que leur sang est tres-doux. Dont ie tire ceste consequence; si le sang en est meilleur, ergo la chair en est meilleure aussi, veu que la chair n'est autre chose que le sang coagulé ou attaché aux musclés ou fibres de l'animal; veu que le sang est le dernier aliment ou nourriture de ce qui s'en nourrist, tesmoing Aristote *liu. 2. de partica 3. & 4. de gener. an. chap. 4. & au liu. de inuent. chap. 2.* Galien si bien il veut restraindre ceste proposition que luy semble trop vniuerselle; Si

est-ce qu'il aduoüe que le sang est le principal & plus commun aliment de l'animal au liure de curat. per sang. miss. Le mesme Galien au liure des alimens, dit: *La chair de lievre mangée, engendre meilleur sang que le mouton ou bœuf.* Si tout le monde ou la plus grande part mange iournalierement du mouton & du bœuf, pourquoy chassera-il de sa table le lievre, s'il doit tirer meilleur suc & sang de cestuy-ci, que de ceux-la? Heurnius la gloire de nos Medecins Flamens, entre les remedes qu'il mette pour ceux qui ont les roignons melancoliques, mette la chair du lievre au premier rang. Or est-il que la mesme chair en vn mesme homme ne peut le faire melancolique & guarir sa melancolie; car qui se voudroit icy imaginer vne sympathie ou qualité occulte, & incognüe, meriteroit le fouët de la nature. Vous me dites que le lievre est craintif. Je voudrois que quelqu'un m'enseignast quelque indice ou signal de ceste crainte. Car moy mesme i'ay veu souuent vn lievre attendre le veneur à pied coy & l'œil ouuert sans nicher, ou garder de part & d'autre, tellement que ie l'ay veu transpercer, & l'ay fait moy-mesme d'une iaueline ou demie pique en ceste posture là. Si vous me dites qu'il fust  
au bruit

au bruit des chiens qui le veulent espouster, & que cela il merite d'estre appellé crain-  
tif. Que me direz vous des moutons, les-  
quels estant en grandes troupes, & non  
seuls comme vn lievre, ne sentant que les  
aboys d'un petit chien de quelques Damoi-  
selle, qui se vient iouer ou flatter, le gagnēt  
au pied & s'en fuyent bien loing. Si est-ce  
que pour tout cela vous ne laissez de les mā-  
ger tous les iours. Monstré moy quelle  
beste que ce soit, laquelle estant pouruiue  
de plusieurs chiens ne se sauue par la fuitte.  
Les Sangliers, Ours, Loups, Taureaux, la  
grande beste, les Lions mesme s'enfuient  
tant qu'ils peuent, quand les chiens abayent  
leurs talons. Voire les chiens qui font  
toute autre beste fuyarde, s'enfuient à  
l'ombre d'un baston, duquel comme i'ay  
dit, des lievres ne se soucient : qui est donc  
plus crainitif? A Dieu ne plaise qu'il aduien-  
ne au plus braue & valeureux d'entre vous,  
ce qu'est arriué à quelques Roytelets In-  
diens, ausquels nuds desarmez, les Espa-  
gnols chassoient des dogues & chiens fa-  
rouches, ie m'asseure que vous me confes-  
seriez que ce n'est acte d'une ame lasche &  
craintive, que d'auoir peur quand les chiens  
vous talonnent & attaquent; veu qu'il n'y a  
pareille

pareille douleur de dent, que celle qui se cause quand vn chien vous mordre les iambes. Or regardons vn peu la pasture ou l'aliment du lievre, nous trouuons que c'est le bled & toutes bonnes herbes, & la mesme viande avec les perdreaux : Si est-ce que Cardanus grand Medecin de son temps, enseigne que par la seule continuation de manger de perdrix, on se peut guarir de la verolle : Ce que Ludouicus Mercatus Medecin du Roy Catholique *lib. 2. de Sanitate classe 2. quast. 164.* au commencement de la page 31. confirme estre vray. Quant à Cardanus, ie croy qu'il en auoit mangé beaucoup, car en son liure de *capienda vtilitate ex aduersarijs*, il escrit luy mesme qu'il a eula grosse verolle sept fois. Si est-ce que la grosse verolle, on treauue l'homme qui en est atteint melancolique, ou le rend tel, pourquoy donc ne crois-tu que le lievre puisse faire le mesme, puis qu'il engendre vn sang meilleur, vn suc & vne substance plus saine, que la perdrix & autres volailles. Mangez donc hardiment les levrots de six mois ou enuiron, car pour ceux qui sont enuieillis, & qu'ont souuent trompé les Chasseurs ie n'en veux point. Qui en voudra le pourra bouillir avec vn filet de poiure la partie anterieure :



terieure : les fesses se rostiront, toutefois sans lardons : ou bien si quelqu'un le veut chauffer à la françoise & le larder, il osterà le lard quand il en voudra manger. Les jours maigres quand la chair est defenduë, on mangera Truites, desquelles il y a abondance à Spa, ombres, brochets, goujons, perches, &c. rostie sur le gril, ou bouillies, au vin, avec un peu de sourpelet, hyssop, thym, mariolaine. Gherinx adioust la mente; mais ie conseille aux femmes qui viennent à Spa pour concevoir des enfans, ou se guarir de la sterilité, de ne se servir de mente; car comme escrit Cassius Dionysius *liure 12. Geoponicon*. La mente est ennemie à la generation, & empesche la conception. Toute autre personne s'en peut servir, & sur tout de la mente rouge. On se doit abstenir de lard, iambons, oyes, anettes hormis les sauvages. Les autres conseillent de ne manger cochons, ce que i'estime superflus, n'ayant jamais veu cochons sur le marché de Spa. Parmi les poissons ie n'ay veu aucun qui fusse à refuser, hormis les anguilles, renches & carpes. Pour la deserté on aura des escorches de cytrons ou d'oranges confites, de l'anys où fenoil sucré, raisins, pignolles, pistaches, & sur la fin de l'Esté quelque

I 3 poire,

poire, ou pomme rostie avec vn peu de canelle, ou bouillie dans du vin, comme aussi des pruneaux, mais on les doit prendre sobrement. Ceux qui son coleriques & ont le sang trop chaud, pourront prendre quelques fraises ou frombaises, mais tous ces fruits se doiuent prendre en petite quantité. Et que chacun se garde sur tout, de la diuersité des viandes; car veu que la temperature des alimens diuers, est fort diuersse, voire souuent contraire, il est necessaire que l'vn se digere deuant l'autre, d'où procedēt la plus part des maladies, comme ventositez, douleurs, coliques, grauelles & pierres, obstructions de veines meseraiques, & d'vn degoust total du chyle, qui doit nourrir l'homme. C'est cē que dis fort bien Franciscus Valleriola locor. comm. li. 2. ch. 6. *Tous les Medecins tiennent d'vn commun accord, qu'il n'y a rien plus contraire à la santé humaine, que la varieté des viādes, & la longueur des bāquets. Cecy fuffit de la viāde. Que diray-ie de la boissō?* Ceux qui ont escript deuāt moy ordonnent du vin de Rhin detrempé avec de l'eau du Pouhon. Je ne puis suiure ceste opiniō. Premièrement il semble qu'il y a de la contradiction manifeste en leur dire: car il disent qu'il faut disner à l'heure qu'on a rendu toutes

toutes ces eaux, qu'est-il besoin d'attendre cela, si au dîner vous leur faite boire de la nouvelle eau? Il me semble que celui qui en mangeant veut prendre l'eau de Pouhon, ne doit auoir soin de n'auoir point d'eau au ventre, puis qu'il y veut mettre de la nouvelle. Vous me direz que vous detrempez le vin. Voila qui est bon, mais que me respondrez vous des Seigneurs François, & d'auantage des Dames Françoises, qui ne detrempent point le vin, ains au contraire, dans vn verre d'eau mettent vn doigt de vin, tellement que les vins de Moselle, car à Spa il n'y a guaires d'autre vin blanc, estant des petits vins, le perdent du tout, veu la petite generosité qu'est en iceux. Seconde-ment c'est vne maxime en medicine auerée par vous mesme, que toute chose diuretique ou mouuant les vrines se doit prendre long temps apres le repas. Si est-ce que l'eau du Pouhon est autant diuretique que nul autre; Car le Seigneur Pigray escrit auoir veu, en presence des Docteurs Martin & Basin, qu'un quidam qui auoit mangé des anys en beuuant, comme ils font ordinairement, en auoir rendu vn grain par vrines. Ce seroit vne homme peu courtois, que n'adiousteroit foy à qui se dit l'auoir veu,

& qui n'a profit quelconque en disant chose contraire à la verité. Si ceste eau a la force de trainer quant & soy vn grain d'anys qui n'est toutefois de trop dure digestion, par le gosier, estomach, boyaux, veines meseraïques, foy, roignons, les vreteres, vessie : que pensez vous qu'elle fera du reste des mangeailles, & sur tout quand elle sera renforcée par le vin blanc, qui est aussi diuretique. En outre tout ainsi que ces eaux prise au matin, viennent à inciser & atténuer les humeurs par leur qualité, & puis les presser à sortir par leur quantité & pesantueur, & par ce moyen viennent à nettoier toutes les ordures du corps. De même quand on les prend au disner, leur petite quantité, & leur qualité affoiblie par les viandes, fait qu'elles ne peuvent tost sortir, d'où vient que par necessité elles se corrompent & tournent en pourriture, ou si elles demeurent en leur entiere, estant par tout meslées avec le sang qui nourrit l'homme, elles impriment leur vertu mineral à iceluy, d'où vient qu'à plusieurs elles enflamment les parties nobles, à d'autres font vne dysenterie, & à d'autres serrent les conduits des roignons & de la vessie. Et si bien elles tardent souvent à faire les maux susdits,

dits, si est-ce qu'à la fin elles nuisent cōme  
 i'ay dit. Ainsi faut-il entendre Hipocrates  
 au liu. de aere, locu, & aquis, où il dit: *Les*  
*eaux chaudes* ( il faut faire le mesme iugement  
 des froides ) *qui ont du fer, du cuiure, de l'argent,*  
*de l'or, de l'ambre, de l'alun, ou du nitre, resserent les*  
*conduits, & sortent difficilemēt par les vrines, ou par*  
*fondement.* Car l'experience nous enseigne  
 cela estre faux, si on le veut entendre de ces  
 eaux quand on les boit du matin, reste donc  
 qu'il soit tres-vray de ces-eaux, lors qu'on  
 les boit au repas du disner ou du soupper,  
 comme aduouēront tous bons Medecins.  
 I'adiousteray encor vn argumēt inuincible,  
 & que ie croy qui fermera la bouche aux ad-  
 uersaires. C'est que trouuant des autheurs  
 Grecs, Latins & Arabes qui parlent des fon-  
 taines acides, qui enseignent leur vsage, en  
 les beuuant és baigns, és fomentations, il n'y  
 a pas vn qui en parle pour s'en seruir à cest  
 effect de detremper le vin. Strabo au liu. 6.  
 dit qu'il y a des Fontaines nōmées Albula,  
 & Luluca, qui brisent les pierres, & guari-  
 sent la grauelle. Pausanius in Arcadicis.  
 Vitruue liu. 8. ch. 4. Plinc en diuers lieux:  
 Aëtius, Oribasius, Galien, Scribonius, Lar-  
 gus, se seruent d'eaux acides pour guarir  
 les maladies de la vessie. Paulus liu. 4. c. 1.

pour la ladrerie. Trallianus & Auincenna, ordonnent des eaux alumineuses pour la colique; tous en parlant comme d'une médecine. Mais quand il est question de la boisson ordinaire, nul n'en fait mot. Quelle apparence que tant d'Auteurs qui ont esté si sages, qu'ils n'ont rien ignoré: Si debonnaire, qu'ils nous ont communiqué tout leur sçavoir; eussent teu une chose si importante, & sur tout s'elle eust esté profitable à la santé. Vous me direz. Ils ne l'ont point defendu. Cõment pouuoient ils defendre, ce que iamais n'auoient veu, ou deuoient ils en le defendant, nous inciter à le faire, puis que cherchons tousiours plus les choses defendues, que les licites. Pour conclusion donc, ie conseille qu'on boiue du vin de Beaume, d'Ay, ou de Mosselle, enfin tout vin qui n'est fumeux, & qui n'entest pas, car tels sont propres à faire dormir apres disné & engendrer catharres. Et de les boire pures, ou si quelcun y veut mesler de l'eau qu'il y mette de l'eau de puits, bouillie avec vn peu de canelle. Si vous prenez vne once de canelle, trois onces de fin-succre, & les faites bouillir dans quatre chopines d'eau iusques à trois, & les passez par vn linge, vous ne sçauriez auoir boisson plus agreable

Agreable pour meller avec le vin. Si l'on me  
veux obiecter que ceux de Spa ne boient  
autre chose au desjeuner, dîner, souper,  
somme tout le iour, & neantmoins ils ne  
s'en treuvent pas mal. Je respond qu'ils en  
sont accoustumez dès leur berceau, & que  
l'accoustumance est la seconde nature, &  
pourtant n'en recoient ils non plus de mal  
que ceste fille, qu'Aristote raconte qu'elle  
s'engraissoit de la patte louvine, qui est vne  
herbe fort venimeuse. Quant au temps de  
prendre la refection, quelque vn pourroit di-  
re avec Socrates, que le riche dîne quand  
bon luy semble, & le pauvre quand il aura  
dequoy fripper. Mais à Spa il faut dîner  
lors qu'on a rendu toute, ou la plus part de  
l'eau beue au matin. Et s'il aduient comme  
il se fait au moins és premiers iours, qu'on  
ne rend que la moitié ou peu des eaux, afin  
qu'on ne s'en dommage en attendant trop  
le dîner ( car qui passe son heure, outre ce  
qu'il perd l'appetit, il attire force flegme &  
viscosité dans son estomac ) ie donneray vn  
indice auquel on pourra remarquer l'heure  
de dîner. Si quelque vn ayant prins les eaux,  
les a pissé blanches, comme font la pluspart  
de ceux qui les boient, & par apres a rendu  
de l'urine coloré, qu'il dîne hardiment; car  
il est

il est assuré que la nature dispensatrice des choses prises par labouche gard ces eaux qui restent pour quelque autre vsage du corps. Ou bien si l'eau prise a causé à quelqu'un vne mixtion copieuse, ou deicction de ventre plus frequente qu'à l'ordinaire, quand ces operations seront cessées vn heure ou deux, qu'il disne hardiment. Le temps de souper est lors qu'on sent que la viande prise au disner est digerée. Hipoc. 6. Epid. sect. 4. aph. ult. recommande fort qu'on face exercice auant l'un & l'autre repas : ce que sur tout se doit garder à Spa. Si vous me demandez quel exercice faut il faire. Hippocrates vous l'enseigne en peu de paroles, lors qu'il dit : *Qu'on se pourmeine, qu'on tire de fleurets, qu'on danse, qu'on saute legerement en iettant aussi les bras, ou qu'on iouë à l'esteus, ou qu'on les exerce tous deux.* Car ainsi la chaleur naturelle renforcée, donne force & fermeté aux parties nobles, augmentera les esprits, vuydera mieux les excremens, & par ainsi ne permettra la generatió des pierres & grauelles ; & nettoyant bien les boyaux preseruera de la colique, & donnera bon appetit, & digera mieux la viande. La reigle de l'exercice est, de le quitter lors qu'on commence à suer legerement, & ne  
passer



passer iusqu'à vne sueur apparente. Mais puis que les corps tendres, mols & delicats suent aysement, sans lassitude, & les corps massifs, & compacts ne suent pas mesme dans les bains d'Aix. Comme i'en cognois, chacun sans auoir esgard à la sueur, lors que l'haleine se racourcira, ou cômencera à sentir quelque lassitude, quittera l'exercice auant que les esprits se reloluent, & le corps est encore gay. Les apresdinées se passent le plus part aux ieux de tabliers, & de cartes, ou quelque autre recreation honneste pour chasser le dormir, qui est fort mal sain les apres dinées; sur tout à qui n'a pas rendu toutes ses eaux deuant dîner: car ce sommeil empesche la nature en son action, laquelle doit expulser du corps ayant bien fait sa digestion, tout ce qu'est du superflu, ce que ne se fait en dormant, d'où vient que ces superfluitez enfermées en quelque lieu, s'y vient à pourrir & causer mauuais accidens. En outre ce sommeil procede plustost des vapeurs de mineraux montans à la teste, que non pas de la nature, d'où vient qu'il appesantist la teste, & l'eschauffe plus qu'il ne deueroit, de là viennent les catharres, & ce que s'ensuit; & ce sommeil estant ordinairement court, quittant bien-

tost la

toit la digestiõ de l'estomac encommencée, fait que la viande va comme on doyante parmy le ventre. La cholere aussi laquelle se fouloit en ce temps-là couler au dehors, se retire en dormant au dedans : où estant assemblé peut engendrer fieure, ou se tourner en melancolie. Enfin il est necessaire que ce sommeil cause des mouuemens contraires des humeurs, lesquels par la clarté du jour sont conuiez de sortir au dehors, & le sommeil les rappelle au dedans. Si toutefois quelqu'un est accoustumé à ce sommeil, puis que des choses accoustumées on ne reçoit grande alteration, si le dormir presse, pourra assis en vne chaire & non couché sur vn liét, se mettre vn peu à sommeiller, plustost qu'à dormir.

Il y a des Autheurs qui disent qu'apres disner il faut retourner à la Fontaine, & boire la moitié de ce qu'on a beu au matin. Quant à moy ie n'ay guaires veu, qui ayent tiré grand profit de boire avant soupper, & pourtant ie conseil à ceux qui n'ont les forces de l'estomac entieres, se contenter de les boire au matin, ne soit qu'ils en boient vn verre ou deux, pour passer leur soif s'ils sont alterez.

Après soupper il faut legerement se promener,

mener, aux soir comme c'est la façon de Spa. de iouer au bourdons dans la prairie, ou danser. Mais il faut aduertir mon Lecteur de deux choses non mentionnées cy-deuant. La preminre est que chacun se retire auant la nuit, ou auant que le serain tombe, le quel à Spa est assez fascheux, & cause cathares & mal de teste à plusieurs. La seconde, que personne ne s'assisse sur l'herbe de la prairie. Galien 10. *de locis affectis* sur la fin, nous enseigne que le muscle du boyau culier se resout souuent à ceux qui ont esté assis sur pierre froide, ou qui long temps ont esté en eau froide. Or à ceste resolution suit souuent vne eiection des excrements non volontaire. Si quelques Damoiselles eussent creu ce conseil, elles n'eussent encourus des dangers, qu'elles croient mortels. En bonne foy on m'a mandé à minuiet aupres des Dames qui pour auoir esté assises sur l'herbe, estoient trauaillées du tenesme & dysenterie tres-dangereuse; ausquelles ayant donné infusion de rhubarbe dans l'eau de plantain, avec sirop de rose seiche; & bassiné le fondement avec decoction d'orties mortes & d'herbe nommée Bouillon, Dieu leur a tost rendu leur santé.

*Solution de quelques demandes accoustumées  
d'estre mises en auant à Spa.*

### CHAPITRE XV.

**D**Emande premiere : Pourquoi tous ceux qui boient l'eau à Spa, exceptés fort peu, font leur matiere fecale toute noire? Il est asseuré que le manger & le boire donnent couleur tant à l'vrine, qu'aux ordures de la celle perçée: du saffran ou du rhubarbe ils se iaunissent, des feuilles de Sene ils deuiennent verdes, de la iusée de grenades ou de son sirop se noircissent. Voire selon l'opinion de Virgile :

*La brebis en mangeant, ou rouge, ou iaune fleur,  
(De mesme fait l'agneau) se change sa couleur.*

Ce que soit de luy, soit de Pline qui le repete au liu. 31. ch. 2. Solinus vient à reciter dans son chap. 25. disant que c'est l'opinion de Varron, qu'on a estimé le plus docté entre les Romains. La commune opinion à Spa est, que ceste noirceur est causée du vitriole, pource que le vitriole se nomme atrament ou ancre. Que c'est opinion soit erronée est appert, pource que si quelqu'un prend de l'huyle ou de l'esprit de vitriol, dans vne eau distillée, ou bouillon, ne noircist aucunement ce qui sorte de qui l'ont

l'ont beu : Voire melme les chymistes disent & le tiennent pour vn grand miracle , que si on iette de l'huyle de vitriol dans vn vin claret, qu'il se blâchist aussi tost , comment donc ce qui blanchist le vin rouge ou noirastre, noircira cil qui est blan ou iaune? Je respond donc que c'est le fer , ou la rubrique d'iceluy , duquel y a grande quâtité en ces eaux ; qui cause cest effect. Car nous voyons que ceux qui boient du vin acieré, ou qui prennent vn seul scrupule d'acier préparé en pillules ou bolus , tout aussi tost ils font les ordures noires. Ou bien se peut il faire, que comme peu de colere teint tout cela de couleur iaune ( car ceux qui ont la jaunisse , pource que la colere est portée ailleurs, les font grises , ou couleur de cendre) ainsi peu de melancolie par ces eaux tirée de la ratte, amenne ceste couleur? La premiere responce est plus veritable , car cecy n'aduient seulement aux melancoliques , ains à tous ceux d'autre complexion.

Demande seconde. Pourquoi les femmes qui puisent la Fontaine de la Sauenier deuinent 3. ou 4. iours auparauant la pluye à venir , disantes ; nous aurons de la pluye , car la Fontaine a chanté. Leander en sa description de l'Italie , dit , que lez la Ville de

Volaterra il y a vne Fontaine qui donne indice asseuré de pluye ou beau temps : car s'il s'esleue & s'il faut, ce que par fois il fait dix pieds en haut, il y aura pluye, & s'il ne faut pas; ains s'il s'escoule doucement il fera beau temps. Mais à nostre Sauenier où on ne void rien, il faut donner raison tant de la diuination de la pluye, que du chant qui l'annonce. Il respond puis que par necessite pour faire de la pluye, il est necessaire que le Soleil attire des vapeurs en haut & pourcé que l'eau de la Sauuenier, tant à cause de sa legereté & netteté, que pour estre pleine d'esprits, est fort aysement tirée en haut, & se resout en vapeurs pour estre transformée en vne nuée, & pourtant afin qu'il n'y aye vacuité, chose impossible en toutes les escoles des Physiciens, il se mesle de l'air parmy ces eaux attirées, lequel mene vn bruit comme nous voyons arriuer aux bouteilles estroictes, lors qu'on les vuyde en haste. Ce sifflement, ou son, ou murmure, est appelé de ces sēmes villageoises, qui ne sont accoustumées à proprement parler, vn chant, comme ie croy. Or puis que les nuées, qui ne sont dechassées par le vét, se resoluent en pluye, il leur est aysé, lors que l'aire est coy, de deuiner la pluye apres qu'elles

qu'elles ont ouy ce chant, ou eileuement des eaux sorties par l'estroitte emboucheure de la Fontaine. D'où vient qu'elles ne s'abusent guaires en leur prediſtion ou almanach, comme font la reſte des pronostiqueurs.

Demande troiſieſme. Pourquoi eſt-ce que quelqu'vns qui en leur maiſon n'auoient aucun benefice de ventre, ont à Spa le ventre fort laſche, & au contraire ceux qui chez eux alloient au moins vne fois à la ſelle percée, quand ils ſont à Spa ils deuiennent conſtipez, & à peine y vont ils en huit iours vne fois ſans artifice. Le reſpond que les premiers auoient la veſſie du fiel bouchée, car c'eſt le fiel qui ſe deſchargeant dans les boyaux, pouſſe en auant les ordures : or l'embouchure ou l'obſtruction de ceſte veſſie eſtant oſtée par ces eaux, il leur arriue neceſſairement ce benefice du ventre. Les autres à cauſe que la ſeroſité de leur corps eſt tirée abondamment par ces eaux aux roignons & à la veſſie, ont les boyaux plus ſerches & pourtant plus tardifs à ſe deſcharger. De là vient qu'en route dyſenterie diarrhée ou flux de foy, les bons Medicins adiouſtent des medicaments qui font vriner, afin que les aquoſitez qui tiroient vers les boyaux, eſtant diuerties

ailleurs, viennent à estancer ce qu'est fondé sur l'aphorisme dernière de la quatriesme section.

Demande quatriesme. Quand il pleut plusieurs iours routiers, les eaux de Spa perdent toute leur aigreur & s'adoucissent, tellement qu'on n'a point du plaisir, ny de profit à boire, par quel moyen y peut on remedier afin qu'elles soyent agreables & vtilles? Je respond que si bien Mercurialis au 3. tome de ses conseils, en vne consultation pour le Prince Doria, tirant mesme Seneque de son costé, tiét que les Fontaines acides ne se peuuent gaster par la pluye; car elle ne penetre iamais dix pieds en terre, où que leurs mineraux sont beaucoup plus profonds, que l'experience nous monstre le contraire, & pourtant pour effectuer nostre desir; ie dy que puis que i'ay demonstré cy deuant que ces Fontaines ont la plus part de leurs forces du vitriol, souphre & du fer lors que la pluye continue si longuement, il faut ietter quelques gouttes d'huyle du vitriol, ou de souphre dans chaque verre, ainsi passeront elles aysement, & sembleront estre puysee en beau temps. L'on peut en mesme temps aualler quelques pilulles, ou tablettes, esquelles on mettra vn scrupule



scrupule d'acier préparé, ainsi en tirera-on du profit comme en vn autre temps.

Demande cinquiesme. Que faut il faire lors que les eaux demeurent de tout au corps, comme il arriue à quelques vns? Le respond qu'il y a plusieurs lieux esquels ces eaux sont retenues. Si donc elles sont dans les boyaux, ce que vous cognoistrez par des ventositez, tensions, pesanteur, & par vn bruit qui rendent les boyaux; ce mesme iour là prenez vn clystere, qui soit fait de la mesme eau eschauffée, avec vne once de hiera, soit elle picra; ou logadij, ou colocynthidos selon vos forces, & par ce moyen ferez sortir les eaux retenues. Que si ce clystere ne suffit, faites en faire vn plus fort, & le lendemain prenez vne purgation chasse flegme, car ce sont les flegmes qui ont empesché la sortie des eaux; & s'il est besoin continuez cela 2. ou 3. iours selon vostre necessité: differant cependant l'usage de ces eaux. Mais s'il aduient que ceste eau est retenue dans les veines, ce que cognoistrez, lors que ne sentirez les ventositez, ny les bruits, ny la tension fisdité, alors puis que la douleur ne vous pressera, de prendre vn clystere, prenez le lendemain des pillules de hiera-cum agarico, ou elephanginas, 3. scrupules & demy.

& demy. Que si ces eaux sont si rebelles, qu'elles ne veulent vuyder la place pour ces pillules, alors Fallopius, & apres luy Heurnius, conseillent de mettre avec vn scrupule des pillules susdictes, sept ou huit grains d'elaterium. Ce qu'a pratiqué fort heureusement à Spa, il y a quelques années, l'illustre Cheualier & docte Medecin du Roy de la grande Bretaigne, Guillaume Paddy : mais luy auoit vne façon de preparer vne l'elaterium, laquelle il m'a courtoisement montré, duquel vn grain seul avec vn demy scrupule de pillules alefangines, vuyde merueilleusement ceseaux, mesme à tous vrays hydro-piques, ce que j'ay depuis mis en vſage, & plusieurs tesmoigneront, que s'ayant purgé 3. fois par ce seul grain de l'elaterium, en grandissime abondance, lors qu'il en prenoient la quatrième fois, & tout cela dans vn sepmaine, leur prit enuie de mesurer l'eau sortie, & trouuerent que celle de la derniere fois, surpassoit les cinq pots, si est-ce que les premieres estoient plus copieuses.

Demande sixième. S'il n'y a point de danger de boire Geronster ? Il y en a qui le desconseillent du tout, car il est assuré & ie le confesse, que ceste Fontaine a beaucoup de souphre. Or est-il que Antyllus tres-ancien

ancien Medecin, tesmoin Oribasius, dit que les eaux souphreuses affoiblissent l'estomac, & le réuersent ou font vomir. Ce qu'*Ætius* aussi a transcrit d'eux. *Craton* tres-excellēt Medecin de trois Empereurs de nostre siecle, adioustoit que le souphre n'est qu'un arsenic encômencé, & qu'il fust deueny tel, s'il fust plus long temps demeuré en terre, ou plus enduré le feu, & pourtant qu'il faut attēdre moindre danger du souphre que d'un grand poison. Il respond que j'ay souuent dit, que ces eaux sont un medicament empirique, & que pourtant en ceste matiere l'experience doit emporter le dessus sur les authoritez des hommes doctes, qui n'ont eu cognoissance de ces Fontaines. Puis donc que moy-mesme en ay beu 160. onces par iour la matinée, voire aucunes fois 180. onces, & cela continué plusieurs iours avec un profit singulier, & que vne infinité d'autres ont fait le mesme, ie dis qu'on peut boire de la Fontaine de Geronster aussi seurement que des autres. Quant est de l'autorité d'*Antyllus*, il la faut entendre des eaux purement souphreuses, & qui n'ont autre mineral que le souphre. Or est-il que Geronster a du sel, de l'alun, du vitriol, & fer, & autres mineraux, lesquels empeschent l'affoiblissement de l'e-

Stomac que pourroit causer le souphre seul. Quant est de Craton, ie dis qu'il parle du souphre parfait, & lors que les Chymistes y ont soufflé, pour le sublimer, car il est certain que tous les poisons acquerrent beaucoup de malignité en leur sublimations cōme il est aisé à voire dans le mercure crud & sublimé, veu que le crud estant seulement nettoyé de son ordure en le passant souuent par le cuire, faict peu ou point de dommage, si on le prend par la bouche, où au contraire la moindre quantité du sublimé, perce l'estomac & tuë asseurement cil qui le prend. Toutefois ie confesse librement que ceux qui sont subiects à grand mal de teste, la migraine, on semblables passions, remporteront plus de mal que de bien de ceste Fontaine, à cause des vapeurs qu'elle enuoye abondamment à la teste, ce que la Sauenier, & le Pouthon ne font point, au moins point si remarquablement.

Demande septiesme. S'il est permis de donner de ces eaux aux enfans, car veu que les eaux de Spa sont fort froides, & qu'il conuient les boire en bonne quantité, si l'on en doit tirer profit, & qu'il est à craindre qu'ils n'en boiront guaires, ou s'ils s'enforcent d'en aualler assez, il est à douter qu'ils estoient

estoffent la chaleur naturelle au grand interest de leur santé. Je dis que les enfans en peuvent boire asseurement pourueu qu'il y aye proportion entre leur estomac & la quantité de l'eau qu'ils boient. Nous auons veu le fils de la Contesse vanden Berghen 3. ans routiers à Spa, & boire chaque iour quelque 30. onces d'eau & d'auantage, si est-ce quand il commença, il n'auoit trois ans. Certes ma fillette n'ayant que 2. ans & demy a commencé à boire l'eau de Spa, & l'a depuis 3. ans continué, laissant beaucoup de sable au regard de son petit corps, beuant iournalierement 32. onces Plusieurs autres ont fait de mesme, ce que ceux qui ont esté au lieu és années susdites, témoigneront. Semblablement en a vſé Fallopius pour les citoiens de Pisa en Toscane, auxquels vexez tous les 4. ans d'une dysenterie epidimicque, ayant avec vn singulier profit ordonné les eaux de Montecatino à ceux qui estoient en aage; en fin il en bailla aux enfans qui n'auoient que 1. ans iusques à 3. gobeletz, & tous ceux dit-il qui en beuoient eschappoient de ce dangers.

Demande huiſtième. Si les femmes enceintes sont capables de boire ces eaux; car puis qu'il est notoire que tous les Medica-

mens diuretiques font venir les mois aux enceintes, & celles à qui viennent leur mois sont en danger d'avorter, il s'ensuit veu que ces eaux ont la preminence entre les diuretiques, qu'il y a grand doute s'elles peuvent estre beues de femmes qui portent enfant. Tabernæmontanus, tant s'en faut qu'il les mette en doute, que au contraire il conuie telles femmes aux Fôtaine acides de Swalback voisines de son pays, les asseurant qu'elles y seront guaries de leur appetit innordonné nommé Pica, & quant & quant du desuoyement de leur estomac, & apres en la page 45. de sont thresor des eaux; assure que ces eaux sont vn antidote singulier pour celles qui sont subietes aux auortissemens. Quant à moy ie treuve ceste demande vn peu plus difficile, veu qu'il y va de la vie d'vne creature humaine, au iugement de laquelle, toute tardiueté est trop hastée. Si est-ce qu'il en faut dire quelque chose, & vuyder le mieux que faire se peut vne question tant scabreuse & difficile. Je dis donc que touchant l'vsage de ces eaux, il y faut accommoder les reigles que nostre Maïstre Hippocrates nous a laissé touchant les purges ou medicamens des femmes qui sont enceintes. Or Hipocrates commande

commande en la 4. sect. aphoris 1. de medicamenter les enceintes, lors qu'on a peur de quelque recessé de fièvre, à cause des mauvais humeurs qui bouillonnent en elles, depuis le 4. mois de leur portée, iusques au 7. Par le 4. mois, comme tiennent vna-nimement tous les interpretes, il faut entendre le temps, auquel l'enfant commence à se remuer, au ventre de la mer: tellement que si deuant ce temps-là, le petit trepigne & se remue, purgez la mere hardiment deuant les 4. mois, comme Hippocrates a fait luy-mesme 1. *Epidem. t. 3. l. 1. & 2.* Car au commencement & sur la fin de la portée les cotyledons ou liens de l'arriere-fais, ressemblent à la queue des fruits qui pendent à l'arbre, lesquels au Printemps, au doux siffier des Zephyres, & en Automne au moindre remuement des vents tombent en terre. De mesme les enfans estant fort tendres comme au Printemps de leur naissance, ou bien de toute part meurs & parfaits, quittent aysement l'amarry de leurs meres, & se mettent au monde. Et autre lieu Hippocrates enseigne que la femme grosse à qui vient vn flux de ventre qui est de durée, est en grand danger d'auorter. Je croy que la raison est, pource que la matiere fecale est fort

fort puante, & sentant toute autre chose que le musque, en passant par les boyaux qui reposent de toute part sur la matrice, infecte l'enfant, fort subiet à estre offensé par vne odeur si detestable; Ou bien pource qu'une partie de la nourriture sorte avec les excremens, deuant que nature en aye conuertie vne partie en sang & aliment, tellement que le petit se trouuant defraudé, & n'ayant assez de quoy viure, cherche à sortir deuant son temps. Dont s'ensuit la responce à la demande que dès le 4. du mois iusqu'au 7. les femmes encintes pourront vser de ces eaux, autant & plus heureusement, que de nulle autre medecine. Toutefois qu'on garde soigneusement deux preceptes, qui sont tirez de la doctrine d'Hippocrat susdit. Le premier est, qu'au 7. mois elles en prèdront moins qu'aux sixiesme, cinquiesme, & sur la fin du quatriesme; comme aussi alors leurs purges doiuent estre plus douces. Le second est qu'une femme grosse, tout le temps de sa grossesse doit estre purgée plus doucement qu'en vne autre saison, de peur qu'il ne luy aduienne, comme à la femme d'Antimachus au 5. des Epid. laquelle estant grosse de 50. iours, ayant prises des forts pillules, rendit l'ame avec ces excremens enuiron la minuit.



De mesme toute femme grosse boira moins de ces eaux, qu'elle ne seroit en vn autre saison, & gardera les reigles communes ordonnées à vn chascun, mieux qu'en vn autre temps. Si toutefois quelques vnes crainctives, n'ont encore la hardiesse de boire ces eaux, pour s'asseurer d'avantage, qu'elles mettent au premier verre qu'elles boiront de la poudre de l'electuaire dia margariti frigidi, ou bien des coraux preparez 2. ou 3. scrupules. Ou si elles sont pauvres, elles mangeront avant que boire l'eau, de la racine de zedowée ou de ronicum, & s'oindront tout le bas ventre de l'onguent de la Contesse, & porteront aux reins vn cerot que Craton tient pour vn grand secret assure, & moy ie l'ay trouué tel par experience R. masticeis vnciam, ladani dragmas sex pulueris bistortæ nucun cupressi, hypocyssidis, acaciæ, sang dracon, ros. rubrarum, corallorum præparatorum ana dragmā terræ sigillatæ drag. duas, cui si quid desit tenacitatis cum tantilo terebinthinæ f. emplastrum. Avec ce remede ie croy que toute femme enceinte pourra boire ces eaux sans danger.

Demandedeufiesme. Si ceux qui ont le nez cramoisi & boutonné, comme quelques hepaticques

hepatiques & gentils biberons se gueriront le vilage beuant ces eaux. Tous les ans on me propose ceste question à Spa, voire il y a peu de temps qu'un Gentilhomme Hollandois me consultoit par lettres, s'il deuoit venir à Spa pour amender son visage. Je respond, puis que ces rougeurs & boutons viennent la plus part du temps, de la chaleur du foy, & que ces eaux eschauffent le foy brauement, comme il appert és hydro-piques & cachetiques, & trauaillées de retention des mois, esquels chacun sçait le foy estre froid, & lors que ces eaux l'on eschauffé, nous en voyons plusieurs guerir tous les ans; Il est asseuré que si les patiens en question beuent long temps nos acides, qu'ils deuiendront plus rouges & boutonnez, comme ie puis asseurer auoir remarqué en plusieurs à Spa tant Religieux que seculiers. Mais ce qu'il faut fort remarquer, à cause que ces boutonnez biberons, souuent voire la plus part, à cause du sang brullé ont obstruction du foy & des meseraïques, ils feront biẽ de boire nos acides 10. ou 12. iours, pour oster les obstructions, lesquelles s'augmenteroient, par les medecines froides, qui leur sont nécessaires pour remettre le foy en bon temperament, & empescher nouuelles rougeurs

rougeurs & boutons. Quant à la presente laidur, ils la chasseront avec l'eau nommée par les Chymistes, lac virginal, ou autre composée du sel armoniac, souphre, tarte, & par ce moyen remettront leur nez à sa premiere forme.

---

*Preceptes contenant plusieurs bonnes doctrines,  
tant pour ceux qui font essai de venir à Spa,  
que pour ceux qui y sont desja arrivez,  
ie n'en ven frustrer le Lecteur, ains  
les mettre icy en toute briefuete.*

P R E M I E R   P R E C E P T E.

Ceux qui ont l'estomac du tout gasté, & tellement refroidy, que il n'y a moyen, que par leur chaleur naturelle qui les défaut, ny par medicamens qu'on leur baille, puissent eschauffer les eaux beuës. Ceux à qui les parties vitaux sont presque endormies, qui de long temps vont haletant & à peine peuuent respirer, ou reprendre haleine. Qui ont l'hydropisie au poulmon, tellement qu'ils ne peuuent souffler. Ceux lesquels estant d'un moyen aage, ne peuuent porter la quantité de soixante, voire quatre vingts, plus ou moins d'onces (i'entend lors qu'ils les auront vsé quelque temps) qu'ils ne viennent à Spa,

à Spa, si ce n'est qu'ils y ont choisi leur sépulture, ou qu'il ayment y accroistre leur mal & mourir tost apres.

---

## SECOND PRÉCEPT E.

Ceux qui sont venus à Spa, apres avoir prié Dieu, & prins conseil d'un sçavant Medecin, ayant quitté tout soing & chagrin à la maison, & n'ayant autre pensée, que de recourir la santé, se leveront de bonne heure, & se trouveront à la Fontaine, lors que le Soleil aura esté rayonnant la terre quelque petite heure, & ayant déchargé leurs corps, non seulement ce que souille les boyaux & la vessie, mais aussi nettoye les yeux, narines, oreilles, boiront autant d'eau qu'ils pourront porter sans surcharger l'estomac. Puis ayant rendu les eaux par vrines ou autre voye, disneront : ayant dîné, passeront le temps aux cartes, pourmenades pour chasser le sommeil. Ils souperont sobrement, retourneront tost de la pourmenade d'apres soupper ; & se mettant au liét ; tiendront ceste façon de viure tandis que par aduis d'un bon Medecin ils quitteront les eaux.

Univrsité des fontaines c. 2.

Difference des fontaines medicinales . . . . . p. 4  
p. 18

D'autres mineraux qui se trouvent en ces fontaines p. 27

Des fontaines de Spa en particulier p. 38

La Difference des quatre fontaines p. 47

Où vient l'acidité à ces fontaines 54

La qualité de ces fontaines. 64

de quelles maladies on se peut guerir par les eaux de Spa 71

par quel moyen ceux qui ont les maladies supdites en peuvent estre gueris à Spa 91

remedes propres à faire que les eaux fassent leur operation en peu de temps 104

Le temps qu'il faut choisir  
pour boire les eaux de Spa 111  
de quelle façon il faut boire les  
eaux de Spa 117

régime de vin pour les buveurs  
d'eau de Spa 127

Solution de quelques demandes  
accoustumées d'être mises à  
Spa 144

Preceptes pour ceux qui viennent  
à Spa 159



